

說文解字注箋

說文解字第十一

金壇段玉裁注

番禺徐灝箋

二十一部 六百八十五文 重六十二

凡九千七百六十九字

文三十一


新附

水 準也北方之行象眾水竝流中有微陽之氣也凡

水之屬皆从水

式軌切

注曰準古音追上聲此以疊韻爲訓釋名曰水準也準平物也天下莫平於水故匠人建國必水地水之文與三卦畧同○箋曰管子水地篇曰水者

萬物之準也釋名曰水準也準平物也此古篆蓋作象形易橫爲直以與偏旁相配也古讀若追上聲今潮州人語尙然



西極之水也从水八聲爾雅曰西至汭國謂之四

極

府巾切

汪曰釋地曰東至於大遠西至於汭國南至於濮鉛北至於祝栗謂之四極釋文汭本或作幽說文作汭同許意西極汭國必以汭水得名言水必先汭與邑部言地先鄴善皆自西而東如禹貢之先弱水黑水也南都賦汾汭輶軋李善汭音八引埤蒼汭大聲也此假借別爲一義其音亦可讀如汭

河水出敦煌塞外昆侖山敦原本作焞今從段正發原注海从

水可聲呼哥切

注曰敦錯作燉鉉作焞皆誤今正唐朝乃作燉煌見元和郡縣志前此皆作敦煌地理志郡國志皆有敦煌郡明之沙州衛今甘肅之安西州敦煌縣玉門縣皆漢郡地也漢書西域傳曰河有兩源一出蔥嶺一出于闐于闐在南山下其河北流與蔥嶺河合東注蒲昌海一名鹽澤潛行地下南出於積石爲中國河云地理志曰金城郡河關縣積石山在西南羌中河水行塞外東北入塞內至勃海郡章武入海過郡十六行九千四百里按于闐今

之闕也積石山今甘肅西寧府西南境之大積石也昆侖山卽馬班所云出蔥嶺于闐天子案古圖書名其山曰昆侖者也

泐

澤在昆侖下从水幼聲讀與歛同

於糾切

注曰西山經不周之山東望泐澤河水所潛也郭

景純酈善長皆云卽史漢之鹽澤一名蒲昌海

凍

水出發鳩山入於河从水東聲

德紅切

注曰北山經曰發鳩之山漳水出焉東流注于河

水經注濁漳篇曰漳水又東凍水注之凍水西出

發鳩山東流注于漳按說文云入於河與水道不

合又但云出發鳩山不言發鳩所在郡縣蓋許所

據山海經作凍水出焉東流注于河故許仍舊立
文若依水經注則凍入濁漳濁漳徑入海不入河
發鳩山在今山西潞安府長子縣西五十里按方
言瀧涿謂之霑漬瀧涿亦曰瀧凍又爾雅楚辭有
凍雨王云暴雨也

涑水出廣漢剛邑道徼外南入漢从水音聲

縛牟切

汪曰地理志廣漢郡剛氏道此作剛邑蓋誤志曰
涑水出徼外南至墊江入漢過郡二行千六十九
里過郡二者廣漢巴郡也墊江縣屬巴郡按剛氏
道徼外蓋在今四川龍安府松潘廳境內地舊松
潘衛也衛東有小分水嶺涑水出焉東南流經龍

安府之平武江油彰明三縣又經綿州又經潼川府之三臺射洪遂寧三縣至重慶府之合州城南嘉陵江合渠江自東北來會合流至重慶府城北入大江合州漢之墊江縣也嘉陵江卽西漢水也許云南入漢謂入嘉陵江也水經云涪水出廣魏涪縣西北南至小廣魏入於墊江蓋舉稍近言之○箋曰嘉陵江源出鳳縣東北之嘉陵谷經兩當縣徽縣至略陽縣會西漢水南流至合州西漢水源出秦州嶠豕山經禮縣西和縣至略陽縣與嘉陵江合涪水自西北來亦會於合州合州卽漢之墊江縣治其水古謂之墊江故水經云涪入墊江

志云涪水至墊江入漢疑入江之誤段謂嘉陵江
卽西漢水未免牽混此西漢水卽禹貢所謂嶓冢
導漾東流爲漢者其水本由略陽東入陝西寧羌
州過漢中興安二府至湖北武昌府入江其後略
陽寧羌之閒水道中斷而西漢水遂入蜀會嘉陵
江至合州入江後人以寧羌東流者謂之東漢水
而入嘉陵江者爲西漢水職是故也此涪水南入
漢當作入江蓋淺人依漢志改之餘詳後漾冢下
涪水出廣漢梓潼北界南入墊江墊段訂作墊从水童聲

徒紅切

注曰裴各本作墊今正前志廣漢郡梓潼縣五婦

山馳水所出南入涪行五百五十里水經曰梓潼水出其縣北界西南入於涪又西南至小廣魏南入於墊江按五婦山卽今保寧府劔州西北五十里之五子山潼水出其西東南流經梓潼鹽亭至射洪縣之獨坐山入涪江今謂之潼江射江瀾江許云南入墊江卽謂涪江涪之下流至合州也漢志墊江縣應劭音徒淡反孟康音重疊之疊衣部襲重衣也巴郡有墊江縣此縣爲嘉陵江渠江涪江會合之地水如衣之重複故曰墊江淺人乃譌作昏墊之墊觀應孟之音則知漢書字固从衣也若今忠州之墊江縣則漢巴郡臨江縣地與漢墊

江相距甚遠又按地理志水經之羌水下合白水亦謂之墊江蓋昔人以其委名其源也

江水出蜀湔氐徼外嶓山入海从水工聲

古雙切

注曰前志湔氐道禹貢嶓山在西徼外江水所出東南至江都入海過郡九行七千二百六十里今本九作七行七千作行二千今依徐鍇所引正過郡九者蜀郡犍爲巴郡南郡長沙江夏廬江丹陽廣陵國也湔氐徼外嶓山卽禹貢岷山封禪書謂之瀆山李膺益州記謂之羊膊嶺今松潘廳北二百三十里大分水嶺是也

沱江別流也出嶓山東別爲沱从水它聲

徒何切

注曰禹貢岷山導江東別爲沱地理志蜀郡郫下
曰禹貢江沱在西東入江汶江下曰江沱在西南
東入江皆謂梁州沱也於南郡枝江曰江沱在西
東入江謂荊州沱也導江之東別爲沱自當謂梁
州者水道提綱曰江至灌縣曰都江分爲二派其
南流者正派也其東流經郫縣新繁成都新都金
堂南經簡州資陽資縣富順至瀘州復入江者沱
江也按此郫之沱耳汶江之沱尙當在其上流未
審今何水○箋曰大江源出松潘驛邊外岷山西
南流經茂州卽漢汶山郡汶江縣治有孟董溝雜
谷水自西北來會班氏汶江下所云江沱在西南

者當卽指此然非東別爲沱之謂也自茂州西南
流至灌縣乃分二派其東至瀘州入江者乃名沱
耳汶江安得又有沱乎自瀘州下至枝江亦無所
謂沱此皆孟堅之誤也臣鉉等曰沱沼之沱通用
此字今別作池非是

漸江水東至會稽山陰爲浙江从水折聲

旨熱切

注曰會稽郡山陰今浙江省紹興府山陰縣是其
地今俗皆謂錢唐江爲浙江不知錢唐江地理志
水經皆謂之漸江江至會稽山陰古曰浙江說文
浙漸二篆分舉劃然後人乃以浙名冒漸蓋由二
水相合今故道不可考矣○箋曰水經云漸水出

三天子都北過餘杭東入於海酈注云山海經謂之浙江郭璞曰三天子鄣山在新安歙縣東今謂之玉山浙江出其旁齊氏召南水道提綱云今浙水北源徽港亦曰新安江其源有四一出徽州府歙縣西北與黟縣相連之黃山卽古黟山今日林厯山也按下文云漸水出丹陽黟南蠻中東入海源委皆合水經注謂漸卽浙是也許君誤分爲二耳至浙江卽錢唐江更無二水段氏復強分之又大江無入浙之道自班志始誤而水經因之許亦承其誤竊謂禹貢三江旣入指江漢合流與豫章江並入彭蠡而言其自彭蠡出而分流則導水但

有北江中江而無南江後人以餘姚入海爲南江者非也詳見通介堂經說

泚水出蜀汶江徼外東南入江从水我聲

五何切

注曰此篆當作泚各本誤作泚今正水經注云呂忱曰泚水出蜀許慎以爲泚水也从水我聲俗改泚爲泚非是集韻類篇皆云泚或作泚前志汶江下曰泚水出徼外南至南安東入江過郡三行三千四十里又蜀郡青衣下曰禹貢蒙山谿大渡水東南至南安入泚師古曰泚音哉按南安今嘉定府治附郭縣曰樂山是也蜀郡汶江縣今茂州治是其地漢志青衣縣下有大渡水而無青衣水蓋

今之青衣水班所謂大渡水也今之大渡河班所謂濊水也凡水以互受而名亂舉如是矣大渡河自北而西而西南而東而東北曲行千五百里班云過郡三者蜀郡越嶲犍爲也云行三千四十里三或二之誤凡唐宋史云大渡河者皆謂地理志之濊水卽司馬相如傳之沫水○箋曰今各本水經注竝引呂忱曰濊水出蜀許慎以爲濊水也从水我聲趙氏一清曰濊乃濊之誤道元故引說文以正之段氏徑改說文濊作洩以就已說反謂今本作濊者爲俗改乖繆甚矣其云今之青衣水卽班所謂大渡水今之大渡河班所謂濊水則是也

此孟堅之誤今青衣江源出蘆山縣東伏牛山西
南流經雅州府折而東南經名山縣南會蒙山水
至洪雅夾江二縣又經峨眉縣東境會三峩水至
嘉定府西合大渡河入大江許云汶江徼外與湔
氏徼外文同一例前志泚水載汶江縣下失之後
志及水經竝作汶江道是也據說文水經孟堅以
沫水誤爲泚水而泚作泚則又字之誤耳泚水卽
今青衣水謂之泚者以其來自峨眉而名之也

湔

水出蜀都縣虎玉壘山東南入江从水前聲一曰

手瀚之

段訂作湔半
泚也子先切

注曰前志蜀郡縣虎玉壘山湔水所出東南至

江陽入江過郡三行千八百九十里又廣漢郡縣
竹縣紫巖山縣水所出東至新都北入雒又雒縣
章山雒水所出南至新都谷入湔按過郡三者蜀
郡廣漢犍爲也湔水縣水雒水三水互受通犍水
經云江水又東過江陽縣南雒水從三危山東過
廣魏雒縣南東南注之是卽漢志之湔水兼縣雒
至江陽入江者也三危山蓋卽漢志之玉壘山水
經以雒爲湔江陽今四川瀘州縣虎玉壘山當在
松潘衛境內一日手潞之當作湔半潞也水經注
引字林云一日半沔水也此妄增水字今正半潞
者潞衣不全濯之僅濯其垢處曰湔今俗語猶如

此此相沿古語如云湍裙是也○箋曰漢絲虎縣
今汶山縣地後漢志作絲虎道應劭曰虎音斯水
道提綱曰沱水自灌口東會縣維諸水而南支港
縱橫皆沱江也亦曰湍江亦曰郫江灝按漢志蓋
言其源此言其委今汶山縣西北境有水數道並
入灌口不知孰爲湍水之源其自灌口東至焦沙
尾有縣維諸水從漢州西北來會自此南流至瀘
州卽古之江陽尙五六百里而水經言江水過江
陽洛水從三危山東過廣魏洛縣南東南注之其
誤明矣廣魏蓋廣漢之譌廣漢郡卽今漢州也酈
注亦謂經曰出三危山所未詳段云三危山卽玉

壘山當在松潘境非也又段改手作半非是說見
後涑篆下

涑水出蜀西徼外東南入江从水末聲

莫割切

注曰蜀謂蜀郡不言何縣者未審也沫水卽洩水
兩列之蓋許有未審水經曰大江又東過犍爲武
陽縣青衣水沫水從西南來合而注之又青衣水
出青衣縣西蒙山東與沫水合至犍爲南安縣入
江又曰沫水出廣柔徼外東南過旄牛縣北又東
至越嶲靈道縣出蒙山南東北與青衣水合東入
於江按武陽南安二縣接壤南安今嘉定府治附
郭縣曰樂山是也○箋曰據桑欽說今大渡河卽

沫水也大渡河亦名陽江源出邛州大邑縣西北境之霧沖圓覺諸山西南流經大小金川司會打箭鎗之瀘河折而東南會越嶲河至嘉定府城西與青衣江合入大江水經又云沫水過旄牛縣北語小有誤旄牛卽今清溪縣其北境無水蓋南之譌耳又云東至越嶲靈道縣出蒙山南東北與青衣水合東入於江則大舛此本謂沫水會越嶲河與青衣水合入江因靈關縣舊隸越嶲郡後人遂誤認會越嶲河爲至越嶲靈道縣又因其地有蒙山而以爲出蒙山南皆妄加增竄不知蒙山乃青衣水所自出安得云與青衣水合其靈道縣則靈

關道之謁也胡氏渭不察其誤以爲廬山縣有靈
關山當爲沫水之所經而趙氏一清亦承其誤今
爲正之至段氏改洩爲洩以爲卽沫水尤謬說已
見前

溫水出犍爲涪南入黔水从水盪聲

烏魂切

注曰犍依王氏宋本从木作犍隸釋漢碑犍爲皆
作犍爲涪當作符今正地理志犍爲郡符下云溫
水南至氍入黠水黠水亦南至氍入江黔卽黠也
水經曰江水又東過枳縣西延江水從牂柯郡北
流西屈注之枳縣今重慶府涪州治與涪陵縣接
壤今涪州城東北有黔江南自貴州合諸水入焉

亦曰烏江亦曰涪江亦曰涪陵江此水自西而東而北源流二千三百里詳見水道提綱而覈之古籍猝難互證○箋曰溫水今不知其源委涪州之境在黔江西北依許云溫水出涪南入黔自可通若從漢志改涪爲符則符爲今瀘州合江縣地在涪之西南且在大江之南地望不合若鬱縣則今貴州遵義縣地更渺不相涉此條漢志明有舛誤水經亦承其誤至漢碑槩爲作槩者乃書家異體不可爲典要段氏每有見異輒改許書斯真無事自擾矣

鬱水出巴郡宕渠西南入江从水驚聲

昨鹽切

注曰前志巴郡宕渠下曰瀾水出西南入江不曹
水出東北南入瀾按水經於江水曰又東北至巴
郡江州縣東強水涪水漢水白水宕渠水五水合
南流注之鄺云宕渠水卽潛水渝水矣水經又曰
潛水出巴郡宕渠縣又南入於江許云西南入江
則此水必合嘉陵江至合州入江未詳今之何水
今四川順慶府渠縣東北七十里有宕渠城

沮

水出漢中房陵東入江从水且聲

子余切

注曰漢中郡房陵今湖北鄖陽府房縣是其地前
志房陵下曰東山沮水所出東至郢入江水經曰
沮水出漢中房陵縣東山東南過臨沮縣界又東

南過枝江縣東南入於注今此水出房縣西南二
百里之景山經當陽縣合南漳水至荊州府城西
南周寅店入江顧景范曰其字正作沮左傳作睢
皆七餘反後譌爲沮讀曰租字與音俱變矣今襄
陽沮水左右地皆曰沮中亦謂之沮中

滇

益州池名从水眞聲

都年切

注曰前志益州郡滇池縣下云滇池澤在西北南
中志曰有澤水周迴二百里所出深廣下流淺狹
如倒流故曰滇池今雲南府附郭昆明縣府城南
之滇池是也城西南八十里爲海口大河卽滇池
導流之處也下流至武定府注於金沙江金沙江

在四川敘州府入江

涂水出益州牧靡南山西北入繩原本作繩今從段正从水余

聲

同都切

注曰牧靡前志作收後志作牧前志曰南山臘涂水所出西北至越嶲入繩過郡二行千二十里水經注若水篇曰涂水導源臘谷西北流至越嶲入若水按涂水出臘谷故漢志謂之臘涂水漢志說文皆云入繩而水經注云入若水者善長云若水又逕越嶲大祚縣入繩繩水出徼外南逕旄牛道至大祚與若水合自下亦通謂之繩水矣牧靡今何縣涂水今何水未審○箋曰戴氏校刊水經注

及趙氏一清本竝作涂水導源臘谷入繩又漢志臘下奪谷字當據水經注補之

沅水出牂牁故且蘭東北入江从水元聲

惡袁切

注曰前志牂牁郡故且蘭下曰沅水東南至益陽入江過郡二行二千五百三十里按益陽屬長沙國漢志東南當從說文作東北過郡二當作三謂牂牁武陵長沙也水經曰沅水出故且蘭縣爲旁溝水又東至鍾成縣爲沅水東過無陽縣又東北過臨沅縣南又東至長沙下雋縣西北入于江水道提綱曰沅水數源一曰鎮陽江出貴州平越府東北之黃平州南金鳳山一曰清水江其源有二

北曰平越府西北之豬梁江南曰都勻府西南之馬尾河古偁沅水出故且蘭必指豬梁江及豬梁所納之卡龍河也清水江與鎮陽江合於黔陽縣曰經常德府治武陵縣西南而入洞庭湖

淹水出越嶲徼外東入若水从水奄聲

莫廉切

注曰越嶲郡屬益州二志同不言何縣徼外者未審也水經曰淹水出越嶲遂久縣徼外東南至青蛉縣又東過姑復縣南東入於若水然則淹水亦合金沙江以入江者也越嶲郡今四川甯遠府是其地廣韵淹下曰漬也滯也久畱也敗也

潞水自張掖刪丹西至酒泉合黎餘波入于流沙从

水弱聲桑欽所說

而灼切

注曰禹貢曰弱水既西又曰導弱水至于合黎餘波入于流沙前志張掖郡刪丹下曰桑欽以爲導弱水自此西至酒泉合黎又張掖郡居延下曰居延澤在東北古文以爲流沙水經曰合離山在酒泉會水縣東北流沙地在張掖居延縣東北今甘肅舊山丹衛卽刪丹廢縣舊甘州衛西北千二百里
有故居延城故居延城東北有居延海衛西北四十里有合黎山衛西有弱水胡氏渭禹貢錐指曰弱水正流入居延海其餘波則入流沙流沙非居延也按今人用弱爲休沒字又用爲人小便之

屢字而水名則皆作弱

洮

水出隴西臨洮東北入河从水兆聲

土刀切

注曰前志隴西郡臨洮下曰洮水出西羌中北至枹罕東入西按東入西當依水經注作東入河水經曰河水又東入塞過隴西河關縣北洮水從東南來流注之今甘肅蘭州府狄道州西南二百二十里有臨洮城漢縣也今洮河出洮州衛西南邊外之西傾山東北流經狄道州南至蘭州府西境入河曰洮口行八百餘里按洮爲地名水名極多又爲洮類又爲洮汰洮米皆用此字○箋曰洮州衛今爲洮州廳

涇水出安定涇陽开頭山東南入渭雒州之川也从

水至聲切

古靈切

注曰前志安定郡涇陽下曰开頭山在西禹貢涇水所出東南至陽陵入渭過郡三行千六十里雍州川陽陵屬左馮翊過郡三者安定扶風馮翊也今甘肅平涼府附郭平涼縣府西南有故涇陽城漢縣也开頭山亦作笄頭山始皇紀作雞頭山在今平涼府西南四十里今涇水出山之涇谷經涇州又經陝西邠州長武縣至西安府高陵縣西南二十里入渭曰涇口大致東南流也涇濁渭清故詩曰涇以渭濁涇水溉田之利自秦漢鄭國白公

而後迄於唐宋元明皆修復白渠雖州川周禮職
方氏文按爾雅直波爲徑釋名作直波曰涇云涇
徑也言如道徑也莊子涇流之大司馬彪云涇通
也今蘇州嘉興溝瀆曰某涇某涇亦謂其可徑通

渭

水出隴西首陽渭首亭南谷東入河从水胃聲杜

林說夏書以爲出鳥鼠山雖州浸也

云貴切

注曰前志首陽下曰禹貢鳥鼠同穴山在西南渭
水所出東至船司空入河過郡四行千八百七十
里雍州浸按首陽縣今甘肅蘭州府渭源縣過郡
四者天水扶風京兆馮翊也今渭水出渭源縣經
鞏昌府及甯遠伏羌縣秦州清水寶雞岐山扶風

武功螯崖鄠縣咸陽縣西安府臨潼高陵渭南朝
邑至華陰縣北入於河杜林說夏書謂林說古文
尙書禹貢也云以爲出鳥鼠山者鳥鼠山與首陽
山南谷同縣而異地故別爲異說也雒州濩職方
氏文鄭曰浸可以爲陂灌漑者

漾

水出隴西獼道

獼原本作相今從段正

東至武都爲漢从水

養

余亮切

漾

古文从養

注曰獼各本字誤今依水經注所引說文正但獼
道不屬隴西當作氐道乃與漢志合前志隴西郡
氐道下曰禹貢養水所出至武都爲漢武都郡武
都下曰東漢水受氐道水一名沔過江夏謂之夏

水二條相屬爲辭隴西郡西下又曰禹貢蟠冢山
西漢所出南入廣漢白水東南至江州入江鄭注
尙書導漾引地理志漾水出隴西氐道至武都爲
漢至江夏謂之夏水注梁州沱潛云潛蓋西漢出
蟠冢東南至巴郡江州入江行二千七百六十里
又云漢別爲潛其穴本小水積成澤流與漢合大
禹自導漢疏通卽爲西漢水也班鄭皆謂東漢西
漢同出蟠冢西漢者別於漢而曰西漢東流者本
無取併志云東漢者後人增字耳班氏所云今水
道不合故異說紛然金氏楊禮箋之說取爲折衷
古文漾漢書作養用假借字○箋曰今漢水出陝

西甯羌州嶓冢山東流逕沔縣褒城縣漢中興安
二府至湖北鄖陽襄陽二府折而南流逕安陸府
至潛江縣復東流逕漢陽府至武昌府入江卽前
志所云武都漢水受氐道水過江夏者也又甘肅
鞏昌府秦州西南境亦有嶓冢山爲西漢水所出
卽漾水也逕禮縣至西和縣西南境過仇池山經
成縣西南境之祁山麓東南流至略陽縣合嘉陵
江逕四川保甯順慶二府至重慶府合州入江此
又前志所云西漢水南入廣漢白水至江州入江
者也今西和縣成縣卽漢西縣武都二縣之地氐
道沿革今未能詳金氏榜謂準之地望當在西縣

之東是也水經注引常璩華陽國志曰漢水有二源東源出武都氏道縣漾山西源出隴西西縣嶓冢山卽其證蓋禹貢嶓冢導漾源出西和成縣南流至略陽又東折入甯羌州與漢水通流至武昌入江其後略陽甯羌之閒水道中斷而西漢水遂入蜀境合嘉陵江至合州入江金氏云漾水輟流不與漢相屬由來已久後儒於漢源求嶓冢不得因傷漢水之西強名之曰嶓冢是也其謂志言但明禹貢漢水故道而非漢代經流此則不盡然金氏所據者水經注也余謂因酈注足見漢時水道猶是禹迹其後漢水乃輟東流耳至段氏謂東漢

水之東字爲後人所增良然其云獠道當作氏道則恐非是獠道卽今鞏昌府附郭隴西縣地與今之甯遠縣皆在漢襄武縣境內附近蟠冢而襄武固屬隴西郡蓋班氏自作氏道許君自作獠道不必強同至獠道本隸天水後漢爲南安郡治而皆不屬隴西則許記憶之誤耳

漾也東爲滄浪水从水難省聲

呼肝切

漾古文

注曰書傳曰泉始出山爲漾按漾言其微漢言其盛也東爲滄浪水禹貢文水經曰沔水又東北流又屈東南過武當縣東北酈注縣西北四十里漢水中有洲名滄浪洲庾仲雍漢水記謂之千齡洲

非也是世俗語訛音與字變矣地記水出荆山東
南流爲滄浪之水余按尙書言又東爲滄浪之水
不言過而言爲者明非他水決入也蓋漢沔水自
下有滄浪通偁耳玉裁按鷦鷯字从堇聲則漢
亦堇聲此難省聲淺人所改不知文殷元寒合韻
之理也

滄浪水也南入江从水良聲

來宕切

注曰滄浪平聲今但爲波浪字

沔水出武都沮縣東狼谷東南入江或曰入夏水从

水沔聲

彌亮切

注曰武都沮縣二志同今陝西漢中府略陽縣是

其地有沮水出焉前志沮縣下曰沮水出東狼谷水經曰沔水出武都沮縣東狼谷中鄧注沔水一名沮水引關駟云以其初出沮洳然故曰沮水前志曰南至沙羨南入江過郡五行四千里過郡五者武都漢中南陽南郡江夏也或曰入夏水者今荊州府附郭江陵縣府東南二十五里有夏水口是也水經夏水東至江夏雲杜縣入于沔注云當其決入之所謂之堵口劉澄之永初山川記云夏水是江流沔非沔入夏今按二水相合互受通稱謂沔入夏亦無不可○箋曰沔水至江夏入江不復西入江陵或說未確水經謂夏水東至雲杜入

河是也雲杜卽今沔陽州地劉說本水經段說非

湟水出金城臨羌塞外東入河从水皇聲

平光切

注曰金城郡臨羌二志同舊西甯衛西二百八十里
有故臨羌城前志臨羌下曰西北至塞外有西
王母石室僊海鹽池北則湟水所出東至允吾入
河水道提綱曰青海在今西甯府邊西五百餘里
古名西海卽鮮水也今爲厄魯特等二十三旗地
青海東卽湟水古所謂湟中地北卽大通河古所
謂浩亶水東南會湟水入黃河也湟水卽洛都水
源出今西甯府西北邊外至今蘭州西境入黃河
按允吾音鉛牙今蘭州府西北三百里有故鉛吾

城浩疊音閣門僊海卽西海古音西讀如僊

汧水出扶風汧縣西北句入渭从水𣎵聲苦堅切

注曰前志右扶風汧下曰吳山在西古文以爲汧
山雍州山又曰汧水出西北入渭後志汧下曰有
吳嶽山本名汧汧水出按今鳳翔府隴州東南有
汧源廢縣汧山在今隴州西北禹貢之畎周禮之
嶽山也汧陽河卽古汧水出焉東南流經汧陽縣
至寶雞縣東三十里合於渭

渭水出扶風鄠北入渭从水勞聲魯刀切

注曰右扶風鄠見邑部上林賦終始灞漦出入涇
渭鄠鎬潦漦紆餘委蛇潘岳關中記曰涇渭灞漦

酆鎬潦潘所謂八川李善曰潦卽澇水也水經曰渭水又東過槐里縣南又東澇水從南來注之今陝西西安府鄠縣西三里澇水出南山澇谷北流經故黃陽宮西入長安縣界入渭故曰北入渭水道提綱曰渭水東經鄠縣北境咸陽縣城東南又東北有豐水自西來合諸水北流注之諸水者澇水瀉水潘水也史漢文選皆作潦惟封禪書正作澇按今用爲旱澇字

漆

水出右扶風杜陵岐山東入渭一曰入洛从水漆

聲

親吉切

注曰二志皆杜陵屬京兆尹杜陽屬右扶風此當

作杜陽今陝西鳳翔府麟游縣是其地公劉居豳
太王遷岐今邠州及岐山扶風二縣是其地大雅
縣傳曰周原漆沮之間也周頌潛傳曰漆沮岐周
之二水也許云漆水出杜陽正岐周地此漆沮在
涇西禹貢導渭又東過漆沮則在涇東與岐周無
涉水經曰漆水出扶風杜陽縣俞山東北入於渭
正與說文合惟岐作兪耳酈氏引開山圖曰岐山
在杜陽北長安西有渠謂之漆渠酈又云漆水出
杜陽縣之漆溪謂之漆渠漆渠合岐水與橫水合
東注雍水又合杜水南注於渭郭璞山海經注云
今漆水出岐山皆與水經合而前志右扶風漆縣

下云漆水在縣西以地望準之蓋此漆水出園地
漢漆縣以水爲名西南流至岐而入渭關駟十三
州志云漆水出漆縣西北至岐山東北入渭是也
許及水經云出杜陽岐山者容舉其近源言之○
箋曰段氏考索漆沮未竟其義其云禹貢導渭在
涇東與岐周無涉亦承舊說之誤今按許杜桑鄠
皆言漆水出杜陽岐山足以互證且其地有漆渠
自是發源岐山流入於邠段以漢漆縣以水爲名
遂謂水出園地西南流至岐蓋沿關駟之說而誤
不知漢漆縣實以漆治鐵官得名班云漆水在縣
西者亦猶馮翊襄德下云洛水東南入渭而其源

則出北地歸德也至沮水所在漢志無文程大昌
雍錄引長安志曰沮水自邠州東北來至華原縣
南流乃合漆水入富平縣石川河石川河者沮水
正派也水道提綱云漆水出宜君縣大神山南流
曰同官川至同官縣折而西南流至耀州城之東
南沮水自西來會既會折東南流經富平縣至高
陵縣之交口鎮入渭灝按此卽長安志所謂沮合
漆入富平者也然岐周之漆傳記分明水道雖湮
脈絡可考不應宜君復有漆水蓋後人尋源不得
遂爾傳會惟云沮水自邠州東北來至華原則未
可盡非華原卽今耀州提綱所僞耀州之沮竝無

來源或古昔源出於邠由邠入耀其後上流枯竭
亦未可知如此則漆水自岐至邠會沮水而東流
入渭適當涇水下流禹貢所云東會于涇又東過
漆沮者其故道亦合也餘詳後澶篆下又按段氏
補注載休甯汪氏龍引戴東原之說謂漆水北流
注於涇以入渭與南流合杜岐雍以入渭者爲二
水與涇東之漆截然爲三此緣誤讀水經十三州
志漆水東北入渭之語而不知北乃義文又以渭
水在南不可以言北入而改爲注涇以入渭此真
無事自擾也

漆水出京兆藍田谷入霸从水產聲

所簡切

注曰澹史漢作產霸灞古今字史漢作霸京兆尹
藍田二志同故城在今西安府藍田縣西十一里
前志京兆尹南陵下曰沂水出藍田谷北至霸陵
入霸水霸水亦出藍田谷北入渭師古曰沂音先
歷反按此乃大誤沂者澹字之誤水經注引志可
證張揖注上林賦亦曰霸水出藍田西北而入渭
澹亦出藍田谷北至霸陵入霸水水經注曰霸水
出藍田谷逕藍田縣東又左合澹水水道提綱曰
灞水上源卽藍水也出藍田縣藍關之西南山秦
嶺經西安府境東而北有澹水西南自太乙山東
南之西王峪嶺及秦嶺三源合而東北流至高陵

縣南境入渭曰灃口○箋曰段以沂爲澮之誤如此乃與說文水經諸書有合似是已然澮字尙恐有誤愚謂小顏先厯切之音必有其故斷非無因出此者疑澮爲薛之譌薛梵書作薩見一切經音義卷四俗書作薩遂譌爲澮耳薛私列切聲轉爲先厯切又爲桑葛切也此無可考見存以俟知者定之

渭

水出左馮翊

當作北地

歸德

北夷界中

東南

入渭

繫傳有澮

州漢

三字

从水各聲

切

注曰左馮翊當作北地前志北地郡歸德下云洛水出北蠻夷中入河入河者入渭以入河也今甘

肅慶陽府安化合水二縣漢歸德地方輿紀要曰
洛水出慶陽府合水縣北白於山東南流經休安
縣甘泉縣邠州又南經洛川縣中部縣而沮水入
焉沮水卽說文澮水出北地直路西東入洛也自
是洛水亦兼沮水之稱又東南流經澄城縣同州
府至朝邑縣南入渭水道提綱曰舊合渭入河自
明時改流徑入河不南入渭今洛口南去渭口三
十里按雍州洛水豫州雒水其字分別自魏人書
雒爲洛而人輒改魏以前書籍故致錯出○箋曰
豫州雒水乃假借字凡水異地同名者不一而足
如既有澮沮又有漆沮而襄陽復有沮中既有濁

漳清漳又有南漳而入潯者復有漳水豫之洛與
雍之洛不嫌同名未可執一也

潯水出宏農盧氏山東南入海从水音聲或曰出鄴

山西

余六切

注曰前志宏農郡盧氏下曰有育水南至順陽入
沔順陽者南陽之博山也水道提綱云漢水經襄
陽府城北樊城南有白河唐河東北自河南新野
合南陽府諸縣及鄧州水南流又合西來之清河
東來棗陽之懷河來會齊氏所謂白河卽潯水也
南陽之水消最大水經注云合魯陽關水洱水梅
谿水朝水棘水濁水湍水比水白水入漢南都賦

曰清水盪其胷推准引滌三方是通知清取大齊
氏以趙河當之非也或曰出酈山西者前志南陽
酈下曰青水出西北南入漢漢當作沔蓋出酈山
者與出盧氏山者異源而同流故班許皆兼述之
也酈故城在今南陽府內鄉縣東北○箋曰白河
源出南召縣西北境之曹峰山自南召縣西南流
經南陽府治至新野縣樊城南入於漢趙河源出
魯山縣南境山中東南流至唐縣折而西南流與
唐河會又至襄陽東北境合白河至樊城入漢方
輿紀要以白河爲古清水水道提綱以趙河爲古
清水近人多從顧說故段氏亦從之按南召又有

雞子河經酈山之西西南流入白河與或說出酈
山西者正合然則白河與雞子河異源同流也

汝水出宏農盧氏還歸山東入淮从水女聲

人洛切

注曰前志汝南郡定陵下曰高陵山汝水出東南
至新蔡入淮過郡四行千三百四十里水經注曰
今汝水出魯陽縣之大孟山蒙柏谷西卽盧氏界
按此許云出盧氏還歸山所出也凡言水源者每
多乖異前志云出定陵入淮於新蔡皆在汝南郡
而云過郡四班固知不始於高陵山矣過郡四者
蓋南陽河南潁川汝南也方輿紀要曰今汝水出
汝州魯山縣西南七十里大孟山東北流出縣北

經伊陽縣汝州南又東南經寶豐縣郊縣南入南陽府裕州界經葉縣北又東入許州之襄城鄆城縣南而入汝甯府西平縣境東南流經上蔡縣西汝陽縣北又東經新蔡縣西息縣北至江南潁州南而注於淮蓋非復漢以前故道矣水道提綱曰汝水舊從舞陽縣北而南入西平界自元末於渦河竭斷其流使東歸潁於是西平雲莊諸石二山之水明時亦塞今水道與古全異矣

潁水出河南密縣大隗山南入潁从水異聲

與職切

注曰今河南開封府密縣東南三十里有故密城大隗山卽具茨山在新鄭縣西南四十里蓋山與

密接界前志密下曰有大騶山潞水所出南至臨
潁入潁今潞水自新鄭大騶山南流經長葛縣流
入許州北二里又南經臨潁縣而合於潁一名魯
固河又名清流河是也師古曰潞又音昌力反李
吉甫曰潞水俗名勅水

汾水出太原晉陽山西南入河从水旁聲或曰出汾

陽北山冀州浸

符分切

注曰今山西太原府太原縣縣治東北有太原舊
城城中舊有三城一曰大明城古晉陽城也周禮
河內曰冀州其浸汾潞前志曰太原郡晉陽晉水
所出東入汾汾陽汾水所出西南至汾陰入河水

經曰汾水出太原汾陽縣北管涔山至汾陰縣北
西注於河許云出晉陽山與志水經不合蓋舉其
近源也所謂晉陽山者卽太原縣西南十里襄山
晉水所出也今汾水出靜樂縣管涔山經陽曲至
太原城東晉水入焉又經徐溝交城介休靈石霍
州趙城洪洞臨汾至絳州城南澮水入焉又經稷
山河津至榮河縣北境入河在龍門之南五十里
曰汾口於古水道無大異

澮水出霍山

出下段補河東義三字

西南入汾从水會聲

古外切

注曰河東義三字鉉奪錯本誤作河西二字今正
前志河東郡義下曰霍大山在東冀州山今山西

霍州東南霍山禹貢之太岳也水經曰澮水出河
東絳縣東澮交東高山西至王澤注於汾水不言
出霍山者水經舉其近源許舉其遠源也水道提
綱曰澮河源出翼城縣東南山西經曲沃縣南至
絳州城南入汾方輿紀要曰翼城縣有澮高山有
澮水入曲沃縣界至絳州南入汾○箋曰漢志於
晁下但言霍大山在東不言澮水此恐許君記憶
之誤當從水經爲是

沁水出上黨羊頭山東南入河从水心聲

七鳩切

注曰今山西沁州沁源縣城南故穀遠城漢縣也
前志穀遠下曰羊頭山世靡谷沁水所出東南至

熒陽入河過郡三行九百七十里三郡上黨河內河南也水經曰沁水出上黨涅縣謁戾山南過穀遠縣東至熒陽縣北東入於河師古據唐時在懷州武陟入河疑轉寫錯誤非也謁戾山卽羊頭山戴先生曰山在今武鄉縣西百二十里西北接祁縣平遙縣西南接沁源縣一名麓臺山迤邐而西爲綿山其北爲介休縣西爲靈石縣皆謁戾山也今沁水出沁源縣西北百里之綿山東谷西南流經陽城縣至河南懷慶府城北又東南經武陟縣而入於河與唐時入河處同

沁水出壺關東入淇一曰沾益也从水占聲

他兼切

注曰今山西潞安府治卽漢壺關地前志壺關下
曰有羊腸坂沾水東至朝歌入淇水經注曰淇水
出沮洳山衝激橫山又東北沾水注之水出壺關
縣東沾臺下東流注于淇按今壺關縣東南有沾
水又按沾添古今字俗製添爲沾益字楚辭大招
不沾薄只王注沾多汁也漢曹全碑惠沾渥白石
神君碑澍雨沾洽魏受禪表元澤雲行罔不沾渥
皆卽今之添字也○箋曰古但言增加而不言添
添乃後出俗字不得以沾字當之傳記亦無訓沾
爲增加者段所引諸沾字皆沾溉涵濡之義一曰
沾益亦沾溉之引申沾霑乃古今字耳鼎臣云今

別作添非是其意以沾爲古添字而段因之蓋鼎臣以舊音他兼切而云然不知此古重唇音也

潞

冀州浸也上黨有潞縣从水路聲切

洛故

注曰周禮職方氏曰冀州其浸汾潞按此浸自周初迄漢湮浸不彰班許皆不言潞之源流闕駟曰潞水卽漳水也善長亦謂無他大川可以言浸惟漳水耳此非許意周禮川漳浸潞竝言則非一物矣上黨郡潞縣二志同今山西潞安府潞城縣東北四十里有故潞城

漳

濁漳出上黨長子鹿谷山東入清漳清漳出沾山

大要谷北入河南漳出南郡臨沮从水章聲切

諸良

注曰今山西潞安府長子縣西南有故長子城前
志長子下曰鹿谷山濁漳水所出東至鄴入清漳
水經曰濁漳水出上黨長子縣西發鳩山酈曰漳
水出鹿谷山與發鳩山連麓而在南按今濁漳水
出長子縣西五十里之發鳩山經潞城襄垣黎城
縣入河南林縣界合於清漳禹貢所謂衡漳也又
今山西平定州樂平縣西南三十里有沾縣故城
前志沾下曰大黽谷清漳水所出東北至阜成入
河過郡五行千六百八十里冀州川過郡五者上
黨魏郡清河信都勃海也按志言濁漳入清漳清
漳入河水經言清漳入濁漳濁漳會滹沱入海蓋

緣作水經時與作志時異也王氏應麟曰漳水舊入河周定王五年河徙而南故漳水不入河而自達於海王氏特臆度之詞依班許則漢時未必不入河也今清漳出樂平縣西南二十里之少山經和順縣遼州河南涉縣至林縣交漳口合濁漳既合之後入直隸界移徙分合自昔不常今則一派至山東臨清州入運河一派在直隸新河縣入北泊會漳沱至天津入海詳見水道提綱又南漳今湖北襄陽府南漳縣西南六十里有臨沮故城是也左傳曰江漢雖漳楚之望也雖卽出漢中房陵之沮水前志沮下曰禹貢南條荆山在東北漳水

所出東至江陵入陽水陽水入河行六百里按志不言沮者以漳該沮也其云陽水蓋謂沮水也今漳水源自鄖陽府房縣景山至保康縣境會沮水

淇水出河內其北山東入河或曰出隆慮西山从水

其聲

渠之切

注曰今河南衛輝府輝縣治古其城也前志河內郡其下曰北山淇水所出東至黎陽入河北山今輝縣西北蘇門山其別阜曰其山是也今淇水自彰德府林縣流入衛輝府淇縣境入衛河而入海與古入河者迥異又前志河內郡隆慮後志作林慮慮音閭今彰德府林縣是其地西山者林縣西

北二十五里隆慮山是也水經曰淇水出河內隆慮縣西大號山東北入於海隆慮漢諱殤帝改曰林慮此不改者書成於和帝永元十二年以前也○箋曰今淇水上源出山西澤州府陵川縣東南流經河南彰德府林縣南境至衛輝府淇縣會衛河東北折入直隸大名府至天津入海班許云淇水出河內其縣亦不甚背馳但相距稍遠又不當言出耳水經云出隆慮縣大號山亦是以所經之地爲出其誤正同一轍至班許言入河則古今變遷未可知也

潞水出河內潞陰東入黃澤从水募聲

徒朗切

注曰今河南彰德府湯陰縣西南有故蕩陰城後人省艸水經曰蕩水出河內蕩陰縣西山東東北至內黃縣入於黃澤注云蕩水合羨水長沙溝逕內黃城南東注白溝按內黃黃澤在今直隸內黃縣水道提綱曰衛河經湯陰縣東界湯河出湯陰縣西山中東流經縣城北東入衛河則與古水道大異蕩古音吐郎切假借為浩蕩字古音亦同

水

出河東垣王屋山

原本垣上誤重東字今刪

東為沛从水允

聲

以轉切

古文沔

原本古文作沿今從段正

注曰東垣二字誤倒今依水經正河東郡垣二志同今山西絳州垣曲縣河南懷慶府濟陰縣是其

地垣曲縣西北二十里有垣縣故城前志垣下曰
禹貢王屋山在東北沅水所出東南至武德入河
軌出熒陽北地中又東至琅槐入海過郡九行千
八百四十里過郡九者河東河內陳畱梁國濟陰
泰山濟南齊郡千乘也水經曰濟水出河東垣縣
東王屋山爲沅水東至溫縣西北爲濟水南當鞏
縣北南入於河王屋山今在濟源縣西八十里沅
水所出尙書某氏傳曰泉源爲沅流去爲濟按泉
出沮洳曰沅引申爲沅州口部曰九州之渥地也
故以沅名焉○箋曰段以爲東垣誤倒蓋謂出垣
縣東之王屋山愚以爲下東字蓋誤衍古文本作

水經注卷之二十一
三
今故臣鉉等曰口部已有此重出後人因改爲泚
不知沿亦重出也鈕云篇韻泚下並無古文疑非
許書本有

泚也東入于海从水市聲

子禮切

注曰四瀆之沛字如此作今經史皆作濟惟地理
志引禹貢職方作沛又泰山齊郡河南東郡下亦
有沛字然以濟南濟陰名郡志及漢碑皆作濟則
知漢人皆用濟班許僅存古字耳禹貢曰導泚水
東流爲濟入于河溢爲滎東出于陶丘北又東至
于沛又東北會于汶又北東入于海今沛水不特
入河以後不可致詳考郡國志曰濟水王莽時大

滙水出桂陽縣廬聚山涯浦關爲桂水从水匡聲

切

注曰桂陽郡桂陽二志同今廣東連州治卽漢縣地前志桂陽下曰涯水南至四會入鬱過郡二行九百里二郡桂陽南海也水經曰涯水出桂陽縣廬聚東南過含涯縣南出涯浦關爲桂水按前志南海中宿縣有涯浦關酈注亦云爾今志文關作官桂陽下涯作滙皆譌字也今涯水出連山縣東南流經連州英德縣清遠縣合湏水經三水縣至廣州府城西入西江以入海班所謂入鬱今廣東之北江也酈氏曰桂水者涯之別名也按涯水亦

日湟水○箋曰班志謂涇水入鬱殊誤段氏於其
委亦有小舛涇水經清遠縣合湏水至廣州會東
西二江而南入於海黔鬱二江會潯江東流入廣
東界總稱西江涇水無逆行入鬱之理也

懷

水出廬江入淮从水惠聲

胡計切

注曰出疑當作在漢廬江郡今安徽廬州府南不

安慶府之境是其地漣水未詳

權

水出廬江雩婁北入淮从水權聲

古切

玩

注曰前志廬江郡雩婁下曰決水北至蓼入淮潯
水亦北至蓼入決過郡二行五百一十里過郡二
者廬江六安也方輿紀要曰今安徽潁州府霍丘

縣西南八十里有雩婁故城蓼縣故城在霍丘縣西北泱水卽今史河灌水今自河南固始縣東流經霍丘縣西合史水入淮是也按今字以爲灌注灌溉

漸水出丹陽黟南蠻中東入海从水斬聲

慈丹切

注曰丹陽郡黟今徽州府黟縣是其地前志黟下曰漸江水出南蠻夷中東入海按班許水經皆曰漸江水鄺注則曰浙江據許立文曰江至會稽山陰爲浙江謂嵎江也曰漸江水出丹陽黟南蠻中謂今錢唐江也分別畫然蓋二水古於山陰相合故可統名之曰浙江後世水道絕不相通而錢唐

江猶冒浙江之名失其本號耳○箋曰段以錢唐江爲漸江而冒浙名非是旣曰二水相合可統名浙江何以漸江又爲錢唐江乎殊不可解餘見前浙篆下

泠水出丹陽宛陵西北入江从水令聲

郎丁切

注曰今安徽甯國府附郭宣城縣漢故宛陵縣也前志丹陽郡宛陵下曰清水西北至蕪湖入江許之泠水卽班之清水應劭零陵泠道下注引說文此條蓋未知清泠異名同實也泠水卽今宣城縣西六十里之青弋江水道提綱曰江水又東北爲蕪湖縣西北之魯港口魯明江南匯旌德太平石

埭涇縣諸水東北流經宣城西北境曰青弋江折西北經蕪湖城南而西北注之是爲魯港口按凡清冷用此字樂工冷人左傳用此字

澧水在丹陽从水覃聲

匹卦切

注曰澧水未聞

溧水出丹陽溧陽縣从水栗聲

力質切

注曰縣字俗作沾據舊志漢縣蓋在今江甯府高淳縣南十五里之固城前志丹陽郡溧陽下應劭曰溧水所出南湖也方輿紀要曰今溧水在今溧陽縣北四十里卽永陽江也祥符圖經溧水承丹陽湖東入長蕩湖丹陽湖卽應劭之南湖也張鑑

曰溧水卽永陽江之上源大江之水南會於此入
長蕩湖又分流東行爲吳王漕蓋五代時楊行密
漕運所經也自東壩築而丹陽湖之水不復入於
溧水永陽江之源流亦滋晦矣水利考永陽江一
名潁陽江古名中江按中江至陽羨入海卽禹貢
職方三江之一也今蕪湖河東接太平府南之黃
池河又東接溧水縣之固城丹陽石臼諸湖未築
東壩以前諸湖匯長蕩湖而入太湖而入於海此
正古中江之道蓋旣合之後則謂太湖爲江也今
壩西諸水俱西流入江與古絕異矣

相

水出零陵陽海山北入江从水相聲

息良切

注曰前志零陵郡零陵下曰陽海山湘水所出北至鄆入江過郡二行二千五百三十里過郡二者零陵長沙也又有離水東南至廣信入鬱行九百八十里水經曰湘水出零陵始安縣陽海山東北流過下雋縣西又北至巴丘山入於江鄆曰湘灘同源南爲離水北則湘川今廣西桂林府興安縣南九十里俗謂之海陽山卽陽海山也湘水出焉北流經全州入湖南界經零陵祁陽衡陽衡山湘潭善化湘陰縣入洞庭湖曰湘口漢志云至鄆入江未詳○箋曰今桂林府治臨桂縣卽漢之始安縣今興安縣亦其地湖南衡陽縣卽鄆縣地巴陵

臨湘二縣皆下雋縣地湘水既入洞庭復出巴陵
至臨湘西北入江酈道元所云水色青黑有清濁
之別謂之江會是也不知段何以云至酈入江未
詳又水經云灘水亦出陽海山南過蒼梧荔浦縣
又南至廣信縣入於鬱水酈云灘水與湘水出一
山而分源南逕始興平樂縣按始興當作始安今
灘水出興安西南流逕靈川縣至桂林府治臨桂
縣又南至陽朔縣過荔浦縣東境西逕平樂縣又
南逕昭平縣折而東南流至梧州府治蒼梧縣南
入鬱江蒼梧縣卽漢之廣信縣也湘灘二水本不
相通秦史祿作靈渠以運漕乃鑿而通之引湘入

灘靈渠有斗門以蓄水俗謂之斗河字亦作陡蓋
謂其陡長陡落也范成大桂海虞衡志謂灘水爲
泔柯江下流南下興安以馭水經注非是

汨

長沙汨羅淵屈原所沈之水从水冥省聲

莫狄切

注曰長沙下蓋奪羅字許例郡縣兼書前志長沙
國羅應劭曰楚文王徙羅子自枝江居此今湖南
長沙府湘陰縣東北六十里有羅縣城是也岳州
府平江縣南三十里亦有羅城云古羅子國也水
經注曰湘水又北汨水注之汨水出豫章艾縣桓
山西南逕吳昌縣北又西逕羅縣北謂之羅水又
西逕玉笥山又西爲屈潭卽汨羅淵也屈原懷沙

自沈於此又西逕汨羅戍南西南注於湘春秋之
羅汨世謂之汨羅口按今湘陰縣北七十里汨羅
江是也○箋曰此當从水日聲汨卽瀆字辨見後
瀆下

漆

水出桂陽臨武入涯

原本作涯誤今從段正

从水秦聲

側說切

注曰桂陽郡臨武今湖南桂陽州臨武縣東五十
里臨武故城是也前志臨武下曰秦水東南至瀆
陽入涯行七百里水經曰漆水出桂陽臨武縣南
繞城西北屈東流東至曲江縣安新邑東屈西南
流過瀆陽縣出涯浦關與桂水合東入於海志之
秦水卽漆水也桂水卽涯水班許皆云漆入涯酈

注則云涯入漆酈蓋本山海經經曰肄水出臨武西南而東南注海入番禺西湟水出桂陽西北山東南注肄水入郭浦西酈曰肄水蓋漆之別名也今人謂漬水出南雄保昌縣西南經始興曲江英德縣而翁江涯水入之此正漢志水經說文之漆水乃誤謂之漬耳漬者今之翁江也又按經典鄭國漆洧字皆如此作鄭風漆與人韻則不當作漬也○箋曰段謂今人以漆爲漬非是其以漬水爲今之翁江尤誤漆卽今之武水出桂陽州臨武縣西南繞城西北屈又折而東南流至韶州府至曲江縣漬水從東北來注之此與水經漆水曲折方

向正合潁水出南雄州西南流經始興縣至曲江
縣與潯水會又西南流至英德縣湓水從西北來
注之於是合而南流下廣州入海今謂之北江漢
潁陽縣卽今英德縣地潁水至英德縣南而縣在
水北故曰潁陽不得謂今人以潯爲潁也潁潯二
水東西相合而南或謂之潁或謂之潯亦猶濟泗
互受通稱至班許云潯入湓則不若道元謂湓入
潯爲允潁潯合流至英德而湓水西來注之固當
以南北爲經流耳



水出桂陽南平西入營道从水突聲

式針切

注曰今湖南桂陽州藍山縣東五里有南平城水

經曰淡水出桂陽盧聚西北過零陵營道營浦泉
陵縣至燕室邪入於湘酈云盧聚山在南平縣之
南九疑山東也按涯出盧聚南流入海淡出盧聚
西北流入湘以入江分馳不同也○箋曰漢營浦
營道二縣今道州甯遠縣地皆在九疑山之西北
零陵郡卽今永州府治泉陵亦零陵縣地古淡水
從此至零陵合於瀟湘也

潭水出武陵潭成玉山東入鬱林从水覃聲切

徒合切

注曰林字廣常刪俗人不知鬱爲水名漢志涯水
入鬱離水入鬱亦皆沾林矣前志武陵郡潭成下
曰玉山潭水所出東至阿林入鬱過郡二行七百

二十里過郡二者武陵鬱林也今廣西潯州府阿
林廢縣卽漢縣也鬱林郡廣鬱下曰鬱水首受夜
郎豚水東至四會入海過郡四行四千三十里過
郡四者牂柯蒼梧鬱林南海也潭水卽今福祿江
源出苗地東南至今貴州黎平府西爲古州江東
至永從縣南合彩江爲福祿江入廣西界至柳城
縣爲柳江又東南經象州至潯州府城北曰潯江
卽所謂入鬱也潯江卽古潭水古二字同音因改
其字耳按鬱水今嶺外之盤江山雲南貴州廣西
至廣東爲西江入海漢鍾成縣故城在唐之朗溪
縣今湖南沅州府黔陽縣玉山蓋在嶺故鍾水流

嶺外東入鬱也應劭音淫

油水出武陵孱陵西東南入江从水由聲

以周切

注曰今湖北荊州府公安縣西二十五里有孱陵故城水經曰油水出武陵孱陵縣西界東過其縣北又東北入于江許云東南入江南當作北按今荊州府虎渡口北江之南岸有支津南通公安諸湖水古油水必在其間江表傳曰劉備爲荊州牧立營油口五代梁開平四年馬殷遣將侵荊南軍於油口今公安縣北舊有油口巡司是其水今雖湮沒非無可考也按經史曰油然作雲曰雲之油油曰禾黍油油曰油油以退玉藻注油油悅敬兒

俗用爲油膏字

潁水出豫章艾縣西入湘从水買聲

莫蟹切

注曰豫章郡艾二志同左傳吳公子慶忌所居今江西甯都州西百里艾城是也水經曰潁水出豫章艾縣西過長沙羅縣西又西至磊石山入於湘水按水經言潁不言汨諸書多言汨不言潁廣韻廿三錫汨潁潁三形同春秋莒君密州左傳密作賁亦是買聲近密之證考之於今則由江西甯都州逕湖南平江縣至湘陰縣入湘者但有汨水別無潁水則潁汨之爲古今字愴然酈氏云汨出艾縣逕羅縣皆與經言潁同惟云潁水入湘曰東町

口汨水八湘曰汨羅口汨羅口在澗口之北磊石
山又在羅口之北此言甚辨依水道提綱汨水出
平江縣西北至歸義驛又西分爲二支一支西流
稍北於山麓西入湘一支北流數十里西北入湘
曰屈潭亦曰汨羅口正酈之東町汨羅二口非有
二水也酈蓋未溯上游不辨異文同物許書蓋本
同水經有澗無汨而後人妄增汨字故其文不類
許書屈原所沈例所不載且許既有澗字云冥聲
豈得冥省聲又爲一字平○箋曰澗者汨之異文
日字古有密音故汨从日聲而讀莫狄切左氏桓
六年傳子同生公曰是其生也與吾同物謂同日

也漢金日磾日讀如密皆其證汨不當从冥省聲
緣別有古忽切之音淺人疑日聲不諧而改之廣
韵瀕讀與汨同許書蓋本以瀕附汨下爲或體今
本爲後人屢亂段謂許書有瀕無汨非也

瀕水出南海龍川西入漆从水貞聲

陟盈切

注曰應劭注漢書曰瀕水出南海龍川西入秦水
經注曰瀕水出南海龍川縣西逕潁陽縣南右注
漆水按此正今之翁江也出韶州府翁源縣西南
流至英德縣城東南合漆水○箋曰瀕水出廣東
南雄州西南流經始興縣至韶州府治曲江縣南
與漆水合流至英德縣翁江自東來注之涯水自

西來注之南流至廣州入海許云湏水出龍川於地望未合龍川在東不入北江也應酈蓋承說文之誤或後人以漢書注水經注妄改說文亦未可知段以翁江爲湏水非是說已見前漆下

湏水出鬱林郡从水畱聲

力救切

注曰不言縣者有未審也前志鬱林郡有中畱縣師古曰畱力救反水名後志及宋書州郡志作中湏疑前志亦當从水元和郡縣志曰貞觀八年改南昆州爲柳州因柳江爲名按柳江出苗地至今貴州永從縣生苗界中東南入廣西至柳城縣曰柳江至象州會於盤江柳江卽古湏水後世譌其

字耳湍今俗訓爲水急流

翼水出河南密縣東入潁从水翼聲

與職切

注曰此翼字之異體淮南書曰澤受翼而無源許

慎云翼湊漏之流也見文選注

灋水出南陽舞陽東入潁从水無聲

文甫切

注曰南陽郡舞陰二志同今河南南陽府泌陽縣

北十里有舞陰故城水經曰灋水出灋陰縣西北

扶子山東過其縣南又東過西平郾縣定潁縣東

入於汝郾云灋水過灋陰縣北不出其南又去郾

縣遠不得過今水道提綱敘汝水不言灋水源流

惟方輿紀要引舊志云灋水出泌陽縣北自平地

湧出如飛舞然東北流達舞陽縣東南爲三里河
又東入於汝未知今水道然否水經入汝許云入
潁乖異俟考○箋曰汝水舊從舞陽入西平說見
前汝下

潁

水出南陽魯陽入父城

原本作城父今從繫傳

从水敖聲五

切

注曰南陽郡魯陽二志同今河南汝州魯山縣有
魯陽故城是父城大徐作城父誤潁川郡父城二
志同今汝州郟縣西四十里有父城故城是此條
澈入父城與水經注所引合斷非沛郡之城父也
水經注曰汝水又逕郟縣故城南澈水注之水出

魯陽縣之將孤山至父城與出魯城北山之桓水
會亂流東北至郟人汝按今汝水出嵩縣之天息
山東經伊陽縣汝州寶豐縣郟縣襄城縣而沙河
來會尙與古水道不殊漱水入汝亦必同古水道
也

灝

水出南陽舞陰中陽山

陰原本作陽今從段正

入潁从水親

聲

七客切

注曰舞陰二徐皆作舞陽今正前志舞陰下曰中
陰山灝水所出東至蔡入汝水經曰灝水出漁陰
縣東上界山東過吳房濯陽上蔡縣入於汝酈云
山海經謂之視水郭注視當爲灝出崱山許慎云

出中陽山皆山之殊目也按志云中陰許作中陽
雖酈注引作陽然中陰二字正葢之反語與中山
經云出葢山者合疑作陰是也齊氏召南曰汝水
舊從舞陽入西平界今水道與古全異所謂濯瀨
憶汝溱澣亦難確鑿指證說已見前汝下

淮水出南陽平氏桐柏大復山東南入海从水佳聲

戶乖切

注曰今河南南陽府桐柏縣西北四十里有故平
氏城前志南陽郡平氏下曰禹貢桐柏大復山在
東南淮水所出至淮陵入海過郡四行三千二百
四十里水經曰淮水出南陽平氏縣胎簪山東北

過桐柏山東過江夏廬江九江下邳諸郡至廣陵
淮浦縣入於海按桐柏大復以四字爲山名漢志
說文風俗通酈注皆云桐柏大復山水經所謂胎
簪亦卽桐柏耳今淮水出河南桐柏縣桐柏山東
流經羅山縣息縣光州入江南界經霍丘潁上縣
壽州懷遠鳳陽五河盱眙縣泗州至清河縣合於
河經山陽阜甯安東縣至雲梯關入於海古水道
河於冀州入海不與淮同入海淮之古水道今未
有異淮自平氏至入海大致東北行東多北少許
云東南南字誤○箋曰段謂桐柏大復以四字爲
山名恐非是此漢志偶合併而後人相承偶之耳

禹貢但作桐柏不當違異也齊氏召南曰桐柏山
一名大復山大復胎簪皆桐柏之支峯也

泄

水出南陽魯陽堯山東北入汝从水蜚聲

直儿切

注曰前志南陽魯陽下曰魯山泄水所出東北至
定陵入汝水經曰泄水出南陽魯陽縣西之堯山
東北過潁川定陵縣西北東入於汝今沙河源出
魯山縣西境之堯山東經寶豐縣葉縣舞陽縣汝
水西北自襄城來會俗曰沙河卽古泄水也左傳
僖三十三年楚人與晉師夾泚水而軍杜云泚水
出魯陽縣東經襄城定陵入汝杜謂泚卽泄也又
襄十八年楚伐鄭涉於魚齒之下杜酈皆謂所涉

卽澧水

澧水出南陽雉衡山東入汝从水豐聲

盧欣切

注曰今南陽府治南陽縣北八十里有故雉城漢縣也前志南陽雉下曰衡山澧水所出東至郢入汝郢顏本譌作郢云音屋非也澧水今未詳此非入洞庭之澧水衡山亦非南嶽入洞庭之澧字本作醴禹貢江又東至于醴衛包始改爲澧鄭注醴爲陵云今長沙有醴陵縣馬融王肅醴爲水名夏本紀地理志皆作醴尙書正義史記索隱引楚詞濯余佩兮醴浦正作醴水經注出雉衡山者從酉出武陵者從水正是互譌也○箋曰澧與醴古字

通不可執一也

澗水出南陽蔡陽東入夏水从水員聲王分切

注曰南陽郡蔡陽二志同故城當在今湖北德安府隨州境內夏水見上文沔字下水經曰澗水出蔡陽縣東南過隨縣西又南過江夏安陸縣西又東南入於夏酈云澗水出縣東南大沙山山在隨郡之西南竟陵之東北槃基所跨廣員百餘里今澗水出大洪山之陰東南經隨州應山安陸雲夢應城至漢川縣澗口塘入漢源流長五百里入漢卽古之入夏水也今漢夏不分又按水經德安府治卽古鄖國以水得名水經注曰隨水至安陸縣

故城西入於潁故鄆城也

潁水出汝南弋陽垂山東入淮从水界聲

匹備切又匹制切

注曰汝南郡弋陽二志同今河南光州東北有故弋陽城水經曰淮水東過期思縣北又東北潁水注之水出弋陽南垂山西北流歷陰山關西北出山又東北流逕新城戍東又東北得詔虞水口又東北注淮俗曰白鷺水按今之曰露河也出光州南三十里之南岳山北流又東入固始縣界合春河注於淮春河卽水經注之詔虞水也水經注曰泚水字或作潁

潁

原本篆作潁今從段正

水出汝南上蔡黑閭澗入汝从水音

聲音原本作意今從段正於力切

注曰篆文各本作潏集韵類篇皆云說文作潏隸作潏是宋時古本如此今據正汝南上蔡縣二志同今汝甯府上蔡縣西南十里故蔡城是水經注曰汝水又東南逕新蔡縣故城南又東南左會潏水水上承汝水別流於奇雜城北爲黃陂東流於上蔡岡東爲蔡塘又東逕平輿縣故城南爲潏水又東南左逕爲葛陂又東出爲鰲水俗謂之三丈陂陂東注爲富水潏水正流自葛陂東南逕新蔡縣故城東而東南流注於汝方輿紀要曰潏水在汝甯府東四十里俗名洪河源出西平縣水道提

綱曰南汝水至新蔡縣之東南有洪河自西北來
會洪河出舞陽縣東南之筆尖山經西平上蔡汝
陽至新蔡縣南入汝大致東南流也按於古水道
不改

水出汝南新鄴入潁从水凶聲無計切

注曰汝南郡新鄴見前志今安徽潁州府治阜陽
縣東八里有新鄴城水經注潁水篇曰細水上承
陽都阪陂水支分東南出爲細水東逕新陽縣故
城北又東南逕宋縣故城北卽所謂鄴丘者也又
南逕細陽縣又東南逕細陽縣故城南按今潁水
不得其詳潁細古今字古音當在眞部

潁水出汝南吳房入潁从水瞿聲

其俱切

注曰汝南郡吳房二志同今汝甯府遂平縣治故吳房城也水經曰濯水出汝南吳房縣西北奧山東過其縣北入於汝酈云濯水東逕濯陽故城西東流入潁水逕其縣南又東入於汝今遂平縣西七十里奧來山蓋水經之奧山也水道提綱曰濯水今難確鑿指證

潁水出潁川陽城乾山東入淮从水頃聲豫州浸余切

注曰今河南府登封縣東南四十里有陽城廢縣前志潁川郡陽城下曰陽乾山潁水所出東至下

蔡入淮過郡三行千五百里荊州浸過郡三者潁
川淮陽沛郡也水經曰潁水出潁川陽城縣西北
少室山東南至慎縣入於淮按慎縣故城在今潁
上縣水道提綱曰今潁水源出登封縣北嵩山西
南之少室山東南經密縣禹州分爲二派一經新
鄭縣至臨潁縣一經襄城縣至臨潁縣二支復合
經商水縣合汝水又合滎陽水至陳州府南分爲
二派一爲颶河一爲沙河颶河至江南太和縣與
沙河合又經潁上縣與淮水合曰潁口皆東南流
也又按職方氏曰荊州其浸潁湛豫州其浸波澨
許潁下澨下皆曰豫州浸而澨下曰荊州浸此非

筆誤蓋按地形互易之也

潁水出潁川陽城山東南入潁从水有聲榮美切

注曰前志陽城下曰陽城山洧水所出東南至長平入潁過郡三行五百里過郡三者潁川南陽汝南也按據志則陽城縣有陽城山許不復言陽城如河南縣宏農縣之例水經曰洧水出河南密縣西南馬領山東南至習城西折入於潁酈曰亦言出陽城山蓋馬領之統目焉習城西折入潁卽地理志至長平入潁者也方輿紀要曰今洧水出登封縣陽城山經密縣至禹州新鄭縣合溱水爲雙洎河又經長葛洧川鄆陵扶溝至西華縣入潁大

致東南流也一統志曰洧水本至西華入潁宋時導之自扶溝入蔡左傳襄十一年濟隧九年陰坂廿年六年涉於樂氏說者云皆謂洧津也

潁水出潁川陽城少室山東入潁从水𣶒聲

於謹切

注曰水經曰潁水出潁強縣南澤中東入潁酈云潁水出潁川陽城縣少室山東流注於潁而亂流東南逕臨潁縣西北又東逕潁陽城北又東逕潁強縣故城南汝水於奇頡城西別東派時人謂之大潁水左合小潁水東逕西華縣故城南至汝陽縣故城北東注於潁按前志汝南郡潁強以潁水得名今大潁水在鄆城縣南至商水縣東二十里

合潁水小潑水在臨潁縣西南東流合於潁水潏
一變爲潏再變爲潏

潏水受淮陽扶溝浪湯渠東入淮从水過聲古禾切

注曰今河南開封府扶溝縣漢縣地也前志淮陽
國扶溝下曰渦水首受狼湯渠東至沛郡向入淮
過郡三行千里水經曰淮水又東過當塗縣北過
水從西北來注之又曰陰溝水出河南陽武縣蒗
蕩渠東南至沛爲潏水又東南至下邳淮陵縣入
於淮酈云淮水於荆山北過水東南注之經言下
邳淮陵入淮誤矣按淮水篇酈注云淮水逕當塗
縣故城北又東北又北沙水注之經所謂蒗蕩渠

也於荆山北過水東南注之據酈所云是渠水過水以次入淮也今渦水在安徽鳳陽府懷遠縣入淮其上流詳見水道提綱等書非漢志說文水經舊迹矣

洩水受九江博安洵波北入氏从水甘聲

余制切

注曰前志九江郡博鄉此云博安與水經合水經曰洩水出博安縣北過芍陂西與沘水合西北入於淮注云博安縣地理志之博鄉縣也洩水自縣上承沘水於麻步川西北出歷濡谿謂之濡水自濡谿逕安豐縣北流注於潁亦謂之濡須口按潁卽沘子見沘水篇注洵波無考疑作芍陂氏當作

泚毛詩大雅傳曰泄泄猶沓沓也此謂假泄爲詵也○箋曰受當作出

泚水受陳畱浚儀陰溝至蒙爲雖水東入於泗从水

反聲

皮變切

注曰陳畱郡浚儀二志同今開封府祥符縣西北浚儀廢縣是也蒙二志皆屬梁國春秋左傳宋有蒙門蒙澤今歸德府治商邱縣東北四十里有蒙城是也前志河南郡樊陽下曰卞水在西南梁國蒙下曰獲水首受畱獲渠東北至彭城入泗水經曰汭水出陰溝於浚儀縣北又東至梁郡蒙縣爲獲水餘波南入睢陽城中按水經至蒙爲獲水許

書當同不當云爲雒水也方輿紀要曰汧水或謂卽禹貢之雒水春秋之邠水秦漢之鴻溝上與河沛通下與泗淮通隋以前自歸德府至蕭縣碭山縣閒入泗隋以後則自歸德至泗州兩城閒入淮宋時東南之漕大都由汧以達畿邑故汧河之經理爲詳自後則湮廢矣禹貢雖指曰元至元中河徙出陽武縣南奪過入淮而新鄉之流遂絕及泰定元年改從汧渠至徐州城東北合泗以入淮卽今河所行是也然則今之大河開封而下徐州而上皆故汧也又按變汧爲汧未知起於何代恐是魏晉都洛陽惡其從反而改之舊音切芳萬今則

併其音改之也。○箋曰：芳萬切，重唇音，讀若曼與。今音歛侈之異不甚相遠。

澮水出鄭國，从水，會聲。詩曰：澮與洧方渙渙兮。側洗切。

注曰：鄭國，謂周之鄭國，卽漢之新鄭也。鄭語曰：前華後河，右洛左濟，主芣騶而食溱洧水。經曰：洧水出鄭縣西北平地鄉，云出鄆城西北，難絡，臨下東南流，左合澨水，又南左會承雲山水，又東南逕鄆城，西謂之柳泉水，又南注於洧。世亦謂之爲鄆水也。今溱水在開封府密縣東北，流經新鄭縣西北，南流合洧水，爲雙泊河，而洧盛溱涸矣。按秦聲在眞部，會聲則在蒸部，而經傳皆作溱，鄭風騶裳涉

漆與豈無他人爲韻學者疑之按說文水經皆云
澮水在鄭因鄭風異部合韻遂形聲俱變之耳此
引詩各本作渙渙釋文曰韓詩作洹洹音丸說文
作汎音父弓反音義俱非蓋汎汎之誤今正○箋
曰漆洧字古籍未有作澮者全氏祖望曰漆水說
文以出桂陽臨武者當之其出鄭縣者以爲澮水
不知何時盡毛詩外傳國語孟子史漢諸書之澮
胥改爲漆猶幸水經存其舊稍畱說文之學灝謂
天下之水異地同名者甚多鄭國有漆桂陽亦有
漆不害其同桑欽在許君之前不得謂水經畱說
文之學此正桑氏之誤而許承之耳余方以毛詩

國語史漢諸書皆作淩爲可據而全氏乃以爲後人盡改之又鄭風溱與人韵尤其明證而段氏反以詩爲異部合韵此真所謂甯言孔孟誤不道服鄭非者矣渙字亦不宜輕改陸氏固引作汎不作沈卽作汎亦未可偏信也

淩

水在臨淮从水菱聲

力膺切

注曰前志泗水國淩應劭曰淩水所出入淮南後志淩屬廣陵郡水經注曰淮水左逕泗水國南淩水出淩縣東流逕其縣故城東而東南流注於淮是曰淩口今江蘇徐州府宿遷縣東南五十里有淩城淩水今未詳

濟水出東郡濮陽南入鉅野从水僕聲

博木切

注曰東郡濮陽二志同今直隸大名府開州西南
濮陽故城是也前志山陽郡鉅野下曰大野澤在
北兗州藪今山東曹州府鉅野縣漢舊縣也自隋
以後濟流枯竭大野漸微元末爲河所決河徙後
遂涸爲平陸又前志陳畱郡封丘下曰濮渠水首
受沛東北至都關入羊里水水經注濟水篇言濮
渠故瀆自濟東北流爲高梁陂又東逕匡城北又
東北逕酸棗縣故城南又東逕蒲城韋城長垣故
城又東分爲二瀆北濮出焉濮渠又東逕須城濮
陽故城狐故城葭密故城又東北逕鹿城南又

東與句瀆合與濟同入鉅野按此卽許所說故道也今濮河自河南封丘縣流徑長垣縣北東明縣南又東經開州東南合洪河入山東濮州界俗謠爲普河方輿紀要曰今濟絕河遷濮水源流不可復考矣



齊魯聞水也从水樂聲春秋傳曰公會齊侯于濮

虛谷切

注曰水經注濟水篇曰濟水又逕盧縣故城北又逕什城北又東北右會玉水又東北灤水入焉水出厯城縣故城西南春秋桓公十八年公會齊侯於灤是也俗謂之娥英水合大明湖厯水北流注

於濟齊乘曰小清河之在歷城者卽古濼水按今
濟南府歷城縣小清河源出縣西東經章邱鄒平
長山新城入青州府高苑縣至博興縣合時水入
海而章邱以下淤塞濼水東北入大清河釋文引
說文濼匹沃反此蓋音隱文也元應曰凡陂池山
東名爲濼匹博切鄒東有鷓鴣濼是也幽州呼爲
淀音殿按濼泊古今字如梁山泊是也○箋曰濼
泊雙聲



水在魯从水郭聲

苦郭切

注曰春秋經襄十九年取邾田自濼水水經注泗
水篇曰濼水出東海合鄉縣西南流入洙又逕魯

國鄒山東南而西南流左傳所謂嶧山詩所謂係
有鳧嶧者也又西南逕蕃縣故城南又西逕薛縣
故城北又西至湖陸縣入於泗按合鄉蕃薛故城
皆在今滕縣不云在魯邾婁之間徑云在魯者邾
婁魯附庸非敵故立文如是一統志曰濇水源出
滕縣東北百里述山西流會諸泉水逕縣南又西
會南梁河入運河舊名南沙河西南流入泗不與
南梁會自漕河東徙過其南流乃北出趙溝會南
梁以入運河耳○箋曰合鄉漢隸東海郡其郡治
卽今沂州府郯城縣與滕相去絕遠滕縣境內似
不得有合鄉故城舊說有誤酈云濇水出合鄉西

南流入邾又逕魯國鄒山地望益不合魯在滕之
北無西南流入邾逕魯之理也今圖經鄒水出滕
縣東北述山西南流入運河亦與許酈說乖異蓋
自昔本從魯至滕而入泗今水道變遷湮廢但舉
其近源耳至若從魯至滕而許渾言在魯則無足
異也

淨魯北城門池也从水爭聲

土耕切又才性切

注曰公羊傳閔二年桓公使高子將南陽之甲立
僖公而城魯或曰自鹿門至于爭門者是也或曰
自爭門至于吏門者是也按鹿門者魯南城之東
門爭門者魯北城之門淨者北門之池其門曰爭

門則其池曰淨从爭旁水也廣韵曰埽七耕切魯
城北門池也蓋古書有作埽者城北誤倒今俗用
爲濽字釋爲無垢蔑切以才性今義非古義也

濕水出東郡東武陽入海从水濕聲桑欽云出平原

高唐

他合切

注曰今山東曹州府朝城縣東南有東武陽城前
志東郡東武陽下曰禹治濕水東北至于乘入海
過郡三行干二十里過郡三者東郡平原干乘也
水經曰河水又東北過高唐縣東鄆云河水於縣
濕水注之濕水上承河水於東武陽縣東南而北
逕武陽新城東又逕東武陽陽平故城又北絕莘

道城之西北又東北逕樂平聊城清河故城又逕
文鄉城又逕博平瑗縣高唐溧陰著縣故城又逕
崔氏城又逕鄒平建信故城又逕千乘縣二城閒
又東北爲馬常坑亂河枝流而入於海地理志桑
欽曰溧水出高唐余按竹書穆天子傳雨言溧水
尋其沿厯逕趣不得近出高唐桑氏所言蓋津流
所出次於是閒也王裁按桑舉其源之近者耳溧
水故瀆今不可詳日部暴讀若吟故濕之古音在
侵部漢隸以濕爲燥溼字乃以溧爲沛濕字累者
俗桑字在支部音殊遠隔也○箋曰溧省爲溧日
誤爲田遂誤作溧錢氏大昕桂氏馥竝云

泗水出山陽平樂東北入泗从水包聲匹交切

注曰前志山陽郡平樂下曰泡水東北至沛入泗水經注泗水篇曰黃溝又東逕平樂縣故城南又東右合泡水卽豐水之上源也自下豐泡竝得通併按今泡河自山東單縣流逕江蘇豐縣北又東逕沛縣界循城東南至泗亭驛而合於泗今俗曰包河又按泡又流貌也或曰浮漚也

潁潁澤水在山陽胡陵禹貢浮于淮泗達于潁从水

苛聲古俄切

注曰各本水上衍澤字陵下奪南字今依尚書音義正前志山陽湖陵下曰禹貢荷水在南濟陰郡

下曰禹貢荷澤在定陶東是豫州荷澤徐州荷水
畫然二事依水經及注荷水雖源於荷澤而與荷
澤迥別釋文於徐州引說文水出山陽湖陵南非
荷澤也今本說文漢人增澤大誤矣今山東兗州
府魚臺縣東南六十里有湖陵故城與江南沛縣
接界尙書古文疏證曰自淮而泗自泗而荷然後
由荷入沛以達於河徐之貢道也又按此當左形
右聲篆體取結構乃似上艸下河耳五經文字云
荷見夏書古本亦作荷玉裁謂古尙書史記漢書
水經注皆作荷或是假借或是字誤不可定而應
劭曰尙書荷水一名湖韋注漢曰荷胡阿反是則

湖陵以荷水得名荷與湖語之轉至若今史記漢書俗本尙書作浮于淮泗達于河皆誤字也○箋曰段分荷澤與潁水爲二事頗爲支離水經云潁水又東至乘氏縣西分爲二其一水東南流過乘氏昌邑金鄉東緡方與縣爲潁水又東過陸縣南東入於泗水按乘氏故城在今鉅野縣西定陶縣東卽荷澤之所在自定陶鉅野至金鄉魚臺爲潁水之所經趙氏一清云在定陶者其澤在湖陵者其流是也說文云潁澤水在湖陵蓋以水所從出而名其委或爲後人所增改亦未可知書釋文引說文在作出乃誤字不得以此謂潁水與荷澤迥

別也又潁澤在定陶東今曹州府附郭縣曰潁澤者蓋漢之乘氏本在鉅野縣境魏太和中徙治於此後人以潁澤在乘氏而因以名之也又按漢志濟陰郡下師古注云潁音柯乃爲从苛作音是小顏本不作荷也

泗

受沛水東入淮从水四聲

息利切

注曰地理志濟陰乘氏下曰泗水東南至睢陵入淮又魯國卞縣下曰泗水出西南至方與入沛過郡三行五百里青州川出乘氏者其遠源出卞者其近源過郡三當作二魯山陽也水經曰泗水出魯卞縣北山西南過魯縣瑕丘平陽高平方與湖

陸沛縣彭城呂縣下邳入於淮此舉卞縣以下所經二郡也今兗州府泗水縣東五十里有卞故城許不言水所出但云受沛水則又舉其源之至近者也水經言濟水又東過湖陸縣南東入於泗前志泗水至方與入沛一謂濟入泗一謂泗入沛酈注云泗濟合流互受通稱也按許言泗受濟水則與水經合今泗水出縣東陪尾山西南流徑曲阜滋陽與沂水合入金口閘又南流徑鄒縣至濟甯州天井閘入運河禹貢錐指曰泗水自泗水縣歷曲阜滋陽濟甯鄒縣魚臺滕縣沛縣徐州邳州宿遷桃源至清河縣入淮此禹跡也今其故道自徐

州以南悉爲黃河所占一統志引志云金口之堰
脩而泗水盡入於漕又按毛詩傳曰自目曰涕自
鼻曰泗○箋曰漢睢陵卽今徐州府睢甯縣與宿
遷桃源爲鄰故志云泗水至睢陵入淮此言其下
流非舉其遠源也其繫之濟陰乘氏下則大誤此
非班氏原文蓋後人因東晉時常於睢陵僑置濟
陰郡故妄加增竄耳又據水經泗水從瑕丘經平
陽高平方與湖陸卽今滋陽鄒縣魚臺之地是古
泗水不入濟甯州雖指說似小誤

恒

水在晉魯間

晉原本作齊今正

从水亘聲

羽元切

注曰齊當依水經注所引說文作晉左傳成七年

聲伯夢涉洹杜曰洹水出汲郡林慮縣東北至魏郡長樂縣入清水水經曰洹水出上黨涿氏縣東過隆慮縣北又東北出山過鄴縣南又東過內黃縣北東入於白溝林慮卽隆慮今河南彰德府林縣是其地也今洹水自山西長子縣流入經林縣安陽內黃入衛河按許當云在晉衛之間今云晉魯者魯衛相近以魯聲伯夢涉而云也



河澹水在宋从水澹聲

於容切

注口水經曰瓠子河出東郡濮陽縣北河鄆云尙書雒沮會同爾雅曰水自河出爲澹許慎曰澹者河澹水也是鄭意以瓠子河爲尙書之澹也許云

在宋說者以汲水當之

澶澶淵水在宋从水直聲

市連切

注曰春秋經襄二十年盟于澶淵三十年會于澶淵宋災故杜注澶淵在頓丘縣南今名縣汙此衛地又近戚田按頓丘今直隸大名府清豐縣西南二十五里頓丘故城是也澶淵卽縣水在河南彰德府內黃縣東二十六里史記廉頗拔魏縣陽漢置縣屬魏郡應劭曰在縣水之陽也張晏曰其界爲縣淵按縣與澶疊韵汙與淵雙聲縣陽故城在今內黃縣東北二十七里實衛地而云在宋者蓋以春秋書宋災故而云然未爲審也

洙水出泰山蓋臨樂山北入泗从水朱聲

市朱切

注曰泰山郡蓋二志同今山東沂州府沂水縣西北七十里有蓋城前志蓋下曰臨樂于山洙水所出西北至蓋入池水水經曰洙水出泰山蓋縣臨樂山西南至卞縣入於泗按此條水經與志迥殊志云臨樂于山謂渤海郡臨樂縣之于山也而經注皆刪于字謂臨樂爲蓋縣山名其亦誤矣許書亦淺人用水經改竄之今洙水在曲阜縣北四里上不得其源下流不入泗而入沂又迥非酈氏之舊蓋以湮沒而以是冒之耳○箋曰勃海郡臨樂縣爲今河閒府甯津縣地與曲阜南北隔絕謂洙

水出此亙古未聞其云西北至蓋方向固誤若云南流則此水穿馬頰徒駭二巨川又穿濟水而南恐無此理且其閒尙隔泰山此真迂謬已甚蓋不足辨水經所言與許合當可據段反謂桑鄺刪于字而許書爲後人所改亦擇焉不精矣今出蓋之洙水亦無可考

洙

水出青州浸从水朮聲

食幸切

注曰出下有奪文當補琅邪東莞南入泗七字周禮青州其浸沂沭鄭注沭出東莞前志琅邪郡東莞術水南至下邳入泗過郡三行七百一十里青州浸今沂州府沂水縣治西北有東莞故城水經

曰沭水出琅邪東莞縣西北大弁山東入於沂酈
曰舊瀆入泗非入沂也今流水出沂水縣北臨朐
縣南之沂山東南流逕莒州郯城又西南流入江
南沭陽縣界分爲二派下流入海迥非舊道矣



水出東海費東西入泗从水斤聲一曰沂水出泰

山蓋青州浸

魚衣切

注曰東海郡費見前志春秋魯季氏邑今山東沂
州府費縣西北二十里費故城是也職方氏曰青
州其山鎮曰沂山其浸沂沭鄭曰沂山沂水所出
也在蓋前志泰山郡蓋下曰沂水出水經曰沂水
出泰山蓋縣艾山許云出東海費東說乖異者蓋

沂山卽東泰山是山盤回數縣今沂水出沂水縣之雕厓山卽沂山西峯也又西北接大弁山卽流水所出也前志曰沂水南至下邳入泗許云西入泗疑當作南入然酈善長所據已作西矣今沂水出雕厓山東南流逕沂水縣西又南流逕蘭山郛城入江南邳州界○箋曰或疑沂水自昔蓋西流入曲阜爲舞雩沂水之上源故許云西入泗洙水亦當然今水道湮變此說似是而非何以明之今沂州諸小水如東汶河祊河洸河皆發源於西而東行蓋地勢使然似未有西流者也

泮水出齊臨朐高山東北入鉅定从水羊聲切

似羊

注曰齊郡臨朐今山東青州府臨朐縣其地也前志臨朐下曰石膏山洋水所出東北至廣饒入鉅定水經注曰巨洋水又逕臨朐縣故城東又東北逕委粟山又東北洋水注之水西出石膏山西北石澗口東南逕逢山祠西又東南厯逢山下卽石膏山也巨洋水又東北逕劇縣故城西又東北逕益縣故城東又東北積而爲潭枝津出焉謂之百尺溝西北流注於巨淀又東北逕壽光縣故城西又東北注於海按許云高山卽石膏山也前志齊郡有廣饒鉅定二縣馬車瀆水首受鉅定然則鉅定本水名因以爲縣名定淀古今字魏都賦張注

淀者如淵而淺是也廣饒鉅定故城皆在今青州府樂安縣境今樂安縣東北四十里清水泊卽古鉅定湖巨洋水今日彌河源出今臨朐縣南沂山西麓北流逕臨朐益都至壽光縣東北會黑塚泊入於海又按毛詩衛風傳曰洋洋盛大也魯頌傳曰洋洋眾多也讀與章切

濁

水出齊郡廣爲山

廣爲原本作厲嬌今正

東北入鉅定从水

蜀聲

直角切

注曰厲當作廣嬌當作爲皆字之誤齊郡廣今山東青州府益都縣西南四里廣縣故城是也前志廣下曰爲山濁水所出東北至廣饒入鉅定水經

注曰淄水又東北逕廣饒縣故城南又東北馬車
瀆水注之水首受巨淀淀卽濁水所注也呂忱曰
濁水一名涸水出廣縣爲山一名冶嶺山

𣶒

水出北海桑犢覆甌山

原本北作東
犢作瀆今正

東北入海一

曰灌注也从水旣聲

古代切

注曰北海郡桑犢見前志今山東萊州府濰縣有
桑犢故城前志桑犢下云覆甌山漑水所出東北
至都昌入海今濰縣東南四十里漑源山卽覆甌
山也水經注亦謂之塔山今漑水北流至昌邑縣
境入海卽東虞河也亦曰東丹河古多借爲濯攬
字

濰

水出琅邪箕屋山東入海兗州浸

兗原本作徐今正

夏書

曰濰淄其道从水維聲

以追切

注曰琅邪郡箕故城當在今山東沂州府莒州境

前志箕下云禹貢維水北至都昌入海過郡三行

五百二十里兗州滄也按今濰水出莒州西北屋

山東南流入諸城縣界北逕昌邑縣入海曰濰河

口與古水道合漢都昌城在今昌邑縣西也徐當

作兗職方氏河東曰兗州其浸盧維濰淄其道禹

貢青州文許無濰字蓋俗加水旁耳周禮作菑漢

志作菑古字也

洛

水出琅邪靈門壺山東北入濰从水吾聲

五平切

注曰今沂州府莒州北二十里有靈門城前志琅
邪靈門下曰壺山浯水所出東北入淮淮當作濰
字之誤也水經注曰浯水出浯山世謂之巨平山
許慎言水出靈門山世謂之浯汶矣其水東北逕
姑幕縣故城東又東北逕平昌縣故城北又東北
流注於濰水今浯水自莒州流入諸城縣界東北
流逕安丘縣東南入濰水

汶水出琅邪朱虛東泰山東入濰從水文聲桑欽說
汶水出泰山萊蕪西南入沛切運

注曰今青州府臨朐縣東六十里有朱虛故城前
志琅邪朱虛下曰東泰山汶水所出東至安丘入

維按東泰山卽封禪書黃帝封東泰山今沂山是也今東汶河源出臨朐縣南沂山東北谷東流近穆陵關至安丘縣與濰水會謂之東汶水以別於禹貢汶水也桑欽說出泰山萊蕪者謂禹貢汶水前志泰山萊蕪下曰原山禹貢汶水出西南人沛水經曰汶水又西南過壽張縣北又西南至安民亭入於濟按舊沛水合汶於安民亭今東平州西南十里安山鎮卽古亭也今汶水出萊蕪縣東北七十里之原山亦名馬耳山西南流經泰安府南境至汶上縣北之戴村壩又經汶上西南境之南旺分流南北南流者四分以接徐沛北流者六分

以接臨清自明永樂中宋禮開會通河以及國
朝運河皆全資汶水而入沛之故道湮矣按二汶
水在齊漢人嶠山嶠江字作汶以古音同假借也
考工記貉踰汶則成鄭云汶水在魯北考工記多
齊語則謂入沛之汶無疑也

淄

水出東萊曲成陽山

城原本作
今正

南入海从水台

聲

直之切

注曰今萊州府掖縣東北六十里有曲成故城前
志東萊郡曲成下曰陽山治水所出南至沂入
海按沂字疑誤今掖縣東南三十里有陽山亦
名馬鞍山今治水名小沽河自掖縣馬鞍山南流

至平度州東南與大沽河合流至膠州之麻灣口
入海一統志曰左傳昭二十年姑尤以西杜注姑
水尤水皆在城陽郡東南入海齊乘云姑卽大沽
河尤卽小沽河玉裁謂尤古音讀如貽與治同部
齊乘之言可信也又按今字訓理蓋由借治爲理

滄

水出魏郡武安東北入呼沱水从水寔聲寔籀文

寔字

子鳩切
隸作浸

注曰今河南彰德府武安縣西南五十里有武安
故城前志魏郡武安下曰滹水東北至信都國東
昌入庫池河過郡五行六百一十里○箋曰今武
安縣有南洛北洛二水合流東逕臨洛關折而東

北流匯南泊入大陸澤至冀州會呼沱河東入海
蓋卽班許所謂浸水浸之爲名以南泊也

潞水出趙國襄國之西山東北入潞从水禺聲切

注曰今直隸順德府邢臺縣西南有襄國故城商
祖乙遷於邢周時邢國皆在此前志趙國襄國下
曰西山渠水所出東北至廣平國任縣入滹按渠
水當是潞水之譌一統志曰灋河源出邢臺縣東
南東流逕南和又東北逕任縣東至隆平縣入胡
盧河卽百泉也方輿紀要曰百泉水蓋卽灋河之
上源引志云百泉水一名潞水又名鴛鴦水隋志
以爲灋水也鴛鴦水在南和縣西見魏都賦注潞

顏師古音藕

源水出趙國襄國東入渦从水虎聲

息移切

注曰前志襄國下云又有蓼水馮水皆東至廣平國朝平入渦按馮水當是灑水之譌廣平國南和下云列葭水東入灑蓋渦灑二水今不可別矣灑入渦渦入浸浸入虘沱虘沱移徙不常故道今不可考水經注虘沱篇佚

濁水在常山中止逢山東入渦从水者聲爾雅曰小

洲曰渚

章與切

注曰前志常山郡中止下云逢山長谷諸水所出東至張邑入濁按諸當作渚濁當作渦皆字之誤

也張邑卽廣平國之張中北渚水俟考小州曰渚

釋水文○箋曰在疑出之譌

洙水出常山石邑井陘東南入于泚从水交聲邠國

有洙縣

下交切

注曰今直隸正定府獲鹿縣西南有石邑城戰國時趙邑也前志常山郡石邑下曰井陘山在西洙水所出東南至廩陶入泚今洙河出獲鹿縣南東流逕樂城縣西又南入趙州界舊志云下流至甯晉縣注於胡盧河上源四泉交合故謂之洙也師古曰音效又音爻

濟水出常山房子贊皇山東入泚从水齊聲

子禮切

注日常山郡房子今正定府贊皇縣是其地前志
房子下曰贊皇山石濟水所出東至屢陶入泚後
志曰贊皇山在縣西南六十里濟水所出按此水
名與四瀆之沛字各不同而經傳皆作濟風俗通
遂誤以常山房子之水列入四瀆前志石濟水石
字疑衍一統志曰舊志云槐水出黃沙嶺流經贊
皇縣西北十里入元氏縣界合泚水又東南歷高
邑柏鄉達甯晉縣入胡盧河卽古大陸澤玉裁謂
槐水卽古濟水也

泚

水在常山从水氏聲

直尼切

注曰前志常山郡元氏下曰沮水首受中北西山

窮泉谷至堂陽入黃河按沮當作泚北山經注云
今泚水出中正縣西窮泉谷東注於堂陽縣入於
漳水以郭正班知沮爲字之誤由書氏作互遂譌
且耳班志入黃河亦當依郭作濁漳考水經注濁
漳過堂陽縣而河水不逕堂陽元和志曰泚水在
贊皇縣西南二十五里卽韓信斬陳餘處今泚水
在元氏縣源出封龍山東南入槐河泚與濟互受
通傳按蘇林音祇晉灼音邱師古音脂又丁計反
司馬貞曰今俗呼此水音如邱○箋曰此在字亦
出之譌常山下疑奪中正窮泉谷入漳七字

泚

水出涿郡故安東入涑

今從段正

人

水需聲

朱

切

注曰涑各本作漆涑二字今正戴先生曰易水篇
注云許慎曰濡水入涑涑卽巨馬之異名與巨馬
河注巨馬河卽涑水也正合今水經注涑譌涑說
文涑譌漆涑二字皆字之誤耳涿郡故安二志同
今直隸易州東南有故安故城是戰國時燕與趙
易土燕以武陽與趙卽此也前志故安下曰閭鄉
易水所出東至范陽入濡并州渡濡水亦至范陽
入涑今本漢志脫濡字師古謬爲之注非也水經
注曰易水逕范陽縣故城南又東與濡水合水出
故安縣西北窮獨山南谷東流與源泉水合又東

逕武陽城西北又東得白楊水口又東合檀水又
東南流於容城縣西北大利亭東南合易水而注
巨馬水也按左傳昭七年盟於濡上釋文云說文
女于反是音隱舊說此水斷不作乃官反也師古
注漢書於故安下云濡乃官反殊誤漁陽郡白檀
下濡水出北蠻夷中遼西郡肥如下濡水南入海
陽此則酈注濡水篇所謂濡難聲相近今謂之灤
河者音乃官反是矣其字蓋本作湏譌而爲濡○
箋曰今北易水源出易州西山二源合而東南流
有濡水自西南窮獨山來會至定興縣卽漢范陽
縣之西拒馬河從北來注之卽涑水也又東南流

過容城東北境酈氏謂東南流於容城合易水而

注巨馬水與今水道小異

灋

水出右北平俊靡

俊原本作浚今從段正

東南入庚从水壘

聲

力軌切

注曰俊各本作浚今依二志作俊今直隸遵化州
西北有俊靡故城前志右北平無終下曰溲水西
至雍奴入海俊靡下曰灋水南至無終東入庚溲
與庚一字也水經注曰鮑丘水北逕雍奴縣東又
東庚水注之水出右北平徐無縣北塞中而南流
得黑牛谷水又西南流灋水注之水出右北平俊
靡縣東南流與溫泉水合又東南逕石門峽又西

南逕無終山藍水注之又西南入於庚水庚水又南逕北平城西而南入鮑丘水鮑丘水又東巨梁水注之鮑丘水至雍奴縣北屈東入海歛程氏瑤田曰今澤水自遵化州西北四十五里鮎魚石關外入口東經溫泉鄺所謂與溫泉水合也又東迤南十五里曰水門口鄺所謂石門峽也又西南入梨河梨河卽庚水也庚水旣得澤水又稍西而淋河南入之淋河鄺所謂藍水也鮑丘水今之潮河也潮河合洵水庚水東流有還鄉河西南入之鄺所謂巨梁水也流俗多誤以古正之如此澤梨一聲之轉澤水俗呼梨河因使所入之庚水冒僞梨

河而巨梁河冒稱庚水

沽水出漁陽塞外東入海从水古聲

古胡切

注曰今順天府密雲縣西南三十里有漁陽故城
前志漁陽郡漁陽下曰沽水出塞外東南至泉州
入海行七百里水經曰沽河從塞外來南過
漁陽狐奴縣北西南與濕餘水合爲潞河又東南
至雍奴縣西爲笥溝又東南至泉州縣與清河合
東入於海清河者派河尾也按凡曰出某縣塞外
某縣徼外某縣某方蠻夷中者皆言其來之遠不
可得其地名故系之某縣也此云漁陽塞外則非
出漁陽矣今直隸之白河卽沽河也白河遠出宣

化府獨石口之獨石水合赤城水龍門水東南流
逕密雲縣西與潮河合潮河古鮑工水也既得潮
河西南逕懷柔縣東南南經順義縣東至通州城
北東南三面俗稱古潞水又南逕舊滹縣西又逕
香河縣西南又東南逕武清縣東又東南入天津
縣界合諸大川由直沽入海與酈注所述不甚異
程氏瑤田曰俗謂沽水及酈注之獨固門漁水廐
山皆在今之薊州者繆甚玉裁謂方輿紀要謂漢
漁陽在今薊州亦大繆

泚

水出遼東番汗塞外西南入海从水市聲

皆蓋切

注曰番音盤汗音寒今奉天府遼陽州漢遼東郡

治也番汗未聞前志遼東郡番汗下曰沛水出塞外西南入海沛水亦未聞今字爲顛沛跋之假借也大雅蕩傳曰沛拔也是也拔當作跋又孟子沛然莫之能禦蓋勃然之假借也

水出樂浪鏤方東入海从水貝聲一曰出浪水縣

皆拜切

注曰樂浪音洛郎鏤方未聞前志樂浪郡浪水縣下曰浪水西至增地入海水經曰浪水出樂浪鏤方東南過臨浪縣東入於海按漢志是說文及水經非也酈云其水西流逕故樂浪朝鮮縣卽樂浪郡治而西北流故地理志曰浪水西至增地縣入

海沮水今朝鮮國之大通江在平壤城北平壤城
卽古王險城漢之朝鮮縣也隋書曰平壤城南臨

沮水

𣶒北方水也从水襄聲切

乖

注曰北山經曰獄法之山𣶒津之水出焉

𣶒水出雁門陰館累頭山東入海或曰治水也从水

𣶒聲力追切

注曰今山西代州北四十里有陰館城在句注陁

北衆頭山在今朔州代州之閒前志雁門郡陰館

下曰衆頭山治水所出東至泉州入海過郡六行

千一百里水經曰𣶒水出雁門陰館縣東北過代

郡桑乾縣南又東過涿鹿廣陽薊縣漁陽雍奴縣
西入笥溝按前志代郡且如下于延水出塞外東
至廣甯入治平舒下祁夷水北至桑乾入治小顏
本治皆譌沽姑故二音其繆甚矣酈云地理志于
延水東至廣甯入治非是者謂于延逕廣甯故城
南又逕茹縣故城北又逕且居縣故城南乃後注
於潞水不當云在廣甯入治也新校本經注改治
作沽不免誤會今直隸永定河卽桑乾河卽古潞
水也源出山西朔州馬邑縣洪濤山會灰河經馬
邑山陰縣應州廣靈縣入直隸界經西甯懷安宛
平良鄉固安永清縣至天津大沽北入於海○箋

曰瀑水至大沽入海故亦謂之沽水新校本經注
改治作沽似非誤會地理志于延水祁夷水原本
並作入沽亦非小顏之繆段氏凡引書作證往往
經改原文以爲今本之誤不可爲訓鄭注言地理
志于延水亦正謂其至廣甯入沽爲非耳惟雁門
郡陰館下治水師古云音弋之反未能畫一此與
上文治水出東萊曲城陽正山南入海亦名小沽
河者皆似有岐誤治與沽二文形近未知其孰是
也

澗水出北地直路西東入洛从水盧聲

側加切

注曰前志北地郡直路下曰沮水出東西入洛東

西二字誤倒水經曰沮水出北地直路縣東過馮翊
郡北入於洛是也今沮水出邠州中部縣西北子午山
東南流經縣城南又東稍北入洛河蓋非班許水經所
謂也水經渭水又東過華陰縣北注云洛水入焉關駟
以爲漆沮之水也是則洛水之下流古稱漆沮炳焉可
信尙書傳云漆沮一水名亦曰洛水今版本皆作二水名
然則亦曰洛水者謂漆乎謂沮乎不可通矣若周頌傳
云漆沮岐周之二水也此言涇西之漆沮爲二水以別
於涇東之漆沮爲一水耳○箋曰岐周漆沮二水久湮
故書傳以洛水當之而後人以出中部縣子

午山之水俗名東沮者強相牽合中部卽漢之直
路也東沮卽許書之澶也而段以爲非班許水經
所謂不知何意禹貢明言東會于涇又東過漆沮
與洛相去絕遠段謂洛之下流古偁漆沮益非矣
又以書傳云漆沮二水名改爲一水此則襲王氏
應麟詩說而誤也互詳前漆篆下

汾水起雁門後人戍夫山東北入海从水爪聲

古胡切

注曰後人縣後志無前志屬太原郡此屬雁門者
二郡境相接容有改屬也後如涪音瓌師古音山
寡反史記周勃樊噲二傳作霍人左傳襄十年之
霍人也今山西代州繁峙縣南有後人故城戍夫

山卽秦戲之山北山經曰秦戲之山庠沱之水出焉而東流注於瀼水郭云今庠沱水出雁門鹵城縣南武夫山李吉甫曰秦戲山一名武夫山在繁峙縣東南庠沱水出焉通典庠沱水出繁峙縣東南派阜山明統志謂之小派山大派山然則派水卽庠沱之源也

瀼水起北地靈丘東入河从水寇聲瀼水卽滹夷水并州川也

苦侯切

注曰北地當作代郡今山西大同府靈丘縣東有靈丘故城前志代郡靈丘下曰瀼水東至文安入大河過郡五行九百四十里水經曰瀼水出代郡

靈工縣高氏山東南過廣昌縣南又東南過中山
上曲陽北恆水從西來注之又東過唐縣安熹安
國博陵縣又東北注於易今直隸唐河卽古瀧水
也出大同府渾源州南今翠屏山卽古高氏山東
南流入靈工縣又東南流入倒馬關逕唐縣過定
州祁州會沙滋二水又東北逕博野蠡縣高陽縣
又北逕安州東入白洋淀一統志曰據水經注蓋
菟水故道本由今清苑縣東南與濡博諸水合流
注易今徙而東按職方氏并州其川虜池嘔夷漚
當作嘔漚卽嘔夷也又志云入大河有誤大河之
名亦非志所有

言水原上之三
涑水起北地廣昌東入河从水來聲并州浸

洛哀切

注曰北地當作代郡代郡廣昌見前志後志屬中山國今直隸易州廣昌縣北有廣昌故城職方氏曰并州其浸涑易前志廣昌下曰涑水東南至容城入河過郡三行五百里并州浸水經曰巨馬河出代郡廣昌縣涑山巨馬河卽涑水也東過迺縣北又東南過容城縣北又東過勃海東平舒縣東入於海酈云巨馬水於東平舒北南入於滹沱而同歸於海也今涑水一名巨馬河源出廣昌縣南東流轉南逕涑水縣東又南入定興縣界又東南逕容城東北雄縣西又東入保定縣界非酈注舊

迹也。○箋曰：班許云入河，蓋指古昔而言。自河徙而入於海矣。

泥水出北地郁郅北蠻中从水尼聲奴低切

注曰：今甘肅慶陽府安化縣治，卽郁郅故城也。前志北地郡郁郅下曰：泥水出北蠻夷中。一統志曰：東河在安化縣東，卽白馬水也。寰宇記：白馬水出北塞夷中，引水經注云：洛川南逕尉李城東北，合馬嶺水，號白馬水。明統志：東河來自沙漠，至安化城北，合懷安及靈溝水，南流至合水縣，爲馬蓮河，卽古泥水也。按馬蓮，卽馬嶺之轉語。

清西河美稷保東北水从水南聲奴感切

注曰西河郡美稷見前志今蒙古鄂爾多斯左翼
中旗東南有漢美稷故城在故勝州之西南也檀
弓注曰保縣邑小城保堡古今字水經注曰河水
又南樹頽水注之河水又左得蒲水口水出西河
郡美稷縣東南流入長城東鹹水入之又東南渾
波水注之又東逕富昌縣故城南又東流入於河
按漢富昌城在鄂爾多斯左翼前旗界蒲水未審
今何水也

蒲水出西河中陽北沙南入河从水焉聲

乙乾切

注曰西河郡中陽二志同戴先生曰水經河水南
過西河固陽縣東又南過離石中陽土軍縣西據

地望考之中陽西濱河當在今汾州府甯鄉縣境
趙世家秦取我西都及中陽是也道元乃云中陽
故城在東東翼汾水不濱於河也元和志於孝義
縣下云魏移西河郡中陽於今理此條可證明水
經之中陽道元汾水篇注所言鄔澤北起大陵南
接鄔正今平遙之西孝義之東介休之北最爲湔
下汾川轉徙不常之地說文之瀉水乃入河非入
汾漢中陽西濱黃河說文亦一證道元就瀉字與
鄔字牽合謂瀉水卽鄔澤謬矣王裁按瀉水今未
得其證○箋曰離石在今永甯州境中陽在甯鄉
縣境其北有東北南三川河合而西南流入於黃

河未知卽許所謂馮水否也

涇河津也在西河西从水塋聲土禾切

注曰河津名涇猶涇津孟津也在西河西謂在西

河郡之西今未詳其地口部以爲唾重文

潯水也从水旗聲以諸切

注曰未詳

洧過水中也中設訂从水旬聲相倫切

注曰出各本誤作中今正釋水曰水自過出爲洧

大水溢出別爲小水之名也水經注引字林曰洧

過水也經有假洧爲均者如洧直且侯是也有假

爲洧者如洧美且都洧許且樂是也有假爲復者

如于嗟洵兮卽韓詩之于嗟復兮是也有假爲泣者國語無洵涕是也

澮

水出北隰山入印澤

印原本作卽今從段正

从水舍聲

始夜切

注曰印俗本作卽誤今依舊抄繫傳本北山經曰鉤吾之山又北三百里曰北隰之山潞水出焉而東流注於印澤許所據潞作洽如柘作櫛臚作劬皆與今本不同也其地未詳○箋曰澮疑亦誤字

沔

水也从水刃聲

乃見切

注曰集韻類篇引說文有出上黨三字又沔沔與渙混同湮相箸也亦垢濁也

澮

水也从水直聲

恥力切

注曰集韵類篇曰出潁川

潁水也从水妾聲七接切

潁水也从水居聲九魚切

潁水也从水𣶒聲其冀切

潁水也从水九聲羽求切

注曰廣韵曰在高密按蓋卽左傳之九水上文之

治水也

潁水也从水困聲於眞切

注曰此字玉篇及小徐皆作潁困聲廣韵潁潁竝

收集韵類篇引說文互異而今存宋本皆作潁困

聲

𣶒 水也从水果聲古火切

𣶒 水也从水貨聲讀若瑣蘇果切

𣶒 水也从水虜聲莫江切

𣶒 水也从水乳聲乃后切

注曰或以爲酒醴雜醕之醕

𣶒 水也从水丹聲丹古文終職戎切

注曰廣韵集韵皆曰在襄陽古文丹見欠部

𣶒 淺水也从水百聲匹白切

注曰顏氏家訓曰游趙州見栢人城北有一小水

土人亦不知名後讀城西門徐整碑云栢流東指

按說文此字古泊字也泊淺水貌此水無名直以

淺貌目之或當卽以泊爲名平玉裁按顏書今本
譌誤爲正之可讀如此說文作泊隸作泊亦古今
字也犬部狍下云讀若淺泊淺水易停故泊又爲
停泊淺作薄故泊亦爲厚薄字又爲憺怕字又按
上下文皆水名此字次第不應在此蓋轉寫者以
从百从千類之○箋曰說文从百聲之字僅有此
與人部之佰手部之搯此外不少概見佰訓相什
百其从百聲自無可疑若拊拍之拍與此淺泊之
泊古多从白今本疑後人所改古音白百不同今
北方之音亦尙有別也

泝

水也从水千聲

倉先切

詳里切

勃解

勃原本作郭
今從毛本

海之別也从水解聲一說解卽

解谷也

切胡買

注曰海之別猶江之別勃澥屬於海而非大海猶
沱屬於江而非大江也漢書子虛賦音義曰勃澥
海別枝也齊都賦注曰海旁曰勃斷水曰澥潛正
劉記曰今海自山東登州成山折而西逕萊青又
北逕直隸天津東逕永平又東出山海關逕遼東
又折而南至金州有旅順口南與登州海口相對
皆謂之勃海太史公多言勃海河渠書謂永平府

之勃海也封禪書謂登萊兩府之勃海也蘇秦列傳指天津衛之海言朝鮮列傳指海之在遼東者言勃海之水大矣非專謂近勃海郡者也一說解卽解谷者律歷志曰黃帝使洽綸自大夏之西昆侖之陰取竹之解谷孟康曰解脫也谷竹溝也取竹之脫無溝節者也一說昆侖之北谷名也按廣韻作嶰○箋曰海自成山西入登萊又折而北過天津又東至遼東又南下金州海渚環抱自成一灣故謂之勃解解之言解也如別爲一水然也故漢書音義曰海別枝齊都賦注曰斷水曰解也

海北方流沙也一曰清也从水莫聲

莫各切

注曰漢書亦假幕爲漠○箋曰流沙者塵埃冥蒙之地故謂之沙漠漠者蒙也因之有冥漠之稱又曰漠漠爾雅釋言曰漠清也此義相反而相成也

濶

天池也以納百川者从水每聲

呼改切

注曰天池見莊子涓搖游爾雅九夷八狄七戎六蠻謂之四海此引申之義也凡地大物博者皆得謂之海

說文解字第十一上

說文解字第十一 上二

金壇段玉裁注

皆禹徐 灝箋

漚 大也从水專聲湯古切

注曰漚大也見釋詁

漚 水大至也从水閻聲乙感切

注曰廣韻作大水

漚 洚水也从水其聲戶工切

注曰堯典皋陶謨皆言洪水釋詁曰洪大也引申

之義也大壑曰洪字亦作洪

漚 水不遵道一曰下也从水各聲戶工切又下江切

注曰孟子滕文篇書曰洚水警予洚水者洪水也
告子篇水逆行謂之洚水水不遵道正謂逆行一
曰下也與各降音義同又下江切

洚水朝宗于海也从水从行

以淺切

注曰海潮之來潏推曲暢兩厓渚渚之間不辨牛
馬故曰衍从水行會意引申爲凡有餘之義假羨
字爲之

洚水朝宗于海从水朝省

直遙切

注曰禹貢荊州江漢朝宗于海鄭以周禮春見曰
朝夏見曰宗釋之古說則謂潮也論衡書虛篇曰
洚之起也隨月盛衰虞翻注易習坎曰水性有常

消息與月相應从水朝會意隸不省說文無濤篆
蓋濤卽潮之異文濤古當音稠枚乘七發觀濤卽
觀潮

湏水脈行地中潢潢也从水黃聲

弋刀切

注曰潢潢動貌江賦曰潛潢之所汨涵蜀都賦潢
以潛沫劉注水潛行曰潢此二水伏流故曰潢接
今文選作演誤○箋曰演者潢之省耳

湏水漫漫大兒从水昏聲

土刀切

注曰堯典浩浩滔天按漫當作曼許書無漫字

湏小流也从水同聲爾雅曰汝爲洞

古元切

注曰凡言洞洞者皆謂細小之流爾雅曰汝爲洞

亦大水溢出別爲小水之名郭本泐作潰蓋非潰
水厓也○箋曰釋水汝爲潰與上文水自河出爲
灘江爲沱等句義例竝同且與下文江有沱河有
灘汝有潰相應則作潰爲是潰之引申爲潰溢之
併卽大水溢出別爲小水之義耳

混豐流也从水昆聲

胡本切

注曰豐流者盛滿之流也孟子曰源泉混混古音
讀如袞俗字作滾山海經曰其源渾渾泡泡郭云
水漬涌也袞咆二音此假渾爲混也今俗讀戶袞
胡困二切訓爲水濁訓爲雜亂此用混爲溷說文
混溷義別

漾水漾瀆也从水象聲讀若蕩徒朗切

注曰漾瀆變韵字搖動之流也今字作蕩漾

灋順流也一曰水名从水𣶒聲侯雷切

注曰釋言灋盞也盞同澆酒之澆國語史記龍灋

韋昭曰灋龍所吐沫一曰水名未詳

汭水相入也从水从內內亦聲而銳切

注曰周禮職方之汭卽漢志右扶風汧縣之苒水

名也大雅之汭亦作苒毛云水厓也鄭云汭之言

內也尙書鳩汭濁汭某氏釋爲水北雒汭釋爲雒

入河處左傳漢汭渭汭雒汭滑汭杜氏或云水內

也或云水之隈曲曰汭大意與大雅鄭箋相近

瀟溪清也从水肅聲

子叔切

注曰中山經曰澧沅之風交瀟湘之浦水經注湘水篇二如出入瀟湘之浦瀟者水溪清也湘中記曰湘川清照五六丈下見底石如擣蒲矢五色鮮明是納瀟湘之名矣據善長說則瀟湘者猶云清湘其字讀如肅亦讀如蕭自景純注中山經云瀟水今所在未詳始別瀟湘爲二水俗又改瀟爲瀟其謬日甚矣詩鄭風風雨瀟瀟毛云暴疾也水之清者多駛方言云清急也是則說文毛傳二義相因子叔切子字疑誤廣韵息遂切○箋曰釗云中

山經水經注今竝作瀟瀟按毛詩鄭風亦作瀟無

作瀟者段引書好改字是其一病

演長流也一曰水名从水寅聲

以漢切

注曰演之言引也故爲長遠之流周語注云水土氣通爲演引申之義也一曰水名未詳

漣流散也从水奐聲

呵貫切

注曰流散當作散流分散之流也今正毛詩曰渙渙春水盛也易曰風行水上渙○箋曰引申爲凡離散之稱

俠流也从水必聲

兵嬾切

注曰俠者粵也三輔調輕財者爲粵俠流者輕快之流如俠士然魏都賦李注引作駛流非善本上

林賦倜傺泌瀝司馬彪曰泌瀝相楔也郭璞音筆
○箋曰俠流恐非取俠士之義古多用俠爲夾上
林賦倜傺側泌瀝蓋其本義也

活水流聲从水昏聲古活切活或从聃

注曰衛風北流活活毛傳活活流也按當作流貌
其音戶括切引申爲凡不灰之偁邯鄲風不我活兮
孟子民非水火不生活是也

潛水流潛潛也从水皆聲一曰潛潛繫傳寒也詩曰

風雨潛潛

古諧切

注曰小雅淮水潛潛毛曰潛潛猶上文湯湯也廣
雅曰潛潛流也詩風雨潛潛今鄭風祗有風雨淒

淒邛風傳曰淒寒風也許引詩證寒義所據與今本異或是兼采三家宋本作一曰潛水寒也

泚

潛流也从水玄聲上黨有泚氏縣

胡賦切

注曰潛當作潛字之誤也檀弓曰孔子泚然流涕魯語無洵涕韋曰無聲涕出爲洵涕按洵者泚之假借字文選詩曰花上露猶泚上黨郡泚氏音工懸反今山西澤州府高平縣治卽漢泚氏故縣

瀕

水流兒从水彪省聲詩曰瀕沱北流

皮彪切

注曰瀕隸不省小雅灇池北流此本池作沱非是○箋曰此當从隸體爲正瀕从虎而以爲彪省聲音義皆未明也

疾流也从水或聲

子通切

注曰江賦測減濫湏是其義毛詩築城伊減假減

為漁也○箋曰減疑即職之變體說具川部

瀏流清皃从水劉聲詩曰瀏其清矣

力久切

注曰鄭風曰溱與洧瀏其清矣毛曰瀏渙貌謂渙

而清也釋名曰綠瀏也荆泉之水於上視之瀏然

綠色此似之也

灏

原本篆作灏今從段正

灏流也从水歲聲

歲原本作歲今從段正

詩云

施罟灏灏

原本作灏今正呼括切

注曰衛風施罟灏灏毛曰罟魚罟灏灏施之水中

按施罟而水仍流故曰灏流灏又訓多水貌司馬

相如傳湛恩汪濊是也各本篆作濊云濊聲今正
按玉篇濊濊二字相連與說文同濊下云呼括切
水聲又於衛於外二切多水兒不云有二字廣韵
十三末濊水聲濊上同是知妄人改礙流之字爲
濊而別補濊篆於部末云多水兒呼會切不知部
末至瀕泮等篆已竟水多非其次也今刪正○箋
曰鋤云濊改爲濊蓋本余說

瀕沛也从水旁聲

音郎切

注曰小雅曰俾瀕沔矣

汪濊廣也从水呈聲一曰汪

通

池也

烏光切
隸作汪

注曰謂濊而又廣也後漢書叔度汪汪若干頃陂

江賦澄澹汪沆晉語曰汪是土也韋云汪大貌一
曰池者左傳祭仲殺雍糾尸諸周氏之汪杜注汪
池也通俗文曰停水曰汪按今俗語謂小水聚曰
汪

漚清淡也从水翬聲繫傳有讀若半三字洛蕭切

注曰南都賦漚淚減汨李善引韓詩內傳漚清貌
也蓋鄭風毛作漚韓作漚許謂二字義別今文選
注內字講舛

泚清也从水此聲千禮切

注曰清者本義今詩新臺有泚毛曰泚鮮明貌此
假泚為玼○箋曰清之義即引申為鮮明不須假

借

況寒水也从水兄聲

許訪切

注曰況訓寒水未得其證毛詩常棣桑柔召旻皆曰兄滋也矢部陟下曰兄詞也古矧況比況皆用兄字後乃用況字後又改作況○箋曰況者滋益之義晉語眾況厚之韋注況益也借爲語詞又爲貺賜字聘義北面拜況釋文況本亦作貺魯語況使臣以大禮韋注況賜也

沖涌搖也从水中聲

原本奪聲字今從毛本

讀若動

直弓切

注曰涌上涌也搖旁搖也小雅曰攸革沖沖毛云沖沖垂飾貌此涌搖之義幽風傳曰沖沖鑿冰之

音義亦相近召南傳曰忡忡猶衝衝也忡與沖聲義略同凡用沖虛字皆虛之假借老子道虛而用之今本作沖是也尙書沖人亦空虛無所知之意○箋曰沖虛卽涌搖之義老子假虛而用之不得以爲虛之假借也

汎浮兒从水凡聲

孚梵切

注曰兒當作也邶風汎彼柏舟毛曰汎流兒廣雅曰汎汎汎汎浮也音轉爲扶弓反如風字亦凡聲也

汎轉流也从水云聲讀若混

王分切

注曰回轉之流汎汎然也釋言曰汎汎也郭注水

流漑沆

漑澆也从水告聲虞書曰洪水浩浩

胡老切

注曰漑當作沆字之誤也漑者沃也沃非浩義云

浩沆同義而又雙聲故三篆相聯

沆莽沆大水也从水亢聲一曰大澤兒

胡朗切

注曰西京賦滄池漑沆薛云漑沆猶沆沆亦寬大

也南都賦漑沆洋溢吳都賦海賦皆云沆漑羽獵

賦云沆茫義皆同風俗通山澤篇傳曰沆者莽也

言其平望莽莽無涯際也沆澤之無水斥鹵之類

也今俗語亦曰沆水經注巨馬河篇巨馬水又東

逕督亢澤荆軻傳之督亢地圖也引風俗通沆莽

也是沆通作亢

沆水从孔穴疾出也从水从穴穴亦聲

呼穴切

注曰釋水曰沆泉穴出按此會意字其韓詩之同
次楚辭之次寥皆假借也

漚水暴至聲从水鼻聲

匹備切

注曰上林賦漚漚沆漚司馬彪曰漚漚水聲也洞
簫賦澎漚沆慨一何壯士高唐賦漚漚洶洶其無聲
按漚漚雙聲○箋曰聲轉爲澎湃

漚水小聲从水爵聲

土角切

注曰古書多漚漚連文高唐賦巨石漚漚之漚漚
注引埤蒼漚漚水流聲貌上林賦漚漚實隊司馬

貞引說文水之小聲也李善引字林灋灋小水聲也疑說文本有二篆上云水之小聲也从水龜聲下云灋灋也从水爵聲全書之例如此單用灋者江賦灋灋泉灋謂大波相激之聲

灋水疾聲从水翕聲

許及切

注曰上林賦汨湓慄疾湓郭音許立反然則卽灋字也小雅滂滂訛訛釋訓云莫供職也

騰水超涌也从水朕聲

徒登切

注曰小雅百川沸騰毛曰拂出騰乘也騰者騰之假借玉篇引百川沸騰周易騰曰說引申之義

灋涌出也一曰水中坻人所爲爲灋一曰滴水名在

京兆杜陵从水溺聲

古穴切

注曰士林賦橋橋洞洞江賦橋湟湟湟洪釋水曰小
汜曰坻人所爲爲溺京兆尹杜陵二志同故城在
今陝西西安府咸甯縣東南潘岳關中記曰涇渭
霸澹豐鎬潏潏上林賦所謂八川分流也師古上
林賦注曰地理志鄠縣有潏水北過上林苑入渭
而今之鄠縣則無此水許慎云潏水在京兆杜陵
此卽今所謂沈水從皇子陂北流經昆明池入渭
者也蓋爲字或從水旁穴與沈字相似俗人因名
沈水平按水經注渭水又東北逕渭城南有沈水
自南注之亦謂是水謂潏水也愚謂鄠注沈水沈

蓋沈字之誤李善注上林賦曰滴水出杜陵今名
沅水自南山黃子陂西北流經昆明池入渭司馬
貞注上林語全同亦作今名沅水單行索隱如此
沅从允聲余準切滴从喬聲食聿切二字雙聲疊
韻唐初呼沅水字異而音實同耳小顏與李善同
時其注漢書蓋亦本作今所謂沅水轉寫作沅字
也惟小顏不知滴沅同聲而指爲沅字之誤是爲
無稽之談矣

沅水涌光也从水从光光亦聲詩曰有沅有潰古黃切

注曰江賦曰澄潛沅沅又曰流映揚焞謂涌而有
光也邶風有沅有潰毛曰沅沅武也潰潰怒也大

雅武夫沈沈毛曰沈沈武貌此引申假借之義

澠水涌流也从水皮聲博禾切

注曰左傳其波及晉國者莊子夫孰能不波皆引

申之義又假借為陂字見漢書

灇江水大波謂之灇从水雲聲王分切

注曰專謂江水也玉裁昔署理四川南谿縣攷故

碑大江在縣有揚樓灘

瀾大波為瀾从水闌聲洛干切灇瀾或从連

注曰魏風河水清且漣漪釋水引作瀾云大波為

瀾毛云風行水成文曰漣按古瀾漣同音同字後

人乃別之又凡瀾漫當作此字

淪小波爲淪从水侖聲詩曰河水清且淪淪投訂一作

曰淪也力連切

注曰魏風河水清且淪猗釋水曰小波爲淪毛曰小風水成文轉如輪也韓詩曰從流而風曰淪釋名曰淪倫也水文相次有倫理也猗各本作漪今正猗與兮同漢石經魯詩殘碑作兮可證後人妄加水作漪吳都賦乃有刷盪漪瀾濯明月於漣漪之句其謬甚矣又微子篇今殷其淪喪某氏曰淪淪也

漂浮也从水票聲匹消切又匹妙切

注曰謂浮於水也鄭風風其漂女毛曰漂猶吹也

按上章言吹因吹而浮故曰猶吹又漂漚水中擊

絮也莊子曰泝泝

浮汜也

汜段訂作汎

从水孚聲

縛牟切

注曰木華海賦浮天無岸李注引說文浮汎也按

上文云汎浮也是汎浮二字互訓與汜濫二字互

訓義別汎浮二篆當類廁此非許書之舊

濫汜也从水監聲一曰濡上及下也詩曰鷺沸濫泉

一曰清也

盧駁切

注曰謂廣延也左傳云賞不僭刑不濫魯語濫於

泗淵皆其引申之義一曰濡上及下者因濫與淋

聲近淋訓以水沃則濫訓略同也詩小徐作渾沸

此詩小雅大雅皆有之今作檻泉者字之假借也
毛曰騰沸泉出貌檻泉泉正出也濫泉由小以成
大故傳以證汜義一曰清又別一義與濫蓋相反
而相成也

汎濫也从水已聲

繫傳有一曰淹三字孚梵切

注曰元應引此下有謂音博也四字楚辭卜居曰
將汜汜若水中之鳧乎王逸云汜汜音愛眾也若
水中之鳧羣戲游也論語汎愛眾此假汎爲汜○
箋曰一切經音義謂音博也四字乃元應語

汎下淡兒从水弘聲

烏宏切

注曰下淡謂其上似淺陋其下淡廣也揚子其中

宏濊其外肅括月令其器閎鄭云閎謂中寬象土

含物

淖回也从水聿聲

羽非切

注曰此以疊韻爲訓

測溪所至也从水則聲

初側切

注曰溪所至謂之測度其溪所至亦謂之測猶不淺曰溪度溪亦曰溪今則引申義行而本義隱矣
呂覽昏平其溪而不測高云測盡也此本義也考
工記柰欲測鄭云測猶清也此引申之義也

湍疾瀨也从水帝聲

他箭切

注曰瀨水流沙上也疾瀨瀨之急者也趙注孟子

曰湍者圉也謂湍湍縈水也趙語爲下文決東決

西張本○箋曰耑通作專故亦有圉義

淙

水聲也从水宗聲

藏宗切

注曰水聲淙淙然

激

水礙衰疾波也从水敎聲一曰半遮也

古歷切

注曰水流不礙則不衰行不衰行則不疾急孟子曰激而行之可使在山賈子曰水激則旱兮矢激則達半遮亦有礙意與微邀音義略同

洞

疾流也从水同聲

徒弄切

注曰此與是部迴馬部駟音義同引申爲洞達爲

洞壑

灇大波也从水旛聲字弄切

洶涌也从水匈聲許拱切

注曰此當作洶洶涌也各本無洶洶字今依高唐

賦注補相如賦曰洶涌滂潰左思賦曰溷焉洶洶

揚雄賦曰洶洶旭旭天動地吸

灇滕也从水甬聲一曰涌水在楚國余隴切

注曰滕水超涌也二篆宐相連今本蓋非古也左

傳莊十八年間敖遊涌而逸楚子殺之杜曰涌水

在南郡華容縣華容今湖北荊州府監利縣地涌

水在今江陵縣東南自監利流入夏水支流也水

經曰江水又東南當華容縣南涌水入焉酈云水

自夏水南通於江謂之涌口

給

給

逗

澇也从水

拾聲

丑入切

注曰上林賦涌涌澇澇給澇鼎沸索隱引周成雜

字曰澇澇水沸之貌也澇與澇同澇又訓雨下故

不類廁於此

湔

湔

苦江切又

湔

湔

湔

湔

湔

湔

湔

湔

湔

井上繫傳有一
日二字市若切

注曰釋名曰洧澤也有潤澤也自臍以下曰水腹

水洧所聚也釋水曰井一有水一無水謂之洧洧

釋名曰屬竭也洧有水聲洧洧也然則洧謂無水

汧謂有水

汧井一有水一無水謂之汧汧从水尉聲

居例切

注曰釋水已見上文此但云汧汧也已足不當複舉考釋名作尉不从水說文當同之漏篆乃淺人所增耳爾雅作汧亦非古本尉訓竭於音得之○箋曰鈕氏樹玉曰汧激水聲也下有釋水文乃別一義故加一曰於上漏下釋水文乃其本義非複舉釋名傳刻未必無譌今因而致疑於說文并及爾雅亦太甚矣

渾混流聲也从水軍聲一曰沔下兒

戶昆切

注曰混當作溷溷亂也作混者誤廊善長謂二水

合流爲渾濤今人謂水濁爲渾

泚水清也从水列聲易曰井冽寒泉食

良薛切

注曰東京賦元泉冽清薛注冽清澄貌按許書有
冽冽二篆毛詩有冽無冽冽彼下泉有冽汎泉二
之日栗冽皆不从水易井九五爻詞○箋曰曹風
下泉篇冽彼下泉小雅大東篇有冽汎泉釋文字
竝从水易井冽寒泉食亦从水至幽風二之日栗
冽則用假借字唐石經以下各本皆同唯下泉大
東正義引作栗冽其字从久此孔冲遠偶失檢不
足爲據文選成公綏嘯賦注引字林冽寒貌宋玉
高唐賦注引字林冽寒風也字竝从久正唯說文

久部無洌故引字林又馬融長笛賦引說文洌清也分別瞭然更足互證段氏見異思遷輒謂毛詩有洌無洌且徑改久部瀨篆作洌而謂許書兼有洌洌二篆武斷甚矣

淑 清湛也从水叔聲殊六切

注曰湛沒也今俗云澹沈是也釋詁曰淑善也此引申之義○箋曰湛固訓沒然此云清湛非其義淑訓爲善正清湛之引申耳廣雅曰淑清也荀子賦篇潏潏淑淑楊注淑淑美也美亦善也

溶 水盛也从水容聲余龍切又音容

注曰甘泉賦溶方皇於西清善曰溶盛貌也按今

人謂水盛曰溶溶

澂

清也从水徵省聲

直陵切

注曰澂之言持也持之而後清方言曰澂清也澂澄古今字禮運澄酒在下鄭云澄酒與周禮沈齊字雖異蓋同物也周易君子以徵忿徵者澂之假借字鄭云澂猶清也必云猶者正謂澂不訓清澂之斯清故王弼訓止也

清

服也澂水之兒从水青聲

七情切

注曰服者明也澂而後明故云澂水之兒引申之凡潔曰清凡人潔之亦曰清同澂

澂

水清底見也从水是聲詩曰澂澂其止

常職切

注曰邶風涇以渭濁湜湜其止毛云涇渭相入而
清濁異按毛本作止止者水之激定也鄭易止爲
沚云小渚曰沚非水清見底之謂矣詩古今各本
及玉篇集韻類篇皆作止毛詩舊文也傳於蒹葭
云小渚曰沚於此無文可證鄭箋當有止讀爲沚
之文淺人刪之而竝改經文

澗

水流澗澗兒从水閔聲

閔煩切

注曰澗澗當作澗澗淺人所改也澗之本義訓汚
邶風河水澗澗卽澗澗之假借免聲古讀如門與
澗音近毛傳澗澗平地也卽澗澗之義

漈

下漈也从水參聲

所禁切

注曰司馬相如封禪文滋液滲漉揚雄河東賦澤

滲漉而下降今俗云滲扁

澤

不流濁也从水圉聲

羽非切

注曰謂薺濁不流去也左傳曰有汾澮以流其惡

濁

亂也一曰水濁兒从水圉聲

胡困切

注曰離騷世溷濁而不分兮王注溷亂也濁貪也

溷

濁也从水屈聲一曰溷泥一曰水出兒

古忽切

注曰今人汨亂字當作此按洪範汨陳其五行某

氏曰汨亂也書序汨作汨治也屈賦汨鴻謂治洪

水治亂正一義卽釋詁之渙治也某氏注爾雅引

詩渙此羣醜其忽反一曰渰泥者多汁成泥一曰

水出者上林賦潏潏涌涌是也

潏回泉也从水旋省聲

似沿切

注曰杜詩撒潏捐瀆無險阻潏夔州土人讀去聲謂峽中回流大者其潏不測舟遇之則旋轉而入江賦所謂盤渦谷轉也瀆土人讀如濮謂峽中回流漸平則突涌如山江賦所謂浪瀾瀆瀆瀑也斯二者必撤之捐之而行不可正犯杜用峽中語言入詩按廣韵又慈戀切

濯洑也从水崔聲詩曰有濯者淵

七罪切

注曰小雅有濯者淵毛傳濯洑兒

潏回水也从水象形左右岸也中象水兒

烏玄切

潏

淵或省水 古文从口水

注曰左右岸謂川中象水兒謂汭也江賦瀕繞因
汭用因字○箋曰回旋之水其下必深故淵訓深

滿也从水爾聲

奴禮切

注曰邶風河水瀾瀾毛云瀾瀾盛兒玉篇泮亦瀾
字盧氏文弨曰漢地理志邶詩云河水泮泮字从
半姓爲聲謂新臺也俗譌爲泮泮師古謂邶無此
句

澹水搖也从水詹聲

徒監切

注曰此當依東京高唐賦注作澹澹水搖兒也今
補高唐賦水澹澹而盤紆東京賦淶水澹澹俗借

為淡泊字

澹 澹也从水尋聲

徐林切

注曰今人用此字取義於澹而已

汙 谷也从水平聲

符兵切

注曰廣韻曰水名玉篇曰谷名

洄 水兒从水出聲讀若宦

竹律切又口兀切

注曰廣韻曰水出兒文子曰原流洄洄冲而不盈

濞 水至也从水薦聲讀若尊

在甸切

注曰至疑當作兪兪大也廣韻曰水荒曰洄洄者

洄之異文周易曰水洄至習坎洄雷震釋言荐再

也荐同洄

澗土得水沮也从水𣶒聲讀若趙

竹隻切

注曰魏風毛傳云沮洳其漸洳者眾經音義引倉頡篇云沮者漸也許君沮字下未舉此義今俗謂水稍稍侵物入其內曰漸當作此字○箋曰粵俗有此音而聲少轉

漭盈溢也从水𣶒聲

莫旱切

漭利也从水𣶒聲

戶八切

注曰古多借爲汨亂之汨

漭不滑也从水𣶒聲

色立切

注曰止部曰𣶒不滑也然則二字雙聲同義七發耶氣襲逆中若結轡此假轡爲漭也色立切當依

職前所力切

澤光潤也从水𣶒聲丈伯切

注曰又水艸交厝曰澤又借爲釋字○箋曰許以
光潤爲澤之本義引申爲凡光澤潤澤滑澤之稱
潤物莫如水故雨謂之雨澤又水所聚曰澤又凡
潤下皆曰澤故有惠澤世澤之義因之仕祿亦謂
之澤孟子所謂干澤卽干祿也

淫侵淫隨理也从水𣶒聲一曰久雨爲淫余箴切

注曰浸淫者以漸而入也司馬相如難蜀父老曰
六合之內八方之外浸淫衍濫史記作浸尋月令
曰淫雨蚤降左傳曰天作淫雨鄭曰淫霖也雨三

日以上爲霖

𤇗 漬也从水銀聲爾雅曰泉一見一否爲𤇗子廉切

注曰公羊傳莊十七年齊人𤇗于遂𤇗者何𤇗積也眾殺戍者也積本又作漬按傳文及說文皆當作積爲長爾雅別一義釋水文○箋曰公羊何注云𤇗之爲戍積戍非一之辭釋文云𤇗二傳作𤇗積本又作漬灝按此當以左穀作𤇗爲正公羊作𤇗乃假借字蓋以物置水中而漚之謂之𤇗𤇗謂之漬𤇗有盡義故亦訓爲積左氏襄二十八年傳其將聚而𤇗旃杜注𤇗盡也是也至若說文漬訓爲漚而𤇗訓爲漬以類相從皆當爲水旁且許自

解字與傳義無涉段謂當作積爲長非也鈕云篇韻竝作漬則漬字不誤

洿水所蕩洿也从水失聲

夷質切

注曰蕩洿者動盪奔突而出禹貢導沅水入于河洿爲滌本作洿周禮疏師古漢書注所引不誤且史記水經注皆作洿惟漢地理志作軼軼車相出也正與洿義同左傳彼徒我車懼其侵軼我也又曰迭我殺地迭卽洿軼之假借也凡言淫洿者皆謂太過其引申之義也衛包改禹貢之洿爲湓淺人以滿釋之固可嘆矣

潰漏也从水貴聲

胡對切

注曰左傳凡民逃其上曰潰此引申之義小雅大雅毛傳潰遂也此皆謂假潰爲遂

沚水不利也从水沚聲五行傳曰若其沚作

郎計切

注曰河東賦秦神下蟄跼魂負沚服虔曰沚河岸之坻也晉灼申之曰沚渚也按坻礙水不行故謂之沚五行傳謂伏生洪範五行傳其當作六鄭曰沚沚也服虔曰沚害也司馬彪引五行傳說曰氣之相傷謂之沚按沚聲本音當在眞部鄭訓沚爲沚是也今音郎計者依如瀉音拂戾之戾也

淺不淺也从水淺聲

七衍切

注曰不淺曰淺不廣亦曰淺故考工記曰以博爲

𣶒𣶒者淺之假借○箋曰段以𣶒爲淺非是考工記鮑人此節上下文皆有淺字則𣶒非淺之假借明矣說見通介堂經說

𣶒

水暫益且止未減也从水寺聲

直里切

注曰此義未見蓋與待倂峙字義相近爾雅釋水亦借爲沚字

𣶒

少減也一曰水門又水出𠂔前謂之省𠂔从水省

聲

息井切

注曰今減省之字當作消女部又曰焔減也音義皆同左傳有消竈人姓名也水門未詳玉篇云一曰水名廣韻集韻則云一曰水名又爾雅釋𠂔曰

水出其前消上釋名作趾上趾基趾也

淖泥也从水卓聲奴敎切

注曰左傳曰有淖於前乃皆左右相連於淖杜注淖泥也倉頡篇云淡泥也字林云濡甚曰淖按許以泥爲水名不著塗泥之解於此補見

溼小溼也从水翠聲遵誅切

注曰小蓋下之誤篇韻皆云下溼從古本也又篇韻皆云且遂切下溼也遵誅切汁漬也

溼溼暑也从水辱聲而蜀切

注曰月令季夏土潤溽暑鄭曰潤溽謂塗溼也潤溽雙聲字記言土塗溼而暑上蒸也塗讀如雨雪

載塗之塗謂之溥者濃也厚也○箋曰春雨多土
得水而潤至夏溼氣上蒸而為暑熱故曰土潤溽
暑

涅黑土在水中也从水从土日聲

奴結切

注曰論語孔注涅可以染皁者按黑部駢謂之涅
近滓也與涅義近○箋曰漢地理志上黨郡涅氏
下曰涅水也師古曰涅水出焉故以名縣

𣶒

原本篆作𣶒
今從段正

益也从水茲聲一曰滋水出牛飲山

白陁谷東入呼沱

子之切

注曰艸部茲下曰艸木多益也此字从水茲為水
益也各本篆文作𣶒誤今正說詳四篇茲篆下地

理志常山郡南行唐牛飲山白陸谷滋水所出東
至新市入庫池水南行唐故城在今直隸正定府
行唐縣治北新市故城在今正定府治西北四十
里一統志曰滋河源出山西五臺縣界東南流逕
正定府靈壽縣北行唐縣南又東歷正定藁城二
縣北無極縣南又東北入定州涇澤縣界古與滹
沱合流今折而東北與滹沙二水合不入滹沱矣
原本篆作**𣶒**今從段正**青黑色**段訂**从水昌聲**昌原本作名今正呼骨切
注曰各本篆作溜此以隸改篆篇韻皆曰溜今作
溜又廣韻色作兒今據正廣韻荒內切大徐呼骨

切

𣶒 溼也从水邑聲

於及切

注曰召南毛傳曰厭浥溼意也

𣶒 水散石也从水从少水少沙見楚東有沙水

所加切

𣶒 譚長說沙或从少

少子結切

注曰大雅傳云沙水旁也許云水散石石散碎謂之沙引申之凡生澀皆爲沙如內則鳥沙鳴是水少沙見釋其會意之指也古音娑从石作砂者俗字古丹沙祇用此楚東沙水別一義水經注渠水篇曰渠水又東南流逕開封縣雒渙二水出焉右則新溝注之卽沙水也音蔡許慎正作沙音言楚東有沙水謂此水也○箋曰酈云音蔡正是少之

聲轉蓋所謂楚東沙水乃沁水之譌也

瀨水流沙上也从水賴聲

洛帶切

注曰九歌石瀨兮淺淺伍子胥書有下瀨船漢有下瀨將軍應劭曰瀨水流沙上也臣瓚曰瀨湍也吳越謂之瀨中國謂之磧按瀨之言濺也水在沙上滲濺而下滲也埤倉云滲濺漉也○箋曰滴本作滲故又有丁計切之音戴氏侗云餘瀝垂欲滴是也今粵俗謂水點滴而下謂之滴滲埤倉滲漉卽滴滲之聲轉故謂之漉非瀨之謂也

漉水厓也从水賁聲詩曰敦彼淮漉

符分切

注曰詩大雅鋪敦淮漉傳曰漉厓也周南遵彼汝

潰傳曰墳大防也畫然分別周禮大司徒職丘陵墳衍原隰注云水涯曰墳而常武箋亦釋潰為大防鄭謂古經假借通用許則謹守毛傳也

涖水厓也从水矣聲周書曰王出涖厓史切

注曰爾雅釋丘王風秦風傳皆曰涖厓也周頌思文箋云武王渡孟津白魚躍入王舟出涖以燎正義引大誓文按許引大誓者三此與手部支部也

泚水厓也从水午聲呼古切

注曰大雅率西水泚傳曰泚水厓也釋丘曰岸上

泚○箋曰泚泚古今字

沝水厓枯土也从水九聲爾雅曰水醯曰沝居海切

注曰今爾雅小醺曰厝仄出泉曰沘許書仄出泉
曰厝水厝枯土曰沘與爾雅互易依毛詩有沘沘
泉似今本爾雅不誤○箋曰此當以說文爲正泉
從石穴仄出故其字作厝从厂厝聲厂者山石厝
巖也厝者取景仄意也沘爲水厝枯土故从水九
聲九有究盡義也詩爾雅皆假借通用

沝

水厓也从水厝聲詩曰真河之厝

常倫切

注曰魏風傳厝厓也爾雅曰厓夷上洒下厝按夷
上謂上平也洒下謂側水邊斗峭○箋曰爾雅說
詳見通介堂經說

瀕也从水甫聲

潁古切

注曰大雅率彼淮浦傳曰浦厓也

泚小渚曰汙从水止聲詩曰于沼于汙

諸市切

注曰召南傳曰汙渚也此渾言之秦風傳爾雅釋水曰小渚曰汙此析言之也

沸湍沸湍

湍也字依沸湍

湍湍沸湍

分勿切又方未切

注曰也當作兒詩小雅大雅皆有沸湍泉之語傳云沸泉出兒湍泉正出釋水曰湍泉正出正出涌出也按湍沸疊韵上林賦湍沸一本作湍今俗以沸爲湍字

灇灇小水入大水曰灇从水眾聲

原本作从眾今依繫傳

詩曰鳧

鷖在灇

祖紅切

注曰大雅傳曰渚水會也按許說申毛若鄭箋云渚水外之高者也有壅埋之象則謂渚與崇同恐非詩意

𣶒別水也从水从辰辰亦聲

匹賣切

注曰吳都賦百川派別劉逵注引字說曰水別流爲派按眾經音義兩引說文辰水之衰流別也以釋派韻會曰派本作辰从反永引錯云今人又增水作派據此則說文本有辰無派此字當刪○箋曰鈕云李注文選頭陀寺碑引說文派水別流也則唐時已有

𣶒水別復入也

原本入下複水字今依繫傳刪

一曰汜窮瀆也从水

已聲詩曰江有汜

詳里切

注曰召南江有汜傳曰決復人爲汜謂旣決而復入之水也釋名曰汜已也如出有所爲畢已而復人也按古以無已釋已如祀之解曰祭無已_{是也}故汜从已窮瀆別一義釋上曰窮瀆汜郭云水無所通者漢書張良聞從容步游下邳汜上服虔讀爲圯音頤楚人謂橋曰圯此漢人易字之例應劭曰汜水之上此不易字謂窮瀆無水之上也下文直墮其履汜下良下取履其爲無水之瀆了然史記本亦作汜小司馬云姚察見史記有作土旁者云有則知史記不皆作土旁也

澗

逗

流水處也

流原本作淡今依繫傳

从水癸聲

求癸切

注曰釋水曰癸關流川○箋曰郝氏爾雅義疏云

癸關流川過辨回川過辨癸關聲相轉

榮

澹

二字依

絕小水也从水榮省聲

戶局切原本澹前榮後今

依段

澹

榮澹也从水寧聲

乃定切

注曰榮澹二字各本無今依全書通例補甘泉賦

之澹澹七命之汀澹皆謂小水也澹澹義同若榮

澤榮陽古皆作榮不作榮唐碑宋槧尙多不誤又

按澹當依七命注奴冷切後人謂淖爲泥澹讀乃

定切義與音皆非古矣○箋曰古無榮字故榮澤

熒陽假熒爲之其後乃从水作漿此字在漢時已

然矣

𣶒

澁池也从水圭聲

一佳切又於瓜切

注曰史漢皆云得神馬渥注水中莊子齊物論云

似注者古音在支部

澗

清水也一曰窰也从水室聲

一穎切又尾瓜切

注曰清水未詳穴部窰汚裒下地也○箋曰注與

澗相承增穴一穎切之音蓋由𣶒而誤耳

潢

積水池从水黃聲

平光切

注曰左傳潢汙行潦之水服虔曰畜小水謂之潢

水不流謂之汙又廣韵引釋名曰潢染書也平曠

切唐有妝潢匠○箋曰潢又訓爲大荀子富國篇
潢然兼覆之揚注潢然水大至之貌上林賦灝灝
潢潢七發云浩潢潢兮潢潢卽潢漾古字假借也
又後漢書馬融傳注天潢星也春秋元命苞天潢
主河渠注天潢天津也

沼池水从水召聲

切之少

注曰召南傳曰沼池也廣雅同按眾經音義兩引
作小池也

湖

大陂也从水胡聲揚州浸有五湖

句浸

返川澤所

仰以灌漑也

戶吳切

注曰自部陂一曰池也然則大陂謂大池也池以

鍾水湖特鍾水之大者耳職方氏曰揚州其澤藪
曰具區其浸五湖上下文諸浸皆據職方爲言此
總釋浸字以補漢篆下所未備鄭曰浸可以爲陂
灌漑者按職方其澤藪其川其浸三者析言之川
流或竭澤水本希藉浸水亭蓄者多可以灌注之
故必兼言浸也

水都也从水支聲

章移切

注曰水都者水所聚也民所聚曰都汶之證未詳
十里爲成成間廣八尺深八尺調之洫从水血聲

論語曰盡力于溝洫

況通切

注曰此考工記匠人文也洫亦作減韓詩築城伊

洫毛詩作減傳曰減成溝也按溝洫對文則異
文則通故曰成溝古音在眞部入聲今入職韵者
以毛詩作減之故論語泰伯篇○箋曰溝洫之制
詳見通介堂經說周禮遂人

溝水瀆廣四尺濇四尺从水葦聲古侯切

注曰匠人職曰九夫爲井井閒廣四尺濇四尺謂
之溝

澮溝也从水賣聲一曰邑中溝徒谷切

注曰謂井閒廣四尺濇四尺者也一曰邑中曰溝
不必井閒也按瀆之言寶也凡水所行之孔曰瀆
小大皆得僂瀆釋水曰注澮曰瀆又曰江河淮濟

為四瀆水經注謂古時水所行今久移者曰故瀆

漚水所居从水桀省聲繫傳本作某聲彊魚切

注曰渠居疊韵小徐云桀即柜字見木部又秦廟

碑以柜為桀

澗谷也从水臨聲讀若林一曰寒也力尋切

注曰泉出通川為谷谷亦偁澗也一曰寒也與瀼

音義略同

澗水艸交為澗从水睂聲武悲切

注曰小雅居河之澗釋水毛傳皆曰水艸交為澗

○箋曰近岸故曰水艸交澗與澗皆假人體為偁

澗溝水行也从水从行戶庚切

注曰此以會意包形聲

澗山夾水也从水閒聲一曰澗水出宏農新安東南

入洛

古莧切

注曰釋水毛傳皆曰山夾水澗地理志曰宏農郡新安禹貢澗水在東南入雒按志雒職方豫州川曰滎雒雍州浸曰渭洛二字分別畫然漢新安縣故城在今澠池縣東澗水在東合於穀水互受通雒至洛陽縣西南入洛水○箋曰段云豫州雒水與雍州洛水異字灝謂作雒者乃假借字耳說見前洛下

澗隈厓也其內曰澳其外曰隈从水奧聲

於六切

注曰隈當作鞠今正爾雅說厓岸曰隈隈厓內爲
澳外爲鞠郭以隈字上屬厓字下屬以許訂之郭
非是自部隈下曰水曲隈也隈下曰水隈厓也亦
隈厓連文澳與隈字異而音義同大雅蒹鞠之卽
鄭云水之內曰澳水之外曰鞠鞠謂水曲之表圖
穹然也俗本爾雅改鞠爲隈因或取以改說文耳
○箋曰此隈字不誤段氏改之非也大雅公劉之
蒹鞠與爾雅釋水之隈隈各自爲義本不相蒙李
巡注爾雅作外爲鞠乃傳本之異或後人因鄭箋
以改李本亦未可知然說文所載足與郭注本互
證段氏反以說文爲非而改之且謂爾雅當讀隈

隈厓爲句其慎甚矣夫隈之與隈同爲一厓一水
其曰內者指厓之曲中而言所謂外者卽曲之兩
畔也曲厓之兩畔謂之隈故弓之左右亦謂之隈
矣大射儀曰以袂順左右隈鄭注隈弓淵也考工
記弓人曰夫角之內恆當弓之畏畏與隈同杜子
春謂角之中央與淵相當是也若徒以其圓穹而
名之曰鞠此正蒯鞠之義而非隈隈之謂也

黑

夏有水冬無水曰樂从水學省聲讀若學

胡角切

樂或不省

注曰釋山曰山上有水埒夏有水冬無水樂謂山
上夏有停潦冬則乾也○箋曰埒當自爲一字而

學與衆磬等皆用爲聲說詳敎部澤字乃後增不
得以衆从澤省而疑之也

灇

水濡而乾也从水鷦聲詩曰鷦其乾矣

呼肝切又他干切

灇俗鷦从佳

注曰鷦字古義如此後人用爲沙灘沙灘字亦或
作渾詩王風文今毛詩作嘆蓋非也一章曰鷦其
乾矣二章曰鷦其脩矣脩且乾也三章曰鷦其溼
矣知鷦兼濡與乾言之

汕

魚游水兒从水山聲詩曰蒸然汕汕

所晏切

注曰小雅南有嘉魚烝然汕汕傳曰汕櫟也許不
從毛蓋三家之說

行流也从水夬聲

原本作从夬

應江有決水

應原本作

盧今依

出於大別山

古穴切

注曰行流眾經音義三引皆作下流下讀自上下

下之下決水之義引申為決斷地理志廬江郡雩

婁決水北至蓼入淮又有灌水亦北至蓼入決水

經注決水自安豐縣故城西北逕蓼縣故城東又

西北灌水注之又北入於淮決水即今史河詳灌

字下漢志六安國安豐縣禹貢大別在西南許云

決水出大別山即安豐之大別山也漢安豐今為

固始及霍丘○箋曰此作行流不誤廣韵同

繚漏流也从水繚聲

洛官切

注曰宋姚宏曰戰國策王季歷葬於楚山之尾樂水齧其墓謂墓爲山尾漏流所沮敗也孔衍春秋後語改爲蠻水注云空都縣有蠻水誤甚王季葬鄂南

澗水注也从水啗聲

都歷切

注曰埤倉有滌字讀去聲卽滴字也○箋曰廣韵引埤倉云滌滌瀉也說見前瀨下後瀧下滌下

淫灌也从水主聲

之戊切

注曰大雅曰挹彼注茲引申爲傳注爲六書轉注注者引之有所適也故釋經以明其義曰注漢唐宋人經注之字無有作註者明人始改注爲註大

非古義也古惟註記字从言如左傳敘諸所記註
韓愈文市井貨錢註記之類通俗文云記物曰註
廣雅註識也古起居註用此字與註釋字別古音
如書在侯部○箋曰注作註者乃後人增加俗字
然其義則同不必強爲分別之

灑

灑灌也从水芙蓉聲

烏鵠切
隸作沃

注曰自上澆下曰沃故下文云澆沃也水沃則土
肥故云沃土水沃則有光澤故毛傳云沃沃壯佼
也又云沃柔也古音在蕭部

潑

所以攤水也从水管聲漢律曰及其門首洒潑

切

注曰攤當作攤塞也廣雅曰潏隈也古音在魚部
曹憲倉故反漢律益謂壅水於人家門前有妨害
也○箋曰洒潏未詳

潏增水邊土人所止者从水𣶒聲夏書曰過三潏

時制切

注曰土部埤增也增益也酈善長曰左傳文十六
年楚軍次於句潏定四年左司馬戌敗吳師於壅
潏昭二十三年司馬蕩越縕於蕩潏服虔或謂之
邑又謂之地京相璠杜預亦云水際及邊地名也
今南陽潏陽二縣之閒潏水之濱有南潏北潏矣
夏書禹貢文水經曰三潏地在南郡郢縣北沱酈

云地說曰河水東行過三澌合流觸大別山阪故
馬融鄭元王肅孔安國等咸以爲三澌水名也惟
許慎說異按筮小篆作𣶒○箋曰水邊增築土以
爲防故或謂之水或以爲地耳

津 水渡也从水𣶒聲

將鄰切
隸作津

𣶒 古文津从舟从淮

注曰商書微子曰若涉大水其無津俗本妄增涯
字經傳多假津爲盡潤字周禮其民黑而津是也

古文是从舟从水進省聲

𣶒 無舟渡河也从水朋聲

成冰切

注曰小雅傳曰徒涉曰馮河爾雅釋訓論語孔注
同翔正字馮假借字○箋曰韓策公仲朋史記甘

茂傳集解引徐廣一作馮朋卽溯之省也

橫小津也从水橫聲一曰以船渡也

戶孟切

注曰謂渡之小者也方言曰方舟謂之橫郭云揚州人呼渡津舫爲杭荊州人呼橫音橫廣雅橫筏也按玉篇戶耽切爲長

況編木以渡也从水付聲

芳無切

注曰周南江之永矣不可方思傳曰方況也卽釋言之舫況也釋水曰大夫方舟士特舟庶人乘況方言曰況謂之棹棹謂之筏筏秦晉之通語也廣韵曰大曰簰曰筏小曰況按論語乘桴假桴爲況

濟也从水度聲

徒故切

注曰邶風傳曰濟渡也方言曰過度謂之涉濟

沿緣水而下也从水台聲春秋傳曰王沿夏

與專切

注曰禹貢沿于江海達于淮泗台古文沈春秋傳

左氏昭十三年文

漚逆流而上曰漚洄漚向也水欲下達之而上也从

水廣聲

桑故切

漚

漚或从疋朔

洄漚也从水从回

戶灰切

注曰秦風傳曰逆流而上曰遡洄順流而涉曰遡

游釋水同涉作下向當作鄉漢人書向背字皆作

鄉

潛行水中也从水永聲

為命切

注曰周南不可泳思釋水毛傳皆曰潛行爲泳下文云潛涉水也涉徒行屬水也

潛涉水也一曰藏也一曰漢水爲潛从水替聲昨鹽切

注曰邶風傳曰由邾以上爲涉然則言潛者自其邾以下沒於水言之所謂泳也左傳哀十七年越子以三軍潛涉一曰藏也者今通行義也釋言曰潛濇也方言曰潛涵沈也一曰漢爲潛釋水文劉逵注蜀都賦云禹貢梁州沱潛旣道有水從漢中沔陽縣南流至梓潼漢壽縣入大穴中通岡山下西南潛出今名伏水舊說云禹貢潛水也郭璞爾雅音義同此說

淦水入船中也一曰泥也从水金聲古暗切淦淦淦或

从今

注曰水入船中必由縫而入淦者浸淫隨理之意

○箋曰玉篇引說文水入船中又泥也淺也

汎浮也从水乏聲孚梵切

注曰邶風汎彼柏舟亦汎其流上汎謂汎汎浮兒也下汎當作泛浮也汎泛古同音而字有區別如

此○箋曰此亦強爲分別廣韵汎泛同

汙浮行水上也从水从子古或以汙爲浸似由切汙

汙或从囚聲

注曰若今人能划水者也列子曰習於水勇於泗

古文以汙爲沒者善水者或沒或浮皆無不可則不妨同字同音也

𣶒履石渡水也从水从石詩曰𣶒則𣶒力制𣶒

或从厲

注曰謂若今有水汪張輒石而過水之至小至淺者也卽風𣶒則厲傳曰以衣涉水爲厲又曰由帶以上爲厲此並存二說也定本改云以衣涉水爲厲謂由帶以上也合爲一說繆矣履石渡水乃水之至淺尙無待於揭衣者其與𣶒則厲絕然二事明矣厲𣶒二字同音故詩容有作𣶒者許偁以明假借耳○箋曰詩言𣶒則厲淺則揭而段以厲爲

至淺則非其情矣詩意蓋謂水淺可揭衣而過澹
則厲水而行此澹字但對淺言爲稍淡非謂其淡
至數尺也水稍淡則必履石乃可過故謂之冰古
通作厲通則音義同矣毛云以衣涉水爲厲者蓋
履石渡水容或溼其衣也謂由帶以上也六字蓋
淺人增竄段謂毛竝有二義定本合爲一說非是
餘詳通介堂經說

潈水人所會也从水奏聲

倉奏切

注曰引申爲凡聚集之偶

澹浸也从水甚聲一曰湛水豫州浸

州原本作章今正宅減切

澹古文

注曰古書浮沈字多作湛直林切大徐宅減切未知古義古音也職方氏荊州其浸潁湛豫州其浸波潞許系湛於荊系湛於豫蓋以正經文之互譌也水經汝水篇注曰湛水出鰲縣北魚齒山西北東南流歷魚齒山爲湛浦春秋傳襄十六年晉楚戰於湛阪蓋卽湛水以名阪也又東南逕蒲城北又東入汝杜元凱云昆陽縣北有湛水東入汝今南陽府葉縣北二十里有昆陽城○箋曰湛之引申爲潏文選高唐賦蒼湛湛而弗止李注湛潏潏貌又爲厚楚辭悲回風吸湛露之淅涼王注湛厚也小雅湛湛露斯毛傳露茂盛貌茂盛卽厚義又

爲清上文云淑清湛也淮南覽冥訓注湛酒清酒也米物下湛故曰湛是也

𣶒

浸也从水覃聲

於真切

注曰釋詁湮落也落與浸義相近○箋曰郭璞云湮沈落也左氏昭二十九年傳鬱湮不育杜注湮塞也浸與塞義相因

𣶒

浸也从水从人

奴歷切

注曰此沈溺本字今人多用溺玉篇引孔子曰君子休於口小人休於水顧希馮所見禮記尙作休古音在蕭部

𣶒

沈也从水从叟

黃勃切

注曰沒者全入於水故引申之訓盡小雅曷其沒矣毛傳沒盡也論語沒階孔安國曰沒盡也凡貪沒乾沒皆沈溺之引申

漚

沒也从水畏聲

烏恢切

注曰此字疑後人所增○箋曰玉篇廣韻皆有此字無以見其爲後人所增段注上文澳訓隈厓謂隈當作鞠而竝疑及此斯固蔽矣

漚

雲氣起也从水翁聲

烏孔切

注曰易林漚漚蔚蒼扶首來會謂雲起也江賦氣滃渤以霧杳有假翁爲滃者則禮醴齊注盎猶翁也成而翁翁然蔥白色

淅淅也从水央聲

於良切

注曰射雉賦天泱泱以垂雲善曰毛詩其其白雲

毛萇曰其其白雲貌泱與英古字通按泱淅雙聲

淅淅雨雲起也

原本作雲雨今從段正

从水妻聲詩曰有淅淅淅

七稽切

注曰雨雲各本作雲雨誤今依初學記太平御覽

正雨雲謂欲雨之雲唐人詩晴雲雨雲是也按詩

曰淅其以風毛傳淅寒風兒又曰風雨淅淅蓋淅

有陰寒之意小雅有淅淅淅兒急雨欲來之狀未

嘗不兼風言之許以字从水但謂之雨雲耳又按

今詩作淅淅非也呂覽漢書玉篇廣韻皆作淅淅

淪雨雲兒

原本作雲雨今從段正

从水奔聲

衣檢切

注曰各本作雲雨兒今依初學記太平御覽正毛傳曰淪雲興兒顏氏家訓定本集注作陰雲恐許所據徑作雨雲淪漢書作黓按有淪淒淒謂黑雲如髯淒風怒生此山雨欲來風滿樓之象也既雨白雲瀰漫風定雨甚則興雲祁祁雨我公田矣詩之體物瀏亮如是

淪小雨冥冥也从水冥聲

莫經切

注曰太元經密雨冥沐玉篇曰冥濛小雨

淪小雨零兒从水束聲

所責切

注曰淅淅亦雨聲俗作淅

瀑疾雨也一曰沫也一曰瀑實也實原本誤作从水資今依繫傳

瀑聲詩曰終風且瀑平到切

注曰邶風終風且暴傳曰暴疾也即指風言許所

據蓋三家詩沫一作沫誤馬融長笛賦曰山水猥

至濤瀑噴沫噴沫水跳沫也濤瀑噴沫兒雨部曰

實雨也齊人謂露為實

澍時雨澍生萬物从水對聲常句切

注曰難蜀父老曰羣生澍濡古音在侯部

澍雨下也从水甘聲一曰澍涌兒澍原本作沸今從繫傳姊入切

注曰廣雅云澍澍雨也上文澍澍澍也

澍久雨澍澍也一曰水名从水資聲才私切又即夷切

注曰亦作潒潒一曰水名廣韵云在常山郡

潒雨水大兒从水潒聲盧結切

注曰左傳曰水潒將降召南于彼行潒毛云行潒流潒也按傳以流釋行服注左傳乃云道路之水趙注孟子乃云道旁流潒以道釋行似非潒水流而聚焉故曰行潒不必在道旁也

潒雨流雷下兒原本奪兒字从水雙聲胡郭切

注曰宋本無兒非雷屋水流下也今俗語呼簷水瀉下曰滴瀉乃古語也或假瀉為鑊如詩是刈是鑊是也或假為護如湯藥名大瀉是也

潒流下滴也从水豕聲上谷有涿鹿縣鹿字依段補竹角切

𣶒 奇字涿从日乙

注曰周禮壺涿氏注壺瓦鼓也涿擊之也按擊瓦鼓之聲如滴然故曰壺涿今俗謂一滴曰一涿音如鴛卽此字也又作𣶒音當洛反廣雅𣶒𣶒也崔寔書上火不落下火滴𣶒是也涿鹿縣各本奪鹿字今補地理志上谷郡涿鹿今涿鹿故城在宣化府保安州南

灑

雨龍龍兒

繁傳作也

从水龍聲

力公切

注曰灑灑音轉爲浪浪平聲方言灑涿謂之霑漬郭云灑涿猶灑滯也灑滯當作灑滯埤倉云滯灑灑也通俗文霑滴謂之灑滯廣韵集韵皆云灑灑

沾漬也瀧凍卽瀧涿荀卿書東龍而退楊倞云東

瀧卽瀧凍

漆沛之也

沛之毛本作漆沛繫傳同从水漆聲奴帶切

注曰漆沛玉篇同未聞一本作沛之廣韵集韵類

篇同亦未聞按漆沛當是隸沛之字誤又佚沛篆

耳隸郎計切沛都計切今俗語多如此

淪

久雨也从水高聲

平老切

注曰上林賦霑平瀉瀉吳都賦瀉汗六州之域借

爲京兆鎬水字

漉

雨漉漉也从水婁聲一曰汝南謂飲酒習之不醉

爲漉

力主切

注曰淩淩猶縷縷不絕之兒一曰飲酒不醉者謂不善飲者每日飲少許久久習之漸能不醉其方言曰淩

淩

小雨也从水攷聲

原本作微省聲今從攷正無非切

注曰今人槩作微廣韵集韵皆曰淩微小雨按爾雅谷者微假借字也

濛

微雨也从水蒙聲

莫紅切

注曰濛濛濛三字一聲之轉幽風曰零雨其濛傳

云濛雨兒廣韵空濛小雨廣雅作蒙蒙俗字也

淩

陵上瀉水也从水亢聲一曰濁黠也

直淡切又尺甚切

注曰謂陵上雨積停滌也古多假爲湛沒之湛如

小雅載沈載浮是又或借爲潘字檀弓爲榆沈是也一曰濁黠也者黑部黠滓垢也○箋曰經子沈沒字多作沈史書九夥沈从尤聲因聲載義似作沈爲長

漚雷震漚漚也从水再聲

作代切

注曰雷震雨中故从水

漚泥水泊泊也一曰縹絲湯也从水白聲

胡感切

注曰縹絲必用沸湯名曰泊

涵水澤多也从水函聲詩曰偕始既涵

胡男切

注曰詩小雅巧言文毛傳偕數涵容也按涵訓容者就受澤多之義而引申之○箋曰方言曰潛涵

沈也楚郢以南曰涵或曰潛潛又游也文選吳都賦涵泳平其中劉逵注涵沈也按許言水澤多則爲涵濡潤澤之義

淠

漸溼也从水犁聲

人庶切

注曰魏風彼汾沮洳傳曰汾汾水也沮洳其漸洳者洳澤同字沮子預反猶溼也

漫

澤多也从水曼聲詩曰既漫既渥

於求切

注曰詩小雅信南山文今詩作優卽漫之假借

涔

漬也一曰涔陽渚在郢中从水岑聲

鉏簾切

注曰淮南書牛蹄之涔謂水之漬於牛跡中者也毛詩潛有多魚韓詩作涔爾雅曰穆謂之涔毛傳

落糝也說者云糝卽𦉳字韓詩曰𦉳魚池也此皆
𦉳之別義一曰𦉳陽渚者屈原九歌望𦉳陽兮極
浦王逸曰𦉳陽江碕名附近郢按許云渚名王云
江碕名皆不云有𦉳水謂近郢濱大江之洲渚耳
近儒說未可信

𦉳也从水責聲

前智切

注曰謂浸漬也古多假爲𦉳字

𦉳久漬也从水區聲

烏侯切

注曰陳風可以區麻毛傳區柔也考工記區其絲

鄭注楚人曰區齊人曰淩

淩小濡兒也

原本作濡也今從繫傳

从水𦉳聲

土角切

注曰濡者霑也上文濡篆下未舉此義故此及雨部補見小雅曰既霑既足蓋足卽浞之假借也

渥

霑也从水屋聲

於角切

注曰小雅既優既渥考工記欲其柔滑而渥脂之注渥讀如沾渥之渥按渥之言厚也濡之渥厚也

邶風傳曰渥厚漬也

濯

濯也从水隹聲

口角切又公沃切

注曰與沃義同

洽

霑也从水合聲

侯夾切

注曰大雅民之洽矣毛傳洽合也此假洽爲合也釋詁曰郃合也郃卽洽毛詩在洽之陽僻引者多

作在郤之陽是也

漚露多也从水農聲詩曰零露漙漙女容切

注曰小雅蓼蕭傳曰漙漙厚兒按西部釀厚酒也

衣部襪衣厚兒凡農聲字皆訓厚

漚雨雪漙漙从水農聲甫嬌切

注曰小雅角弓曰雨雪漙漙見說曰消廣雅漙漙

雪也劉向傳作庶

漚薄水也一曰中絕小水从水兼聲力鹽切

注曰潘岳算婦賦曰水漙漙以微凝按食部錄下

云讀若風漙漙蓋當云讀若風漙之漙風漙謂風

之颭凌也中絕小水玉篇廣韵作大水中絕小水

出也當是完本後奪誤爲四字耳晁以道云唐本有又曰掩也四字又有或體濂篆見樓攻媿集今補○箋曰考工記曰雖有淡泥弗之濂也乃黏著之義鈕云玉篇濂下重文濂不引說文廣韵濂字不作重文則唐本未可信

漸

水石之理也从水防聲

原本作从防今依繫傳

周禮曰石有

時而泐

虛則切

注曰各本水下有石字今刪防地理也从昌初木之理也从木然則泐訓水之理从水無疑矣淡人不知水有理又見下文引周禮說石乃妄增一字水利如地理木理可尋其字皆从力力者人身之

理也周禮考工記文○箋曰段刪石字非是水未
聞有理可尋此雖从水而實爲石泐本字繁傳云
言石因其脈理而解裂是也石有脈理故曰水石
之理矣

滯

凝也从水帶聲

直例切

注曰周禮塵人凡珍異之有滯者鄭司農云貨物
沈滯於塵中不決泉府貨之滯於民用者故書滯
爲瘴杜子春云瘴當爲滯

𦨇

著止也从水氏聲

直尼切

注曰著止有所著而止也土部抵著也與此字皆
从氏徐楚金引左傳物乃𦨇伏按左傳自作抵伏

杜曰坻止也尋其義當作坻與沚義略同蓋唐宋以來氏氏混淆多矣玉篇之是切廣韵諸氏切大徐直尼切誤認為坻字耳



水裂去也从水號聲

古伯切

注曰謂水分裂而去也韓愈文用漈漈字



水索也从水斯聲

息移切

注曰方言曰斷索也郭注盡也許說其本義楊說其引申之義索訓盡者乃索之假借字入室按索有盡意也



水涸也或曰泣下从水气聲詩曰汽可小康

許訖切

沚作

注曰大雅民勞傳曰汔危也周易汔至亦未繙井
小狐汔濟虞翻曰汔幾也皆引申之義水涸爲將
盡之時故引申之義曰危曰幾也○箋曰段說引
申之義是也然虞翻以引申說易則誤汔至亦未
繙井正謂水將涸而猶未汲小狐汔濟亦謂因涸
而濟耳

涸 渴也从水固聲謂若狐獬之獬下各切 涸亦从

水鹵聲

注曰渴盡也渠列切釋詁曰涸渴也俗本作竭月
令仲秋之月水始涸

涸 盡也从水尙聲相幺切

注曰未盡而將盡也

𤇗 盡也从水焦聲

子肖切

注曰荀卿書其誰能以己之焦焦受人之域域者
哉楊倞曰焦盡也焦焦謂窮盡明於事猶楚辭之
察察

𤇘 盡也从水曷聲

苦葛切

注曰渴竭古今字古水竭字多用渴今則用渴爲
歠字矣佩觿曰說文字林渴音其列翻按大徐苦
葛切非也

𤇙 水虛也从水康聲

苦岡切

注曰釋詁曰康虛也按康者穀皮中空之謂故从

康之字皆訓爲虛。歛下曰饑虛也。康下曰屋康。寔也。詩酌彼康爵。鄭箋康虛也。方言曰康空也。急就篇顏注曰。轉謂與中空處所用載物也。

溼 幽溼也从水一所以覆也覆而有土故溼也。𣶒省

𣶒

失人聲切

注曰凡溼之所從生多生於上有覆而氣不洩故从土水會意。今字作濕。○箋曰土得水而氣上行覆之則愈蒸溼也。𣶒省聲說見日部。

溼

幽溼也从水音聲

去急切

注曰五經文字云。滴从泣下月大。𣶒也。消从泣下日幽。淡也。今禮經大𣶒相承多作下字或傳寫久

譌不收改正按清字不見於說文未知張說何本
儀禮音義引字林云湑藥汁也玉篇廣韻同然則
本無異字肉之精液如幽溼生水也廣雅藥謂之
肱皆字之或體耳○箋曰清之本義訓幽溼假借
爲肉汁字張參強生分別而毛居正爲所誤不可
不亟正也

湑濁水不流也一曰窆下也

窆原本作窆今從段正

从水夸聲

哀都切

注曰服虔注左傳云水不流謂之汙按汙卽湑之
假借字孟子梁惠王作湑滕文公作汙元應引說
文濁水不流池也宜有池爲長

汙汗也从水免聲詩曰河水浼浼孟子曰汝安能浼

我

武舉切繫傳本此篆在濁下

注曰孟子公孫丹篇曰爾焉能浼我哉趙注惡人何能汚我也詩邶風新臺文毛傳曰浼浼平地也按浼浼與亶亶同文選吳都賦清流亶亶李注引韓詩亶亶水流進兒此必毛詩浼浼之異文今李注奪一亶字許引此詩者言假借之義也

汙歲也一曰小池爲汙一曰涂也从水于聲

鳥故切

注曰此蒙上濁水不流池類言之池之小者汙池見孟子一曰涂者與杆義略同木部杆所以涂也○箋曰汙謂濁水池汙則爲凡汙歲之倂段謂元

應引滂下有池字是也謂汙蒙上而言則非也一

曰小池爲汙者古通作滂耳

湫隘下也一曰有湫水在周地春秋傳曰晏子之宅

湫隘安定朝那有湫淵

原本作泉今從段正

从水秋聲切又

卽由切

注曰晏子之宅湫隘見左傳昭三年杜云湫下隘

小也湫水未聞安定郡朝那二志同朝那故城在

今甘肅平涼府附郭平涼縣西北前志云有湫淵

祠蘇林云淵方四十里停不流冬夏不增減不生

艸木一統志曰朝那湫今在平涼府固原州西南

按淵各本作泉唐人避諱改也今正

潤

水曰潤下从水閏聲

如順切

注曰水曰潤下見洪範

準

平也从水隼聲

之允切

注曰天下莫平於水水平謂之準因之製平物之器亦謂之準漢志繩直生準準者所以揆平取正也因之凡平均皆謂之準考工記準之然後量之是也古音讀之壘切考工記故書準作水五經文字云字林作准按古書多用淮蓋魏晉時恐與淮字亂而別之耳

汴

平也从水丁聲

他丁切

汴或从平

注曰平謂水之平也水平謂之汴因之州渚之平

亦謂之汀李引文字集略云水際平沙也

泚

水吏也又溫也从水丑聲

人九切

注曰謂水駛也駛疾也其字在說文作𣶒不解者
譌爲吏耳一本作利義同錢氏大昕云吏當作文
海賦踈泚注云蹙聚也廣韵云蹙泚水文聚踈蹙
同按廣韵上聲人九切引說文同入聲女六切云
水文聚

漫

水浸也

浸段訂作漫

从水糞聲爾雅曰漢大出尾下

方問

切

注曰漫各本作浸今依集韵訂說文無漫漫當作
曼曼者引也漢者水之引而愈出者也漫漢聲類

言部二
相近爾雅釋水文郭云今河東汾陰縣有水口如
車輪潰沸涌出其渌無限名之曰漢邠陽縣復有
漢亦如之相去數里而夾河河中階上又有一漢
漢源皆潛相通按地理志上谷郡潛縣師古晉半
反全氏祖望據水經注河水過蒲阪下引帝王世
紀證潛當作漢

澤

新也从水皐聲

七皐切

注曰謂水色新也如玉色鮮曰玼廣韵曰新水狀

也

靜

無垢歲也从水靜聲

疾正切

注曰此今之淨字也韵會云楚辭收潦而水清注

作澇今文選本作百川靜洪興祖本作百川清

與黃氏所見異古書多假清爲澇

澇

澇

二字依

拭滅兒从水蔑聲

莫達切

澇

澇

也从水戔聲讀若椒檟之檟

火活切

注曰拭滅者拂拭滅去其痕也澇滅今京師人語

如此音如麻沙釋名曰摩娑猶末殺也手上下之

言也巾部幘讀如末殺之殺末殺字林作抹撥卽

澇滅也滅音所八切大徐火活切非也

澇

澇釜也从水自聲

其冀切

注曰澇者沃也沃今江蘇俗云煨烏到切廣韻三

十七號云煨釜以水添釜也周禮士師洎鑊水注

云泊謂增其沃汁呂覽多泊之少泊之左傳去其肉而以其泊饋正義云泊者添釜之名添釜以爲肉汁遂名肉汁爲泊

湯熱水也从水易聲

土郎切

注曰湯又始陽切湯湯水盛○箋曰廣韻湯又他浪切按今俗以湯沃物讀去聲

湔湯也从水奐聲

乃管切

注曰士喪禮湔濯棄于坎鄭注沐浴餘潘水疏曰潘水既經溫煮謂之湔已將沐浴謂之濯按今北方灤河漢志水經作濡水乃官切正湔之誤耳奐多譌需詳手部

湫水也从水安聲

烏肝切

注曰日部安羅溫也然則湫猶安羅皆疊韵字

湫浹也一曰澆孰也从水而聲

如之切

注曰湫與湫音近栗從而聲也肉部膈爛也然則

湫與膈同內則作濡蓋字之誤鄭注凡濡謂烹之

以汁和也

澆財溫水也从水兌聲周禮曰以澆漚其絲

輪苒切

注曰考工記曰以澆水漚其絲鄭注故書澆作漚

鄭司農云漚小溫水也元謂澆水以灰所沛水也

玉裁按漚當作湫集韵云湫或作漚是也大鄭從

湫故釋之曰溫水鄭從澆故依禮記澆齊費新之

況釋爲以灰所沛水其說殊矣許則字從況而釋
從大鄭依許說則內則祭統況字不可解○箋曰
內則無況字郊特牲祭統有之郊特牲云明水況
齊又云醴酒況于清汁獻況于醴酒祭統夫人薦
況水亦未嘗不可解

涇

渭也从水官聲酒泉有樂涇縣

古丸切

注曰春秋繁露燔以涇湯韓詩外傳作沸湯然則
涇渭一也周禮注云今燕俗名湯熱爲觀觀卽涇
今江蘇俗語謂水曰滾水卽涇水之轉也酒泉郡
樂涇縣二志同今甘肅肅州高臺縣西北鎮夷城

西南

澇 澇溢也今河朔方言謂沸溢爲澇从水沓聲徒合切

注曰河朔河北也

汰 漸瀾也从水大聲代何切又徒蓋切

注曰漸字賸文選王元長舉秀才文引無漸字可證士喪禮祝漸米于堂注漸汰也釋詁曰汰墜也汰之則沙礫去矣故曰墜也九章齊吳榜以擊汰凡舟子之用櫓振力擊之乃徐托之如汰然今蘇州人謂搖巾洒之曰汰凡沙汰淘汰用漸米之引申或寫作汰多點者誤也若左傳汰侈汰輶字皆泰之假借寫作汰者亦誤○箋曰漸汰同義漸者析也舟人擊汰實分水之義耳

澼 澼也从水簡聲

古限切

注曰從簡者束擇之意從析者分別之意

澼 澼米也从水澼聲

先擊切

注曰毛詩傳曰釋澼米也爾雅澼澼澼也孟子注澼澼米也凡釋米澼米澼米汰米澼米淘米洮米澼米異稱而同事澼箕謂之箕

澼 澼乾澼米也从水竟聲孟子曰夫子去齊澼澼而

行

其兩切

注曰孟子萬章篇文今澼作接當是字之誤

澼 澼浸澼也从水安聲

疏有切

注曰澼汰各本作浸沃今依國語補音宋刊本訂

沃沃者澆沃而沃酒之若今人言浚麴是也士虞
禮明齊浚酒注明齊新水也言以新水浚釀此酒
也此浚卽沃沃之義○箋曰浚與沃異事浸沃者
既浸抒而出之乃復沃之段說非也此宋庠誤耳

浚 抒也从水交聲

私開切

注曰抒者挹也取諸水中也春秋經浚洙孟子浚
井左傳浚我以生義皆同浚之則浚故小弁傳曰
浚浚也

瀝 漉也

漉原本作浚今從段正

从水厯聲一曰水下滴瀝

郎擊切

注曰一曰水下滴瀝六字錯本無今從文選魯靈
光殿賦李注引水下滴瀝之也則鉉本是許意瀝

漉皆訓自下而上之滴漉則爲自上而下之故殊其義○箋曰鉗云各本竝作浚也今改爲漉蓋本玉篇然玉篇不引說文漉按段從玉篇改浚爲漉其義似優惟分別上下爲繆耳玉篇云漉力的切漉也滴漉水下又作漉此言漉之而水下滴漉也鼎臣別爲一義非是繫傳本則漉下有一曰水下兒也六字蓋後人亂之

漉浚也从水鹿聲

盧谷切

漉漉或从录

注曰月令仲春毋竭川澤毋漉陂池注順陽養物也

漉淅米汁也一曰水名在河南滎陽从水番聲

音官切

注曰內則曰其間面垢燂潘請醕鄭云潘米瀾也
按瀾者瀾之省力旦反滎陽故城在今開封府滎
澤縣西南潘水未聞

潘也从水蘭聲

洛干切

注曰古通用瀾周禮彙人注雖其潘瀾多餘不可
褻內則注潘米瀾也按周禮禮記音義皆云去聲
周謂潘曰泔从水甘聲

泔

古三切

注曰今各處語言同此荀卿子曰曾子食魚有餘
曰泔之

泔也从水脩聲

息流切又思酒切

注曰荀卿子曰蘭槐之根是爲芷其漸之滫君子

不近庶人不服其質非不美也所漸者然也大戴禮同謂久泔泉蕨也內則澹澹注秦人浚曰澹此則別是湯液之類與久泔異實同名秦人方言也

○箋曰浚澹古字通秦語斂侈之別耳

澹

滓也

重原本作滋今從毛本

从水殿聲

堂練切

注曰釋器曰澹謂之重土部重澹也黑部黶謂之重按黶與澹異字而音義同實則一字也

澹

澹滓濁泥从水於聲

依據切

注曰方言水中可居爲洲三輔謂之淤其引申之義也○箋曰上林賦行乎洲淤之浦蓋洲上有爽塏亦有淤泥故兼言之耳非引申也

滓 澱也从水宰聲阻史切

注曰滓名曰緇滓也泥之黑者曰滓此色然也廣雅曰澱謂之滓按古亦假滓爲淄

淦 濁也从水念聲乃忝切

注曰義與澱淤滓相類禮運曰龍以爲畜故魚鮪不淦注淦之言閃也蓋濁其本義閃其引申假借義眾經音義引埤倉淦水無波也杜詩山霧戎戎淦溪雲淦淦寒戎戎言其流動淦淦言其凝滯水無波之引申也禮記音義審閃二音

淪 漬也从水侖聲以灼切

注曰此蓋謂納於汚濁也故廁於此孟子淪濟淪

言浚治其污濁也淪與鬻同音而義近故皆假淪
爲鬻今人曰煤助甲切古人曰淪亦作汙詳彌部

灑

灑酒也一曰浚也从网从水焦聲讀若夏書天用

勦絕

子小切

注曰灑下酒也卽今之灑酒也以筐曰灑勦當依

刀部作剝今本从力尤誤○箋曰臣鉉等曰以縑

帛灑酒故从网

灑側出泉也从水𣪠聲𣪠籀文𣪠字

去挺切

注曰側出者旁出如醅出然故其字與灑淅爲類

爾雅釋水曰洑泉穴出穴出仄出也厂部曰厝仄

出泉也厝與洑音同字異厝者厝之一名也

𩚑 𩚑酒也一曰浚也一曰露兒从水𩚑聲詩曰有酒

𩚑我又曰零露𩚑兮私呂切

注曰小雅伐木云醕酒有蕝毛傳以筐曰醕以藪
曰𩚑又云有酒𩚑我傳𩚑𩚑之也按毛許醕𩚑皆
有別酉部𩚑者禮祭束茅加於裸圭而灌鬯酒毛
傳𩚑訓以藪𩚑之藪謂艸如祭之用茅也故亦曰
𩚑一曰露兒者小雅蓼蕭云零露𩚑兮傳曰𩚑𩚑
然蕭上露兒

𩚑 沈於酒也从水面聲周書曰罔敢湏于酒彌袞切

注曰沈湏於酒周易所謂飲酒濡首亦不知節也
韓詩云飲酒閉門不出客曰湏樂記流湏以忘本

其引申之義也按鄭注酒誥云飲酒齊色曰酒鄭意此字从面會意故釋云齊色謂同飲者至於同色也許則謂形聲

漿酢漿也从水將省聲

即良切

觶古文漿省

注曰周禮酒正四飲漿人掌共王之六飲皆有漿鄭注漿今之馥漿也內則注漿酢馥也按酉部馥酢漿也則漿馥二字互訓

涼薄也从水京聲

呂張切

注曰涼廟於此者謂六飲之涼與漿爲類也鄭司農云涼以水和酒也元謂涼今寒粥若糗飯雜水也許云薄也蓋薄下奪一酒字以水和酒故爲薄

酒此用大鄭說也引申爲凡薄之稱如職涼善背
號多涼德毛杜皆云涼薄是也薄則生寒又引申
爲寒如北風其涼是也至字林乃云涼微寒也唐
殷敬順引之廣韻玉篇皆云涼俗涼字至集韻乃
特出涼字注云薄寒曰涼

澹薄味也从水炎聲

徒敢切

注曰淡者醲之反也又澹淡亦作泊淡水滿兒○
箋曰古澹淡連文音義皆別文選西都賦澹淡浮
李注澹淡蓋隨風之貌也又七發湍流遡波又澹
淡之注澹淡搖蕩之貌廣韻四十九敢云澹徒敢
切澹淡水兒淡音剡又五十四闕云淡徒濫切水

味今多通用

澇食已而復吐之从水君聲爾雅曰太歲在申曰澇

澇他昆切

注曰未聞江賦澇澇謂水兒爾雅釋天文高誘曰澇大也澇循也萬物皆大循其情性也

澆沃也从水堯聲古堯切

注曰沃爲澆之大澆爲沃之細故不類廁凡醲者澆之則薄故其引申之義爲薄

澆盡也从水夜聲羊益切

注曰血部盡氣液也按樂記注永歎淫液歌遲之也考工記春液角卽司農液讀爲醴此皆引申之

義古音在魚部

汁液也从水十聲

之入切

注曰古經傳多假汁爲叶方言曰斟協汁也北燕朝鮮洌水之間曰斟自關而東曰協關西曰汁此兼瀡汁和協而言如台朕資界卜陽予也之例汁液必出於和協故其音義通也

澇多汁也从水哥聲讀若哥

古俄切

注曰淮南原道訓甚淖而澇高云澇亦淖也饘粥多瀋者曰澇讀歌謳之歌按今江蘇俗語謂之稠

澇豆汁也从水顓聲

平老切

注曰豆者未也廣韵曰澇澹水勢遠也○箋曰史

記司馬相如傳灝漾潢漾正義引郭云灝漾皆水
無涯際也

澁器滿也从水益聲

夷質切

注曰禮經一溢米注二十兩曰溢按謂二十兩溢
者謂滿於一斤十六兩之外也後人因製鎰字○
箋曰二十兩曰溢自是古權法然士喪禮之一溢
米則似非二十兩之謂辨見通介堂經說

灑灑也从水西聲古文以爲灑掃字

原本奪以字今依段補先禮切

注曰下文云沫洒面也浴洒身也澡洒手也洗洒
足也今人假洗爲洒非古字洒灑本殊義而雙聲
故相假借○箋曰古音先西皆讀如辛

滌 洒也从水條聲徒歷切

注曰皿部曰盥滌器也引申爲凡清滌之詞如七月傳曰滌場掃地雲漢傳曰滌滌旱氣也山無木川無水是也古音在蕭部周禮條狼氏樂記條蕩其聲皆假條爲滌周禮凡酒脩酌假脩爲滌

澂 和也从水戠聲阻立切

注曰小雅爾羊來思其角澂澂毛傳聚其角而息澂澂然也按毛意言角之多蓋言聚而和也如輯之訓聚兼訓和

澂 汁也从水審聲春秋傳曰猶拾澂昌枕切

注曰左傳哀三年曰無備而官辦者猶拾澂也杜

云藩汁也陸德明云北土呼汁為藩

飲也

繫傳飲下有飲字

从水耳聲

切

注曰周禮王崩大肆以秬鬯泔杜子春讀泔為泔

以秬鬯浴厥也按浴厥則鬯厥口鼻與飲飲義相

近○箋曰段說飲飲義恐非是繫傳多飲字疑涉

下文誤衍

飲

原本篆作

飲

一曰吮也

从水纂聲

纂原本

今從段正

從段正

切又先活切

注曰各本篆作泔今按玉篇廣韻皆作泔知古說

文如此作集韻類篇始誤從俗本說文耳飲飲也

吮飲也

澌盪口也从水軟聲

所右切

注曰曲禮諸母不漱裳假漱爲凍

洞滄也从水同聲

戶發切

注曰此義俗从宀作洞篇韻洞皆訓冷大雅洞酌彼行潦毛曰洞遠也此謂洞卽迴之假借也○箋曰洞滄等字改从宀者皆俗書耳

滄寒也从水倉聲

七岡切

注曰周書周祝解曰天地之間有滄熱列子湯問篇曰初出滄滄涼涼宀部滄字音義同

𣄎冷寒也从水靚聲

七定切

注曰世說新語劉眞長始見王丞相時盛暑之月

丞相以腹熨彈棋局曰何乃洵劉旣出人問見王公云何劉曰未見他異惟聞作吳語耳注云吳人以冷爲洵太平御覽引此事洵作觀集韵類篇皆云觀洵二字同吳人謂冷也今吳語謂冷物附他物其語如鄭卽觀字也○箋曰冷與寒義微別冷寒謂侵人之寒卽世說語意此與夬部清音義略同曲禮冬溫而夏清亦謂以冷物附體也

泔滅火器也从水卒聲七內切

注曰滅火器者蓋以器盛水濡火使滅其器謂之泔與火部之焮義略相近故焮通作泔○箋曰此滅火非謂熄滅之也漢書王褒傳巧冶鑄干將之

樸清水淬其鋒顏注淬謂燒而內諸水中以堅之
是也蓋治刀劍者火煉而水淬之使其消鋒而愈
精每淬則火必暫滅故曰滅火器非熄之也謂之
器者亦因其事以名其物也淬與焠音義竝同以
水淬之謂之淬自其用火而言則改从火耳史記
天官書云火與水合爲焠漢書天文志作淬是二
字古通廣韵曰淬染也犯也寒也其引申之義也
段云淬與焠義近通用是也而其注火部則又以
爲義別失檢照矣

沐濯髮也从水木聲

莫卜切

注曰引申爲芟除之義如管子云沐涂樹之枝釋

名云沐禿無上兒之偁

沫洒面也从水未聲荒內切 古文沫从頁敦訂

注曰律厯志引顧命曰王乃洮沫水師古曰沫洗面也禮樂志霑赤汗沫流赭晉灼曰沫古醕字檀弓瓦不成味鄭云味當作沫沫醕也按此沫謂瓦器之釉如洗面之光澤也古文當作類今正尙書王乃洮類水釋文曰說文作沫云古文作類文選類血飲泣李注類古沫字按類从兩手掬水而洒其面會意或奪其井作湏漢人多用醕字○箋曰鈕云玉篇類重文作沫下有古文湏蓋本說文陸說未必是

浴洒身也从水谷聲余蜀切

注曰老子浴神不灰河上公曰浴養也夏小正黑

鳥浴浴也者飛乍高乍下也皆引申之義也

澡洒手也从水澡聲子皓切

注曰皿部盥澡手也儒行篇曰澡身而浴德其引

申之義或假澡爲澡如禮記總冠綵纓是荀卿又

作怪纓

洗洒足也从水先聲穌典切

注曰內則曰面垢燂潘請澣足垢燂湯請洗此洒

面曰澣洗足曰洗之證也洗讀如跣足之跣自後

人以洗代洒滌字讀先禮切治至近日以洒代灑

轉同詩禮之用字矣○箋曰晉先軫之後為先氏亦作洗古音相傳讀若洗不變也今俗作洗

汲引水於井也从水从及及亦聲繫傳本作从水及聲居立切

注曰井九三曰可以汲引申之凡擢引皆曰汲古

書多用汲汲為汲汲同音假借

澆淥也从水寧聲常倫切

注曰內則考工記注皆曰澆沃也按澆熬澆毋之

名因沃之以膏也然則許云淥也謂淥之後一義

○箋曰考工記鍾氏染羽澆而漬之鄭注澆沃也

又慌氏涑帛渥澆其帛清其灰而盥之而揮之而

沃之明日沃而盥之是沃與盥異淥謂漬諸水中

沃則以水澆之許訓涇爲淥卽所謂涇而漬之也

涇古通作醴

淋以水洪也从水林聲一曰淋淋山下水貌力尋切

注曰水沃曰淋今俗語皆爾郭璞注三倉曰淋漉

水下也一曰淋淋山下水謂山下其水也與下文

決下水義同七發曰洪淋淋焉若白鷺之下翔

漉除去也从水某聲私列切

注曰井九三井漉不食荀爽曰漉去穢濁清潔之

意也按凡言泄漏者卽此義之引申變其字爲泄

耳某聲或在脂部或在談部蓋二部之通融難以

枚數○箋曰段以爲某聲在脂部者从卅聲也其

或入談部則聲之轉也據此足明古音轉移不可執一矣又此字唐人避諱書作淙曲禮慈淙處未釋文作淙以制反今撫州本禮記亦作淙

澣 濯衣垢也从水榦聲胡玩切 **澣** 澣或从完

注曰周南箋云澣謂濯之又半澣曰湔見上文澣者今俗字也篇韵皆上聲儀禮古文假浣為盥公羊傳亦有此字

濯 澣也从水翟聲直角切

注曰崧高傳曰濯濯光明也靈臺傳曰濯濯娛游也皆引申之義也有假洮為濯者如鄭注顧命之洮為澣衣成事是也周禮故書以濯為洮爾雅以

以濯爲珣史漢以輯濯爲楫權皆古文假借

涑音蘇也水東聲河東有涑水

速侯切

注曰涑亦假漱爲之公羊傳臨民之所漱浣也何
注無垢加功曰漱去垢曰浣齊人語內則云冠帶
垢和灰請漱衣裳垢和灰請澣鄭云手曰漱足曰
澣是也上文湔篆下云一曰手澣已依水經注訂
手爲泮依鄭用手曰漱之云則作手固未嘗非是
又按左傳曰伐我涑川水經曰涑水出河東聞喜
縣東山黍葭谷今涑水出山西絳縣陳村峪伏流
復出西入聞喜縣界又西南入夏縣界經安邑縣
北西流入蒲州府猗氏縣界又西南經臨晉虞鄉

永濟縣入五姓湖又西南入黃河左傳音義徐仙
民息錄反字林音速○箋曰上文湍一曰手滌段
依水經注所引字林改爲半滌今亦自悟其失矣

灑於水中擊絮也从水敝聲匹蔽切

注曰擊當爲擊考工記注湖漂絮莊子曰泝泝統
皆謂於水面漂擊之竹部曰箬灑絮簣也灑亦謂
之漂漂孚妙切玉篇及曹憲注廣雅合灑漂爲一
字同切孚妙誤矣秋興賦游儵灑灑魚游水兒引
申之義也

塗也从水从土𠂔聲讀若隴又𠂔江切

注曰謂塗堅也通俗文曰泥塗謂之澆澆按塗又

見土部玉篇亦在土部引說文木貢切元應瀧頌
上莫董切下胡動切按塗之言蒙不得讀若隴蓋
水部本無此字淺人妄增之也

灑 灑也从水麗聲

山鼓切

注曰凡埽者先灑弟子職曰實水於盤攘臂袂及
肘堂上則播灑室中握手是也引申爲凡散之稱
山鼓切音變爲所蟹切音轉爲沙下切

灑 灑也从水孔聲

息晉切

注曰孔疾飛也水之散如飛此以形聲包會意揚
雄劇秦美新云況盡汛埽前聖數千載功業汛埽
卽灑埽也俗用爲潮汛字

染以繒染爲色从水朶聲

而刺切

注曰周禮染人掌染絲帛繒者帛也舉帛以該絲也此當云从水木从九裴允遠曰从木木者所以染梘茜之屬也从九九者染之數也按裴說近是禮一入爲縵再入爲纁三人爲纁朱則四人五入爲緌元則六入七入爲緌字从九者數之所究言移易本質必淡入之也○箋曰玉篇女部有嫪字重文作嫪豈嫪从嫪省與抑朶白爲一字而今佚之與未可知也

灋

滑也从升从水大聲

他蓋切隸作泰

古文泰

隸作太

注曰此以疊韻爲訓字从升水水在手中下滴甚

利也與辵部達義近皆他達切左傳汰轉卽滑之意滑則寬裕自如故引申爲縱泰如論語泰而不驕是也又引申爲泰侈如左傳之汰侈西京賦之心參體泰是也汰卽泰之隸省而與漸米之汰同形作汰者誤字古文太从人取滑意大聲○箋曰段以爲太从人非是宋尤叔晦曰古文有因而重之以見意者从大而二之爲太是也隸省作太通作泰餘詳人部仁下

澗 海岱之間調相汙曰澗从水閼聲

余廉切

注曰方言汜澗澗注洿也自關而東或曰注或曰汜東齊海岱之間或曰澗或曰澗按洿汚古通用

子雲義取汚蔑許說及廣雅皆從之郭注以洿池
釋之非也

潑汙灑也一曰水中人从水𣶒聲則肝

注曰調用污水揮灑也釋元應曰江南言潑子旦
反山東言潑子見反史記廉藺傳作潑楊泉物理
論作潑皆音子旦反一曰水中人中讀去聲此與
上文無二義而別之者兼指不污者言也上但云
灑則不中人

潑腹中有水也从水从愁愁亦聲繫傳作从水
愁聲士九切

潑乳汁也从水重聲多貢切

注曰見列子穆天子傳或借重字爲之漢書匈奴

傳重酪之便美是也管子渾然擊鼓士忿怒借渾
爲釐也周禮注潼容卽毛詩傳之童容也

涕鼻液也从水夷聲

他計切

注曰易萃上六齎咨涕洟鄭注自目曰涕自鼻曰
洟詩陳風涕泗漟漟毛傳自目曰涕自鼻曰泗洟
卽洟之假借古書涕夷二字多相亂於是謂自鼻
出者曰涕而自目出者別製淚字皆許不取也素
問謂目之水爲淚謂腦滲爲涕王褒僮約目淚下
落鼻涕長一尺曹娥碑泣淚掩涕驚動國都漢魏
所用已如此周易音義洟他麗反又音夷

涕

流兒从水敝省聲詩曰潸焉出涕

所壽切

注曰詩小雅大東篇文毛云潸涕下兒

汗人液也

作人身

訂从水干聲

侯肝切

注曰身各本作人今依太平御覽訂漢餘汗縣讀

如干

泣

無聲出涕曰泣从水立聲

去急切

注曰尚書大傳曰微子將往朝周過殷之故墟志

動心悲欲哭則爲朝周俯泣則近婦人推而廣之

作雅聲謂之麥秀歌按素問以爲澀字

淚

泣也从水弟聲

他禮切

注曰泣也當作目液也轉寫之誤毛傳云自目出

曰涕篇韻皆云目汁泣非其義也

漚漚也从水聚聲郎旬切

注曰周禮染人凡染春暴練鄭注暴練練其素而暴之按此練當作漚漚其素素者質也卽幌氏之漚絲漚帛也已漚之帛曰練糸部曰練絹也是也幌氏如法漚之暴之而後絲帛之質精而後染入可加染漚之以去其瑕如漚米之去糠粃也故許以漚釋漚戰國策蘇秦得太公陰符之謀伏而誦之簡練以爲揣摩簡練者漚漚之假借也金部治金曰鍊猶治絲帛曰漚

灋議皐也从水獻與灋同意魚列切

注曰文王世子獄成有司讞於公其字从水獻其

議如水之平而獻於上也

渝變汚也从水俞聲一曰渝水在遼西臨俞東出塞

羊朱切

注曰釋言曰渝變也許謂澗而變汚遼西郡臨渝下曰渝水首受白狼東入塞外又有侯水北入渝同郡交黎縣下曰渝水首受塞外南入海按渝水今未詳

減損也从水咸聲

古斬切

注曰古書多假咸爲減

湮盡也从水威聲

亡列切

注曰此舉形聲包會意

漕水轉轂也轂段訂一作轂一曰人之所乘及船也从水曹

聲在到切

注曰穀各本譌轂今依韵會平準書索隱蕪城賦
注訂如清漢書注水轉曰漕百官志曰大倉令主
受郡國傳漕穀乘下疑奪車字蓋車亦得併漕或
云及蓋誤字按史記索隱作一云車運曰轉水運
曰漕十字當從之

泮諸侯鄉射之宮西南爲水東北爲牆从水从半半

亦聲皆半切

注曰魯頌思樂泮水又曰旣作泮宮毛傳泮水泮
宮之水也天子辟廱諸侯泮宮鄭箋云辟廱者築

土雖水之外圓如璧四方來觀者均也泮之言半也半水者蓋東西門以南通水北無也王制作頌宮蓋禮家所製字許不取

漏以銅受水刻節晝夜百刻从水扇聲

盧后切

注曰周禮挈壺氏鄭注漏之箭晝夜共百刻○箋曰顧氏炎武曰梁天監六年武帝以晝夜百刻分配十二辰辰得八刻仍有餘分乃以晝夜爲九十六刻一辰有全刻八焉是知每辰得八刻仍有餘分者古法也灝按顧氏常言古不用十二辰紀時則漏箭百刻但以分晝夜耳不必有每辰幾刻也至梁武乃以百刻分配十二辰故整之爲九十六

刻今麻家用之

丹沙所化爲水銀也从水項聲

呼孔切

注曰本艸經曰水銀鎔化還復爲丹然則本丹之所化明矣後代燒煅麤次朱沙爲之淮南書高注白頌水銀也廣雅曰水銀謂之頌字一作汞說者分別之云汞水銀萍

萍也水艸也从水萍萍亦聲

薄經切

注曰萍萍二篆見艸部篇韻皆云萍萍同字疑許書本有萍無萍萍卽萍之別字周禮萍氏疑本作萍氏○箋曰萍字在艸部大篆五十三之列自非後人增之鈕云此萍字爲後人加故附在部末也

澣水多兒从水歲聲

呼曾切

箋曰前有澣篆段訂作澣而刪此篆今從之

汨治水也从水曰聲

于筆切

注曰天問不任汨鴻師何以尙之王云汨治也鴻大水也引申之凡治皆謂汨書序汨作汨治也汨本訓亂如亂之訓治洪範汨陳其五行汨亂也俗音古忽切○箋曰鉤云汨解治水而次在部末疑非許書本有餘詳川部昂下

文四百六十八

重二十二

段於本部補池篆次沼下云陂

也从水也聲直離切自注曰徐鉉等曰池沼之池通用江沱字今別作池非是學者以爲確不可易矣考初學記引說文池陂也从水也聲徐堅所據不誤漢碑池沼字皆从也今

本初學記也聲誤為它聲耳門之池與麻歌為韵小雅無羊阿池說韵大雅皇矣亦阿與沱韵此外見於楚辭子史者
尚多顧氏唐韵正已詳引之沱之聲轉為池
亦猶皮離奇施等聲古音皆在歌部今轉入
支部也段氏僅據初學記已自不確況所引
者又本作它聲而改以就已說可乎鈕云漢
碑池沼字从也乃隸變亦如詒作詒佗作他
耳段又於濂下補或
體濂篆已詳本字下

懷
露濃兒从水襄聲
汝羊切

鈕曰詩野有蔓艸零露漙漙傳云漙漙盛貌蓼蕭
零露漙漙傳云漙漙露替貌據執競降福穰穰傳
云穰穰眾也義與漙合疑古作穰○箋曰此字許
偶遺之不得以穰為正

漙
露兒从水專聲
度官切

鈕曰詩野有蔓艸零露漙漙今釋文云漙本亦作團
文選謝惠連詩團團蒲葉露李注引毛詩零露團
今與釋文合顏氏匡謬正俗云零露漙漙今古本有
水旁作專字者亦有單作專字據此知古亦作專
可補釋文之遺

泣淚皃从水丸聲

胡官切

鈕曰玉篇洏爲汙之重文

泚滅也从水民聲

武盡切

鈕曰釋詁泚盡也廣雅泚滅也玉篇泚彌忍彌寘
二切滅也又泚泚亂也錢先生云漢書敘傳洒洒
紛紛卽呂荆泚泚焚焚按漢碑有泚

澼沚沚氣也从水龠省聲

胡介切

鈕曰玉篇云沚沚氣也按史記索隱本司馬相如傳滂溥沚沚注沚亦作沚引司馬彪云沚沚徐流也據此知古通作沚王逸注楚辭遠游篇云沚沚者北方夜半氣也蓋本道家說未足據

澼水名从水盧聲

洛平切

鈕曰玉篇澼水名夏文肅云漢書地理志牂柯郡句町下云又有盧唯水其字本無水旁

澼水名从水蕭聲

相邀切

鈕曰水經注湘水下云神遊洞庭之淵出入瀟湘之浦瀟者水清澗也說文訓清澗清正與此合知

瀟卽瀟而非水名也

瀟水名从水巖聲以成切

注曰史記孟荀列傳鄒衍云中國曰赤縣神州中國外如赤縣神州者九乃有大瀛海環其外天地之際也然則瀛者蓋取環繞之義高注淮南要略云巖繞而也疑古作巖○箋曰此後出之字不必求古書所有以實之也

滁水名从水除聲直魚切

鈕曰玉篇滁水名集韻涂陳如切音除水名與滁同引晉書宣帝紀王淩詐言吳人塞涂水涂水卽滁水又王伯厚困學紀聞亦云滁州卽涂中

𣶒水名从水名聲

武并切

鈕曰玉篇𣶒水名在新陽隋書地理志武安郡𣶒

水注云舊斥漳按𣶒水今未詳

𣶒水聲从水𣶒聲

昨閑切

𣶒水聲从水爰聲

王權切

鈕曰楚辭九歌橫流涕兮𣶒𣶒王注𣶒𣶒流貌也

又招魂川谷徑復流𣶒𣶒些王注其流急疾又絜

淨也疑𣶒古作𣶒𣶒者洄之別體漢碑有𣶒𣶒○

箋曰此因水以製字古無𣶒𣶒之𣶒不必求其本

作何字也

𣶒大波也从水壽聲

徒刀切

鈕曰高誘注淮南說林訓云波者涌起還者爲濤
按文選七發將以八月之望觀濤乎廣陵之曲江
則濤者實潮也說文淖从朝省疑濤爲淖之別體
漢碑有濤

澌水浦也从水敘聲

徐呂切

鈕曰澌古通作敘元和郡縣志云敘浦縣本漢義
甯縣引離騷云入敘浦而邇迴今九章作澌浦

澌水派也从水養聲

古項切

鈕曰水經注穀水下引晉惠帝造石梁文云政治
石巷水門據此知古通作巷

澌水所亭也从水豬聲

陟魚切


鈕曰禹貢大野既豬釋文豬張魚反馬云水所停
止漢者曰豬是古通作豬



大水也从水𣶒聲

武移切

鈕曰玉篇廣韵竝無此字蓋卽潏之俗字說文潏
訓滿五經文字云潏民爾反又甯爾反見詩風今
詩新臺作河水潏潏亦後人改矣



大水也从三水或作𣶒

亾沼切

鈕曰北齊臨淮王像碑云巨海入於毛穴無妨浩
淼此淼之始見於石刻者徐云或作𣶒然說文無
𣶒



潏也从水𣶒聲

古屑切

鈕曰玉篇水部無潔久部有潔云俗絜字按隸釋載漢碑通作絜唯祝睦後碑躬潔冰雪作潔則漢時已有此字

浹洽也从水夾聲

子協切

鈕曰周禮太宰正月縣治象之灋于象魏挾曰而斂之釋文云挾子協反字又作浹同又荀子禮論方皇周挾楊注挾讀爲浹而也據此知古通作挾漢碑已有浹

湓奄忽也从水盍聲

口荅切

鈕曰離騷甯湓歿以流亾兮王注湓猶奄也按說文盍奄竝訓覆以湓訓奄疑古作盍○箋曰此疑

許偶失載

𣶒 含水噴也从水𣶒聲

魚困切

鈕曰後漢書郭憲傳面向東北含酒三𣶒注引埤蒼曰𣶒噴也又樊英傳嘗有暴風從西方起英謂學者成都市火盛因含水西向漱之二說相類漱卽漱之俗字說文𣶒漱竝訓吮養或作𣶒知𣶒卽𣶒之別體○箋曰𣶒與吮異義鈕說非也此後出之字耳

涯 水邊也从水厓厓亦聲

魚羈切

鈕曰釋耶望厓洒而高岸郭注厓水邊釋文厓字又作涯是古通作厓漢碑已有涯

文二十三 新附

說文解字第十一 上二